











---

চোরা-বালি

---



# উপহার

স্বামী-স্বামীসহ মাইলি-৬৩-

স্বামী-স্বামীসহ মাইলি-৬৩-

১৯৩৩

২৩৩৩

21. Sep. 1919.

স্বামী-স্বামীসহ মাইলি-৬৩-





কমলিনী সাহিত্য-মন্দিরের স্বত্বাধিকারী,

শ্রীযুত গোষ্ঠবিহারী দত্ত

৩

শ্রীযুত শরৎচন্দ্র পাল

সমীপেষু—

সবিনয় নিবেদন,

আপনারা বাঙালা সাহিত্যে সুখপাঠ্য উপন্যাসের  
বহুলপ্রচারকল্পে যে চেষ্টা করিতেছেন, তাহার সহিত  
আমার সম্পূর্ণ সহানুভূতি আছে। সেই সহানুভূতির  
জন্যই আমি আপনাদের চেষ্টায় যোগ দিয়া এই  
“চোরা-বালি” উপন্যাস দিলাম।

আপনাদের চেষ্টা—সফল ও জয়যুক্ত হউক। ইতি,

অগ্রহায়ণ, ১৩২৬।

বিনীত—

শ্রীহেমেন্দ্রপ্রসাদ ঘোষ।



সাহিত্য-গগনের কোন কোন উজ্জ্বল নক্ষত্র "কমলিনী-সাহিত্য-মন্দিরের"  
কীৰ্ত্তিধ্বজা আলোকিত করিতেছেন—

তালিকা দৃষ্টি মুগ্ধ হউন।

শ্রীমুক্তা স্বর্ণকুমারী দেবী।

- " নিরুপমা দেবী।
- " ইন্দिरা দেবী।
- " শৈলবালা ঘোষজায়া।
- " তমাললতা বসু।

শ্রীমুক্তা শরৎচন্দ্র চট্টোপাধ্যায়।

- " সুরেশচন্দ্র সমাজপতি।
- " হরিসাধন মুখোপাধ্যায়।
- " চারুচন্দ্র বন্দোপাধ্যায় বি, এ।
- " নারায়ণচন্দ্র ভট্টাচার্য্য।
- " কালীপ্রসন্ন দাস গুপ্ত এম, এ।
- " সৌরীন্দ্রমোহন মুখোপাধ্যায় বি, এল।
- " বিভূতিভূষণ ভট্ট।
- " ক্ষেত্রমোহন ঘোষ।
- " গিরিজাকুমার বসু।
- " নগেন্দ্রনাথ ঠাকুর।
- " কৃষ্ণচন্দ্র কুণ্ড এম, এ।
- " প্রমথনাথ চট্টোপাধ্যায় (সাহিত্য সম্রাট বঙ্কিমচন্দ্রের পৌত্র)
- " শরৎচন্দ্র পাল ( অধ্যক্ষ ও লেখক )।
- " ব্রজমোহন দাস।

প্রতি মাসের ১লা তারিখে সাহিত্যজগৎপ্রেমী উল্লিখিত স্নলেখক-  
লেখিকাবৃন্দের একপানি করিয়া মনোমদ উপভোগ আপনাদের হাতে  
দ্রিতে পারিব।

শ্রীগোষ্ঠবিহারী দত্ত } ( কমলিনী-সাহিত্য-মন্দির )  
শ্রীশরৎচন্দ্র পাল। }



পৌষের চতুর্থ সম্পূর্ণ উপভাস  
শ্রীযুক্তা শৈলবালা ঘোষজায়া গ্রথিত

উপভাস-সাহিত্যে গোলকুণ্ডার মুক্তার মালা

মহিমা দেবী

১লা পৌষ প্রকাশিত হইবে।



পুস্তক সংখ্যা

পরিগ্রহণ সংখ্যা ১২২

## চোরা-বালি ।



প্রথম পরিচ্ছেদ ।

রাত্রিতে অভিনয় হইবে। কিন্তু সন্ধ্যার পূর্বেই রঙ্গালয়ের টিকিট-ঘর বন্ধ করিয়া দিতে হইয়াছিল ; কারণ, রঙ্গালয়ে বসত লোকের স্থান হইতে পারে, তদপেক্ষাও অধিক লোকের জন্ত টিকিট সন্ধ্যার পূর্বেই বিক্রয় হইয়া গিয়াছিল। লোক টিকিট-ঘরের দরজায় আঘাত করিতেছিল, এবং রাস্তায় ভিড় করিয়া দাঁড়াইতেছিল। শেষে বাধ্য হইয়া রঙ্গালয়ের কর্তারা গেট বন্ধ করিয়া দিলেন। তখন লোক গেটের বন্ধ কপাট ঠেলিতে লাগিল। রাস্তায় গাড়ী চলা ছুফর হইয়া উঠিল। রঙ্গালয়ের অধ্যক্ষ পুলিশে সংবাদ দিতে বাধ্য হইলেন, এবং পুলিশ আসিয়া ঘটনাস্থলে উপস্থিত হইল। পুলিশের ইনস্পেক্টর চতুর লোক ; তিনি কোনরূপ হাঙ্গামা বাধাইতে অনিচ্ছুক ছিলেন, তাই অস্থায়ী পুলিশ আনিলেন—শিক্ষিত ঘোড়া ভিড়ের মধ্যে



## চোরা-বালি

লইতেই জনতা ছত্রভঙ্গ হইয়া গেল। শেবে ফুটপাথের উপর স্থানে স্থানে লোক রহিল—মথের রাস্তা পরিষ্কার হইয়া গেল।

সে রাত্রিতে ‘চন্দ্রশেখর’ অভিনয় হইবে। বাঙ্গালীর নাট্যকলানুরাগ সহসা এমন প্রবল হয় নাই যে, সেই জন্ত সেদিন রঙ্গালয়ে স্থানাভাব হইয়াছিল। বঙ্কিমচন্দ্রের প্রতি শ্রদ্ধাও দর্শকদিগকে চুপ্‌কাকুঠ লৌহবৎ আকর্ষণ করে নাই। তবে এমন অপ্রত্যাশিত লোকসমাগমের কারণ কি? সে দিন ‘দলনী বেগমের’ অংশ যে অভিনয় করিবে, তাহারই জন্ত এই জনতা।

আমাদের কোন বন্ধু বলেন, বাঙ্গালা রঙ্গালয়ের সর্বোৎকৃষ্ট অংশ—বিজ্ঞাপন। রঙ্গালয়ের যত কবিদ্ব—যত রচনাচাতুরী—যত চিত্তাকর্ষক ভাষা, সবই বিজ্ঞাপনে ব্যয়িত হয়; তাই নাটকের বা অভিনয়ের জন্ত আর বড় কিছু অবশিষ্ট থাকে না। রঙ্গালয়ের বিজ্ঞাপন পাইলেই তিনি তাহা সাগ্রহে পাঠ করেন। বিজ্ঞাপনেও লিখিত ছিল—

“দলনী বেগম সাহিত্যসম্রাট বঙ্কিমচন্দ্রের অপূর্ব সৃষ্টি। দলনী—প্রেমবিহ্বলা—প্রেমনাদিনী—প্রেমে আত্মহারা—প্রেমের জন্ত আত্মঘাতিনী। সেই দলনী বেগমের ভূমিকা যিনি গ্রহণ করিবেন, তিনিও দ্বিতীয় দলনী। তিনি দলনীর যাতনা ও বেদনা আপনার বক্ষে বহন করিতেছেন। তিনি কে? সে কথা বলিব না। আসিয়া দেখুন।”

রঙ্গালয়ের কর্তারা “দলনী”র পরিচয় না দিলেও সে পরিচয় গোপন থাকে নাই। মুগ্ধনাভীর সৌরভ এবং বঙ্কিমের জ্বালা বয়ঃ

## ডোলা-বালি

গোপন রাখা যায়, তবুও বড় ঘরের গুপ্ত কথা গোপন রাখা যায় না—জনরবের জিহ্বায় তাহা অতিরঞ্জিত হইয়া বাহিরে ছড়াইয়া পড়ে, এবং সত্যের সঙ্গে মিথ্যা মিশিতে মিশিতে শেষে কতটা সত্য আর কতটা মিথ্যা তাহা স্থির করাই দুঃসাধ্য হইয়া উঠে।

প্রায় ছয় মাস পূর্বে কলিকাতার কোন বড় ঘরের একটা গুপ্ত কথার আলোচনা পথে ঘাটে হাটে হইয়াছিল। পথে লোক সেই কথার আলোচনা করিতে করিতে বলিয়াছিল—“মেয়েটারই বা দোষ কি? রক্তমাংসের শরীর ত বটে—কতটা অত্যাচার সহ হয়! ইহাতে যদি বড় ঘরের অকালকুস্মাণ্ডগুলার শিক্ষা হয়—সেও ভাল।” ঘাটে মেয়ে-মহলে সে কথার আলোচনা হইয়াছিল। গঙ্গার ঘাটে আসিয়াও মেয়েরা সেই কথার কত ব্যাখ্যা করিয়াছিলেন। মেয়েদের মধ্যে আবার যাহারা আপনাদের অতীত জীবনের ইতিহাস মুছিয়া ফেলিতে পারিলে শান্তি পায়, তাহারাই বেশী করিয়া বলিয়াছিল—“পোড়া কপাল! কেন—জালা জুড়াইবার কি আর জায়গা ছিল না? আর জায়গা না জুটিলে ত মা গঙ্গার কোলেও আসিতে পারিত। তা নয়—বর ছাড়িয়া আসা! মরণ আর কি!!” হাটে লোক বলাবলি করিয়াছিল—“ভালই হইয়াছে—স্বর্গ নীল, নরক বল—সবই এই পৃথিবীতে। মানুষের অত পাপ কি সহ্য? দর্পহারী মধুসূদন আছেন, তাই পাপীর এই শাস্তি; নহিলে কি ভদ্র ঘরের মেয়ে—ভদ্র ঘরের বধু—অমন করিয়া কূলে কালি দেয়? কূলে কালি

## ডোন্না-বালি

“সেই আর কি? ঘর যখন ছাড়িয়া আসিয়াছে, তখন আর  
রহিল কি?”

যাহাকে লইয়া এত কথা—সেই প্রভাত-নলিনীই রঙ্গালয়ে  
দলনী বেগম সাজিবে। তাই এত জনতা। ছয় মাসে যে  
আলোচনার ধূলি বিস্মৃতির পথে পতিত হইয়াছিল, বিজ্ঞাপনের  
দম্কা বাতাস আবার তাহাই উড়াইয়া সहरময় ছড়াইয়া দিয়াছিল।  
সঙ্গে সঙ্গে কত গুজবই রটিয়াছিল—যাহার অত্যাচারে প্রভাত-  
নলিনী ঘর ছাড়িয়া অকূলে ভাসিয়াছিল, সে শতাধিক গুণ্ডা  
যোগাড় করিয়াছে—পুলিসকে লক্ষ টাকা দিয়াছে—পুলিস কোনও  
কথা বলিবে না, গুণ্ডারা রঙ্গমঞ্চ হইতেই প্রভাত-নলিনীকে  
ধরিয়া লইয়া যাইবে। কোথায় যাইবে? সে কথার কোন সহুত্তর  
কেহ দিতে পারে নাই। তবে এমন একটা হান্সামার সম্ভাবনা  
থাকায় অভিনয়ের সঙ্গে আর একটা অভিনয় বিনা ব্যয়ে দেখিবার  
আশাও লোককে প্রলুব্ধ করিয়াছিল। হুজুগটা বেশ জমিয়া  
গিয়াছিল।

হুজুগ জমিবার অনেক কারণও ছিল। বাঙ্গালীর মেয়ের  
পক্ষে সব অত্যাচার সহ করাই স্বাভাবিক, প্রতিবাদ করা বা  
প্রতিশোধ লওয়া যেন তাহাঁর প্রকৃতিবিরুদ্ধ। পদদলিত ক্রিমি-  
কীটও দংশন করে, কিন্তু পদদলিতা বাঙ্গালী বালিকা—কিশোরী—  
যুবতী কেবল অশ্রুবর্ষণ করে; আহুঘাতিনী হয়, তবুও প্রতীকার-  
চেষ্টা করে না। সেরূপ কাজ তাহার সংস্কারবিরুদ্ধ—প্রকৃতি-  
বিরুদ্ধ। ভ্রমরের বড় স্পর্দ্ধা তাই সে স্বামীকে লিখিয়াছিল—

## চোরা-বালি

“যত দিন তুমি ভক্তির যোগা, ততদিন আমারও ভক্তি ; যত দিন তুমি বিশ্বাসী, তত দিন আমারও বিশ্বাস ।” কিন্তু ভ্রমরের শ্রষ্টাই তাহার সে তেজ চূর্ণ করিয়া দিয়াছেন । শেষে সেই ভ্রমর রোহিণীর রূপমদিরাপানবিহ্বল—কর্তব্যত্যাগী—চরিত্রহীন স্বামীর চরণ-ধূলি মস্তকে লইয়া মহাযাত্রা করিয়াছিল । বাঙ্গালীর মেয়ে কখন সমাজের বিরুদ্ধে—সংসারের বিরুদ্ধে—স্বামীর বিরুদ্ধে বিদ্রোহ-বোষণা করে নাই । প্রভাত-নলিনী তাহাই করিয়াছিল । সে স্বামীর গৃহ ও আশ্রয় ত্যাগ করিয়া আসিয়াছিল । সে কলঙ্কের পশরা মাথায় তুলিয়া লইয়াছিল, কলঙ্ক তাহাকে কতটুকু স্পর্শ করিয়াছিল এবং স্পর্শ করিয়াছিল কি না—তাহা বুঝিবার অবসর বা সুযোগ কাহারও হয় নাই—হইবে কি না তাহাও সন্দেহ । কিন্তু সে সে সব কথা ভাবিয়া দেখে নাই । সে আপনাকে বড় ভাবিয়াছিল—আত্মরক্ষাই আপনার কর্তব্য বিবেচনা করিয়াছিল । আত্মরক্ষা যে অনেক সময় আত্মত্যাগের উপায় হয়—মুক্তি যে অনেক সময় বন্ধনেই পরিণতি লাভ করে, তাহা সে বুঝিত না—বুঝিবার মত শিক্ষা বা দূরদৃষ্টি তাহার ছিল না । কেন না সে কিশোরী—সুন্দরী—বিবাহিত-জীবনে কেবল যাতনা ভোগাই করিয়াছে—তাহার সংসার তাহার পক্ষে নরক হইয়া উঠিয়াছিল । সে সেই নরক হইতে পলাইয়া আসিয়াছে—জগতে সকলের জীবন-সন্তোগে যে অধিকার, সেই অধিকার সে আপনার প্রাপ্য মনে করিয়াছে । যে প্রেমের জগ্ন—স্নেহের জগ্ন—ভালবাসার জগ্ন মানুষ স্বার্থত্যাগ করিতে পারে—দাসত্ব স্বীকার করিতে

## ডোনা-নালি

পারে—সুখ বিসর্জন দিতে পারে, তাহা সে পায় নাই ; তাই সে মুক্তির সন্ধান করিতেছিল । সে তাহার কারাকক্ষে সর্বত্র সন্ধান করিয়া শেষে যে পথ পাইয়াছে, সেই পথেই পলায়ন করিয়াছে । সে পথ তাহাকে কোথায় লইতে পারে তাহা সে ভাবিয়া দেখে নাই । লোকের নিন্দাপ্রশংসা সে মূল্যবান বলিয়া মনেও করে নাই । কেন না, তাহা সংসারীর পক্ষে প্রয়োজন—সংসারত্যাগীর কাছে ধূলিবৎ মূল্যহীন ।

এই সেই প্রভাত-নলিনী, যে আজ দলিনী বেগমের সাজে রঙ্গমঞ্চে আবিভূত হইবে । তাই তাহাকে দেখিবার জন্ত দর্শকদিগের এত আগ্রহ ।

কেন সে রঙ্গালয়ে আসিল তাহা লইয়াও লোক কত জল্পনা করিতেছিল । অত বড় বংশের মুখে কালি মাখাইয়াও কি তাহার তৃপ্তি হয় নাই—তাহার প্রতিহিংসাবৃত্তি চরিতার্থ হয় নাই যে, সে কালি গাঢ়তর করিবার জন্ত রঙ্গালয়ে আসিয়া আপনার গৃহত্যাগ-সংবাদ প্রচার করিতেছে ? সে কি নিতান্ত লজ্জাহীন মত অপরিচিত জনতার প্রশংসা লাভের জন্ত উৎসুক হইয়া এমন ভাবে আপনার রূপের ও অভিনয়নৈপুণ্যের বিজ্ঞাপন দিতেছে ? নারী-হৃদয়ের রহস্ত—দেবতাও তাহা জানিতে পারেন না, মানুষ কোন ছার । কে সে কারণ নির্ণয় করিতে পারে ?

প্রভাত-নলিনীর পিতা দরিদ্র ছিলেন । তিনি কলিকাতার কোন সওদাগরী আফিসে মাসিক ৩০ টাকা বেতনে কেরানীগিরি

## চোরা-বালি

করিয়া কোনরূপে সংসার প্রতিপালন করিতেন। একখানি জীর্ণ সৈঁতসৈঁতে একতলা বাড়ীতে তাঁহার বাস ছিল। তবে তাঁহার পত্নীর গৃহিণীপনায় কোনরূপে সেই সঙ্কীর্ণ আয়ে সংসার চলিত—মুদীর এক মাসের ধার রাখিয়া কায়ক্লেশে আয়ে ব্যয় কুলাইত—কেবল যশোদার দড়ী বাঁধিতে কুলাইত না। এই আয়—ইহার উপর সংসারটি ছোট নহে—বিধবা ভগিনী, দুই কন্যা, এক পুত্র, স্ত্রী ও আপনি। যদি কোন মাসে কোন ছেলের জন্ম ডাক্তার ডাকিতে হইত, তবেই সে মাসে বাজার-খরচের সামান্য বরাদ্দও কমাইতে হইত—নহিলে কুলাইত না। সংসারে বিলাসের লেশমাত্র ছিল না—জীবনে বাছলোর বর্ণপাত হইতে পারিত না। ছেলেমেয়েরা যত বড় হইতেছিল, ততই অভাব বাড়িতেছিল; তাহাদের বিদ্যালয়ের বেতন, পুস্তকাদির মূল্য, জামা জুতার খরচ, এ সবই বাড়িয়া যাইতেছিল; বাড়িতেছিল না কেবল—গৃহস্থামীর বেতন। ইহার উপর আবার যখন বাড়ীওয়াল বাড়ীর ভাড়া মাসিক দুই টাকা বাড়াইতে চাঙ্গিল, তখন প্রভাত-নলিনীর পিতা অন্ধকার দেখিলেন। সন্ধ্যার পর কোথাও ছেলে পড়াইলে আর পাঁচটি টাকা আয় হইত, কিন্তু তাহা হইলে ছেলেমেয়েদের আবার পড়ান হয় না। বিধবা ভগিনী বলিলেন, “মেয়েদের আবার পড়ান কেন? উহারা কি চাকরী করিতে যাইবে? গরিবের ঘরে অত দরকার নাই।” মেয়েরা পাড়ার মিশনারী স্কুলে পড়িত—বেতন মাসে চারি আনা। কিন্তু মেয়েদের স্কুল ছাড়াইতে মেয়েদের বাপের মন সরিল না;

## জোনা-বালি

আহা—না হয় তাহারা গরিবেরই মেয়ে, তাই বলিয়া আজকাল যখন সব মেয়েই লিখাপড়া শিখে, তখন তাহারাই কেবল মাসে চারি আনার জন্ত তাহাতে বঞ্চিত থাকিবে? এখন নূতন সমস্তা উপস্থিত হইল। কেবল চারি আনা খরচ নহে; যদি ছেলে পড়াইয়া মাসে পাঁচ টাকা আয় হয়, তবে? যে কাজটা করিতে লোকের ইচ্ছা না থাকে, সেটা না করিবার ছলেরও অভাব হয় না। তাই প্রভাত-নলিনীর পিতা দিদিকে বলিলেন, “আমি একটা ছেলে পড়ান চাকরী খুঁজি—পাইলেই মেয়ে দুইটাকে স্কুল ছাড়াইব। যে কয়দিন না পাই, সেই কয় দিন যেমন চলিতেছে, তেমনই চলুক।” দিদির তাহাতেও মন উঠিল না; তিনি বলিলেন, “তত দিনই বা স্কুলে রাখা কেন?” কেন—তাহা প্রভাত-নলিনীর পিতা মুখ ফুটিয়া বলিলেন না—দরিদ্রের আশা প্রকাশ করিলে লোক পাগল মনে করে। মেয়ে দুইটির—বিশেষ প্রভাত-নলিনীর একটা সম্পদ ছিল; ছিল—অসামান্য রূপ। তাই তাহার পিতার আশা ছিল—হয় ত সে এমন ঘরে পড়িতেও পারে যে, তাহাকে দারিদ্র্যের দংশনঘাতনা ভোগ করিতে হইবে না। সে আশার পূরণপথে যে সব অন্তরায় ছিল, তাহাও তিনি জানিতেন। তাহার মত দরিদ্র কেরাণীর সঙ্গে ধনীরা কুটুম্বিতা করিবেন কেন? আর আজকাল যেক্রপ দিনকাল পড়িয়াছে, তাহাতে গহনা না হইলে রূপের জলুস খুলে না। এখন লোক আর কুলশীলবংশ দেখিয়াই শাঁখা-শাড়ী-পরা মেয়ে লইতে চাহে না। তবুও—তবুও—আশা ত্যাগ করা যায় না। যে যুদ্ধে

## ভোলা-বালি

ভীষ্ম, দ্রোণ, কর্ণ—দেহরক্ষা করিয়াছিলেন, শেষে শল্যের নেতৃত্বে সেই যুদ্ধ জয় করিবার আশা বা ভ্রাশাও কৌরবগণ পরিহার করিতে পারেন নাই।

কিন্তু কল্যার পিতা যখন আশাপূরণের কোন পথই দেখিতে পাইতেছিলেন না, তখন প্রজাপতির নির্বন্ধ অতর্কিত পথ অবলম্বন করিল। এক দিন মধ্যাহ্নে এক ঘটকী আসিয়া বাড়ীর দরজার কড়া নাড়িল। প্রভাত-নলিনীর পিসীমা আসিয়া দ্বার খুলিয়া দিলে ঘটকী যেন সন্ধিক্ষণে চারিদিকে চাহিল—এই অন্ধকার, ভাঙ্গা বাড়ী—কর্তা কি তাহাকে এই বাড়ীতেই পাঠাইয়াছেন? শেষে সে জিজ্ঞাসা করিল—“হাঁগা বাছা, এই কি মোহিত রায়ের বাড়ী?” পিসীমা বলিলেন, “হাঁ—তুমি কোথা থেকে আসছ?” ঘটকী বলিল, “চল, বাছা, বলি। এ বাড়ীতে কি মেয়ে আছে?” পিসীমা যেন আকাশের চাঁদ হাতে পাইলেন—ঘটক ঘটকীরা ডাকিলেও গরিবের বাড়ী মাড়ায় না; তবে এ কোন্ সৌভাগ্য যে ঘটকী আপনি আসিল? তিনি যত্ন করিয়া ঘটকীকে বসিবার জন্ত একখানা মাহুর বিছাইয়া দিলেন।

বসিয়া গামছায় মুখ মুছিয়া ঘটকী যে সম্বন্ধের কথা বলিল, তাহাতে পিসীমা একেবারে নিকরাক হইয়া গেলেন। তাঁহাকে গঙ্গানানে যাইতে পল্লীর মোড়ে—বড় রাস্তার উপর যে বড় বাগান ও ফটকওয়ালা বাড়ীর সম্মুখ দিয়া যাইতে হয়, সেই বাড়ীর একমাত্র ছেলের সঙ্গে বিবাহের সম্বন্ধ! এ কি বিজ্ঞপ! যাঁহারা মেয়ে দেখিতে আসিলে বসাইবার স্থান মেয়ের বাপের নাই, তাঁহারা



## চোরা-বালি

মেয়ে লইবেন—গহনাপত্রের দাবীদাওয়া করিবেন না—এমন কি দরকার হইলে খরচের সাহায্যও করিতে পারেন—এ কি স্বপ্ন? কিন্তু ঘটকী ত তাহাই বলিয়া গেল! ভ্রাতাকে জিজ্ঞাসা না করিয়াই তিনি বিবাহে সম্মতি দিলেন—কেবল একবার প্রভাত-নলিনীর মাতাকে বলিলেন, “কি বল বৌ?—মোহিতকে আবার জিজ্ঞাসা করা কেন?” কথাটা শেষ হইয়া গেলেও ঘটকী কিন্তু নানা কথায় দেৱী করিতে লাগিল। দরিদ্রের সংসার, সব কাজ আপনারা করিতে হয়, তাই ঘটকী উপস্থিত থাকায় প্রভাত-নলিনীর মাতা ও পিসীমা কিছু বিব্রত হইয়া পড়িতেছিলেন। এখনই ছেলেমেয়েরা স্কুল হইতে আসিবে—তাহাদের রুটীগুড় দিতে হইবে—বাসন মাজা, ঘর ধোয়া সবই বাঁকি। কিন্তু ঘটকী উঠিল না।

ক্রমে ছেলেদের ফিরিবার সময় হইল—দ্বারে ঘা পড়িল। পিসীমা তাড়াতাড়ি উঠিয়া দরজা খুলিয়া দিলেন, এবং প্রভাত-নলিনীকে চোক টিপিয়া জানাইলেন, যেন সে কোনরূপ চাঞ্চল্য প্রকাশ না করে। মেয়ে কিন্তু সে কথা বুঝিল না—জিজ্ঞাসা করিল, “পিসীমা, তোমার চোকে কি কিছু পড়েছে?” পিসীমা মুখ বাঁকাইয়া বলিলেন, “না।” প্রভাত-নলিনী পিসীমা’র এই ব্যবহারে বিস্মিত হইল।

ঘটকী মেয়ে দেখিয়া তবে ফিরিয়া গেল। চৌধুরী-গৃহিণী কৰ্ত্তার পসন্দে নির্ভর না করিয়া ঘটকীকে মেয়ে দেখিয়া যাইতে বলিয়া দিয়াছিলেন।

আসল কথা, চৌধুরী বাড়ীর কৰ্ত্তা পুত্রদ্বয়ে বিব্রত হইয়া

## চোলা-বালি

পড়িয়াছিলেন। তাঁহার অগাধ অর্থ, বৃহৎ পরিবার—এক পুত্র। ছেলেটি জন্মিয়া পর্য্যন্ত শুনিয়াছে, সে বড়মানুষ। কর্তা যখনই তাহাকে শাসন করিবার চেষ্টা করিয়াছেন, গৃহিণী তখনই তাঁহার সে চেষ্টা ব্যর্থ করিয়া দিয়াছেন। এইরূপে বঞ্চিত হইলে যাহা হয়, ছেলের তাহাই হইয়াছিল। ছেলে ছুলালচন্দ্র “বেচাল” হইতেছিল। এ রোগের এক বই দ্বিতীয় ঔষধ কর্তার জানা ছিল না। তিনি সুন্দরী—ডাগর মেয়ের সঙ্গে ছেলের বিবাহ দিতে উদ্যোগী হইলেন; ভাবিলেন, এই ঔষধেই রোগ সারিবে। তাই তিনি সুন্দরী পাত্রীর সন্ধান করিতেছিলেন। এই সময় পাড়ার মিশনারী স্কুলের নূতন গৃহপ্রবেশ ও বার্ষিক পুরস্কার-বিতরণের উৎসবে কর্তার নিমন্ত্রণ হইয়াছিল, এবং তথায় পুরস্কার-বিতরণের সময় তিনি প্রভাত-নলিনীকে দেখিয়াছিলেন। তাহার পর তিনি স্কুলের ঝির কাছে সন্ধান লইয়া জানিয়াছিলেন—প্রভাত-নলিনীর পিতাও ব্রাহ্মণ। তাই তিনি ঘটকীকে তাহার বাড়ী পাঠাইয়াছিলেন। প্রভাত-নলিনীর পিতার অবস্থা তিনি জানিয়াছিলেন; কিন্তু তিনি মেয়েটিকে দেখিয়াই কাজ করিতে লুপ্ত হইয়াছিলেন—টাকার কথা মনেও করেন নাই।

মোহিত আফিস হইতে ফিরিয়া আসিয়া যখন সম্বন্ধের কথা শুনিলেন, তখন তিনি চুপ করিয়া রহিলেন—আনন্দ করিবেন—শিক্ষিত হইবেন—ঠিক বুঝিতে পারিলেন না। অত বড় ধনীর ঘরে মেয়ে দিতে তাঁহার ভয় করিতেছিল। তাঁহার মত ময়লা-কাপড়-পরা কেরাণী যে সে বাড়ীর ফটকও পার হইতে পারিবে

## চোরা-বালি

না! মেয়ের অদৃষ্টে সুখ হইতে পারে; কিন্তু তিনি কি আর কখনও মেয়েকে আনিতে পারিবেন? তাহারা পাঠাইবে কেন? দরিদ্রের সংসারে সুখের মধ্যে—ছেলে মেয়ে; অন্ধকারে তাহারাই আলো। এতদিন মোহিত অজস্র দুঃখের মধ্যে ছেলে-মেয়েকে লইয়াই সুখী ছিলেন। সেই মেয়েকে হয় ত আর দেখিতেও পাইবেন না!

দিদি বলিলেন, “কি, চুপ কেন? ঘটকী বলে—তারা মেয়েকে ছু স্ট গয়না দেবে—হীরের আর সোনার। হীরের বালি, হীরের বাজু, হীরের মটুক; মোতির মালা। বুঝলে?”

মোহিত ভাবিলেন, তবে কি তিনি আপনার সুখের জন্ত মেয়ের সুখ অবহেলা করিতেছেন? তিনি কি স্বার্থপর হইয়া পিতার কর্তব্য ভুলিতেছেন? তিনি বলিলেন, “ভাল, আমি কালই সব খোঁজ নেব।”

দিদি বলিলেন, “এর আবার খোঁজ! বাড়ীখানা দেখেছ ত? আবারও খোঁজ! ঐ বাড়ীর এক ছেলে—কোনও বখরাদার নেই। বুঝলে?”

মোহিত কেবল বলিলেন, “হাঁ।”

ভ্রাতার ভাব দেখিয়া ভগিনীর “পিত্তি” জ্বলিয়া গেল। তিনি আর বাক্যব্যয় না করিয়া দ্রুত মালা জপ করিতে লাগিলেন। মোহিতের স্ত্রীও মোহিতের এই ভাব দেখিয়া বিস্ময়ে নির্বাক হইয়া গেলেন। চৌধুরী-বাড়ীতে মেয়ে দিতে আরার বিবেচনা!

## চোলা-বালি

দিদি আষাঢ়ের আকাশের মত অন্ধকার মুখে ভ্রাতার বিচার-বুদ্ধির প্রতিবাদ করিতেছিলেন ; জ্ঞী শ্রাবণের ধারার মত অশ্রুবর্ষণ করিতে লাগিলেন । মোহিত যতই বুঝাইতে চাহেন—তিনি এমন কথা বলিতেছেন না যে, এ বিবাহ দিবেন না, তবে মেয়ের বিবাহ ভাল করিয়া ভাবিয়া দেখিয়া তবে উত্তর দিতে হইবে, তাঁহার জ্ঞী ততই সেই এক কথা বলেন, “তুমি কি এত সহিয়াও টাকার মশ্ব বুঝিলে না ?” টাকার অভাবে যাহারা ছেলেমেয়েকে কাপড় গহনা দিতে পারে না, তাহারা আবার চৌধুরী-বাড়ীর এক ছেলেকে মেয়ে দিতে খোঁজ লয় !

বাড়ীতে মোহিতের অবস্থা সপ্তরথি-পরিবেষ্টিত অভিমন্ত্যর দশার অনুরূপ হইল । তিনি পরাভব মানিলেন ; আপনাকে আপনি বুঝাইলেন, মেয়ের সম্বন্ধে কর্তব্য তাঁহার যেমন, মেয়ের মা’রও ত তেমনই । মেয়ের মা, মেয়ের পিসী, সকলেই যখন এ সম্বন্ধে এত আগ্রহ প্রকাশ করিতেছেন, তখন তিনিই বা কেন আপত্তি করেন ?

তাহার পর মেয়ে দেখাইবার পালঙ্ক ঘটকী আসিয়া বলিল, চৌধুরী-গৃহিণীকে মেয়ে দেখিবেন—মেয়ে লইয়া যাইতে হইবে । মেয়ে লইয়া যাইতে হইবে !—মোহিতের কাছে এ প্রস্তাব অত্যন্ত আপত্তিজনক মনে হইল । আফিসের কেরাণী—“সাহেবে”র কাছে লাঞ্ছনা গঞ্জনা তাঁহার সামান্য বেতনের উপরি পাওনা হইলেও তিনি বলিলেন, “মেয়ে ঘাড়ে ক’রে পরের বাড়ী নিয়ে যাব ?” জ্ঞী বলিলেন, “চুপ কর । তাঁরা যদি আসেন, বসাবে কোথায় ?”

## জোরা-বাঁলি

মোহিত বলিলেন, “আমার অবস্থা জেনেই ত তাঁরা কাজ ক’রছেন।” স্ত্রী বলিলেন, “তা হোক—তোমাকে ত আর যেতে হবে না।” মোহিত বলিল, “আর মেয়ে যদি তাঁদের পসন্দ না হয়, তখন?” গৃহিণী বলিলেন, “সে মেয়ের বরাত।” “তোমাদের যা খুসী কর।” বলিয়া মোহিত হাল ছাড়িয়া দিলেন।

তখন ননদে ভাজে পরামর্শ হইতে লাগিল,—কে মেয়ে লইয়া যাইবেন? প্রভাত-নলিনীর মাতার যাওয়া যে অসম্ভব, তাহা উভয়েই বুঝিলেন। একথানা গহনার মত গহনা নাই—ভাল কাপড় জামা নাই, কুটুন্ম-বাড়ী প্রথম যাওয়া—যাওয়া যায় কি? বরং পিসীর যাওয়া সম্ভব—ব্রাহ্মণের ঘরের বিধবা—একখানা করসা থান কাপড় হইলেই হয়। সে না হয় হইল—মেয়ে কি পরিয়া যাইবে? মেয়ের হাতে দুইগাছা মাটা বালা আছে বটে, গলায় একছড়া হারও ত নাই। চাহিলেও যে প্রতিবেশীরা কেহ বিশ্বাস করিয়া দিবে, এমন মনে হয় না। উপায়? অনেক করিয়াও ননদ ভাজ কোনও উপায় করিতে পারিলেন না।

মেয়ের যে সাজ ছিল, তাহাতেই তাহাকে লইয়া পিসীমা চৌধুরীদের গৃহে গেলেন। বাড়ীর সাজসজ্জা দেখিয়াই তিনি মুগ্ধ হইয়া গেলেন—এই ত ইন্দ্রভবন। চৌধুরী-গৃহিণী আদর করিয়া বেহাইনকে বসাইলেন—প্রভাত-নলিনীকে আদর করিলেন। কিন্তু প্রভাত-নলিনীর পিতামাতার প্রতি একান্তই দয়া করিয়া তিনি যে তাহাকে গ্রহণ করিতেছেন, গৃহিণীর কথায় তাহা তিনি বেশ বুঝাইয়া দিলেন। কোনও পাড়ারগেয়ে জমীদার

## ডোন্না-বালি

জামাতার মোক্তারের রূপবতী কথার সঙ্গে আপনার পুত্রের বিবাহ সম্বন্ধ পাকা করিয়া লগ্নপত্র করিবার সময় বলিয়াছিলেন, “ঈশ্বর, তুমি কিন্তু মনে রেখো, তুমি আমার বেয়াই নও—আমার জামাইয়ের মোক্তার।” চৌধুরী-গৃহিণী এবং তাঁহার আশ্রিতার দল তেমনই পিসীমা’কে বুঝাইয়া দিলেন, প্রভাত-নলিনী-সে ঘরের বধু হইলেও তিনি কিন্তু বেহাইন হইবেন না। পিসীমাও তাহা বুঝিলেন; কিন্তু বাড়ীতে আসিয়া সে কথা ভাইকেও বলিলেন না। সে ত জানাই ছিল—অত বড় বড়মানুষ, তাহারা কি কখন তাঁহাদের সমান মান করিবে? এখন মেয়ের অদৃষ্টে ও ঘরে পড়া থাকিলে হয়।

মেয়ের অদৃষ্টে তাহা ছিল। তাই ভাইঝিকে লইয়া পিসীমা বাড়ীতে ফিরিলে চৌধুরী-গৃহিণী তাঁহার আশ্রিতাদিগকে বলিলেন, “কর্তার পসন্দ বটে! কি রূপ—যেন মা ছুর্গা!” সকলেই বলিল, “সে কথা আর বলতে হয়!” গৃহিণী কর্তাকেও সে কথা বলিলেন। কর্তা বলিলেন, “তবুও তুমি আমার পসন্দে বিশ্বাস কর না! আমি কি ত্রাকা না বোকা?” বয়সকালে কর্তা যে রূপের জহুরী ছিলেন, সেই বিষয়ে ইঙ্গিত করিয়া গৃহিণী বলিলেন, “তোমার পসন্দ কেমন, তা আমি আর জানি না? বলে—হাড় ভাজা ভাজা হয়েছে। এখনই না হয়—” কর্তা বাধা দিয়া বলিলেন, “এখন ছেলেটা বো নিয়ে শোধরালেই ঝাঁচি।” গৃহিণী বলিলেন, “শোধরাবে গো—শোধরাবে। বয়সকালে—ওকি আর ধুতে হয়?”

## চোরা-বালি

ইহার পর ঘটনার শ্রোত প্রবলবেগেই বহিতে লাগিল। চার দিন পরেই কর্তা পুরোহিত লইয়া আসিয়া হীরার নেকলেস দিয়া প্রভাতনলিনীকে আশীর্বাদ করিয়া গেলেন, এবং কর্তা যাইবার পরই সরকার আসিয়া মোহিতকে বলিল, “বাবু বলে দিলেন, বাড়ীতে যদি লোহার সিন্দুক না থাকে—গহনাখানা না হয় আমদক দিন ; কি জানি, অনেক দামের জিনিষ !” মোহিত বলিলেন, “তা’র ব্যবস্থা আছে।” তিনি বিরক্ত হইলেন ; কিন্তু আর হাত নাই।

পরদিন মোহিত আশীর্বাদ করিতে যাইবেন। কি দিয়া আশীর্বাদ করিবেন ? দিদির সম্বলের মধ্যে ছিল খান দুই তিন আকবরী মোহর ; তিনি তাহারই একখানা বাহির করিয়া দিলেন। কিন্তু মোহিত যাত্রা করিবার পূর্বেই চৌধুরী-বাড়ীর সরকার আসিয়া একটা অঙ্গুরী দিয়া গেল—বলিয়া গেল, “এইটা আশীর্বাদ করবার জন্ত ; দাম—পাঁচ হাজার টাকা।”

পাঁচ হাজার টাকার হীরা ! পিসীমা ও মোহিতের স্ত্রী সেই অঙ্গুরী নাড়িয়া চাড়িয়া দেখিলেন—মোহিতও দেখিলেন। হীরা বটে ! নাড়িলে আলো যেন ঠিকরিয়া বাহির হয়। সেই আলোকে মোহিতের মনের বিরক্তির ও শঙ্কার অন্ধকারও যেন অপনীত হইয়া গেল। মোহিত মনে করিল, মেয়েটার ভাগ্য ভাল। আর সকলেই ত সেই কথা বলিতেছে। আফিসের “বড় বাবু হইতে দপ্তরী পর্য্যন্ত সকলেই বলিতেছে—“জোর কপাল বটে ! একেই বলে—‘খোদা যব্ দেতা, তব্ ছপ্পর ফোঁড়কে দেতা’।”

## চোলা-বাঁলি

আশীর্বাদের পর বিবাহ, মধ্যে পনের দিনের ব্যবধান। কিন্তু মোহিতকে কোনও ভাবনাই ভাবিতে হইল না। মেয়ের গহনা—কাপড়—বরসজ্জা—বিবাহের খরচ সবই, চৌধুরী বাড়ী হইতে আসিল। চৌধুরী-কর্ত্তাই মোহিতের জন্ত একখানা বড় বাড়ী ভাড়া করিলেন—সেই বাড়ীতে বিবাহ হইবে। মহিলে মোহিতের বাড়ীতে তাঁহার কুটুম্বাদি আসিলে দাঁড়াইবে কোথায় ?

বিবাহ হইয়া গেল। গৃহিণীর ঐ এক ছেলে ; স্মৃতরাং বাজনা, খাস গেলাস, শোভাযাত্রা, কিছুরই অভাব হইল না। তেমন ঘটায় বিবাহ সে পাড়ায় অনেক দিন হয় নাই ; আজকাল বড় হয়ও না।

বিবাহের পর মেয়ে যখন বাপের বাড়ী আসিল, তখন তাহার এক গা' গহনা—দেখিলে চক্ষু জুড়ায়। মেয়ের পিসীমা তখন মোহিতকে বলিলেন, “দেখলে ত ; কেমন ঘরে মেয়ে পড়েছে !” মোহিত হাসিল।

তাহার পর বিবাহের কয় দিনের সেই উজোগ, আয়োজন—সেই উৎসব, আনন্দ, সব যেন স্বপ্ন হইয়া গেল। মোহিত আবার আপনার সেই বাড়ীতে ফিরিয়া গেল—আবার আফিসে লাঞ্ছনা-গঞ্জনা উপরি পাওনা লইয়া দশটা পাঁচটা কলম পিষিতে লাগিল। আবার মাসকাবারে মুদীর হিসাব মিটাইয়া স্বামি-স্ত্রীতে ভাবিতে লাগিল—যে কয় টাকা রহিল তাহাতে মাসের অবশিষ্ট উনত্রিশটা দিন কেমন করিয়া চলিবে ? আবার ছেলেমেয়ের অসুখ হইলে বা কাপড় ছিঁড়িলে—নূতন খরচ কোথা হইতে করিবে, সেই



## ছোলা-বালি

ভাবনা। স্বপ্নের মধ্যে সত্য রহিল কেবল—প্রভাত-নলিনীর অভাব। চৌধুরী পরিবারে বধূকে বাপের বাড়ী পাঠান রেওয়াজ নাই। বড়জোর সকালে পাঠাইয়া সন্ধ্যায় লইয়া যাওয়া। এ ক্ষেত্রে তাহাও দুর্ঘট হইল। চৌধুরী-বাড়ীর বধূ মোহিতের কুঁড়েঘরে যাইবে কেন করিয়া? জন্মাবধি সে সেই কুঁড়েঘরই আলো করিয়া ছিল; এখন সে ঘরে তাহার বাতি আর জ্বলে না। কিন্তু সে যে ঘরে গেল সে ঘরে? সে ঘরে কি তাহার স্থখ হইল?

মেয়ে আনা যে দুর্ঘট হইবে, তাহা মোহিত জানিত; সে জন্ত সে প্রস্তুত হইয়াই ছিল। তবে তাহারও বড় আশা ছিল, মেয়ে সুখী হইবে। তাহাও হইল না।

চৌধুরী-কর্তা যে আশায় ছেলের বিবাহ দিয়াছিলেন, সে আশা পূর্ণ হইল না। ছলালচন্দ্রের পক্ষে প্রভাত-নলিনী তাহার গাড়ী, বোড়া, সাজ, সজ্জা—এসব বিলাসের আসবাবের মধ্যে অন্ততম হইয়া রহিল। যেমন বাছিয়া হীরাঙ্গহরৎ কিনিয়া আনা হয়—এও তেমনই বাছিয়া রূপসী প্রভাত-নলিনীকে আনা হইয়াছে। চৌধুরীদের কি পয়সার অভাব আছে যে, রূপসী বধূ পাওয়া যাইবে না? “কড়িতে বাঘের দুধ মিলে।” বিশেষ, সে পরিবারে অন্দরের ও আবরের কড়া শাসন—স্বামি-স্ত্রীতে সাক্ষাৎ যখন তখন হইবার উপায় ছিল না। ছলালের শিক্ষা ও সংস্কার তাহাকে স্ত্রীর প্রতি কর্তব্যনিষ্ঠ করিতে পারিত না—প্রভাত-নলিনীর রূপমোহও তাহার প্রেমকে আকৃষ্ট করিয়া আনিতে পারিল না। সে দিন দিন অধঃপতনের পথে অধিক অগ্রসর হইতে লাগিল। তাহার

## চোন্না-নালি

অনাচারের মাত্রা দিন দিন বাড়িতে লাগিল। শেষে তাহার ব্যবহার কর্তারও অসহ্য হইয়া উঠিল। কিন্তু তিনি কোনও উপায় করিতে পারিলেন না। তিনি আখের ভাবিয়া প্রভাত-নলিনীর নামে পঞ্চাশ হাজার টাকার কোম্পানীর কাগজ কিনিয়া দিলেন, এবং এক দিন গোপনে প্রভাত-নলিনীকে সে কথা জানাইয়া কাগজ তাহাকে দিলেন।

তাহার পর কর্তা একবার তীর্থ-ভ্রমণে বাহির হইলেন; গৃহিণী সঙ্গে গেলেন। নানা তীর্থ দেখিয়া তাঁহার বৈষ্ণবের সৰ্ব্বতীর্থদার বৃন্দাবনে গমন করিলেন। তখন দোল—বৃন্দাবনে বাত্রীর ভিড়, সব “কুঞ্জ” পূর্ণ। সেই সময় বিদেশে কর্তার বিস্মৃতিকা হইল। ছুলালকে টেলিগ্রাম করিবার কথা হইলে তিনি আপত্তি করিলেন—“আমার অদৃষ্টে যা আছে, হবে। যদি বৃন্দাবনের রজে দেহ রক্ষা করি, সেত অনেক পুণ্যের ফল। তা’কে খবর দিয়ে আনিয়ে কাজ নেই। এখন বৃন্দাবনে বড় ব্যায়রাম।” কর্তার দেহাবশেষ বৃন্দাবনের রজেই মিশাইল—রাসহিয়ারী নীলাস্থলেই তাঁহার ভবলীলা শেষ হইল। মরিবার আগে তিনি গৃহিণীকে শেষ অনুরোধ করিলেন, “তুমি বৃন্দাবনেই বাস কর—সংসারের ভারে যদি ছুলালের মতিগতি ভাল হয়।” গৃহিণী আর ফিরিলেন না—বৃন্দাবনেই বাস করিতে লাগিলেন। ছুলালচন্দ্র সব সম্পত্তির মালিক হইল; খুব ঘটা করিয়া পিতৃশ্রদ্ধা করিল।

কর্তা খুব বিষয়ী লোক ছিলেন—এমন ভাবে সব ব্যবস্থা বাঁধিয়া দিয়াছিলেন যে, ছুলালচন্দ্র কখনই একেবারে পথের ভিখারী হইতে

## চোলা-বালি

পারিবে না। বধূর জন্ত স্বতন্ত্র ব্যবস্থা ত তিনিই করিয়াই দিয়া ছিলেন। গৃহিণীর মাসহারা ছিল।

গল্প আছে, পল্লীগ্রামের চাষা “রাণী রাসমণির” বর্ণনা করিয়াছিল—একপাশে চিনির ছালা, আর একপাশে চিড়ের ছালা, যখন যেটা ইচ্ছা খাইতেছে। তাহার বিশ্বাস ছিল, চিনি ও-পাশে যাঁও ইচ্ছা খাইতে পাওয়াই ঐশ্বৰ্য্যের পরাকাষ্ঠা। তেমনই ছালার মনে হইল, অর্থ থাকিলে জীবনে সুখসন্তোগের দুইটি উপায় আছে—সুখ আর সুন্দরীতে। সে সেই নেশাতেই বিভোর রহিল। প্রভাত-নলিনীর কণ্ঠের অবধি রহিল না। তাহার অঙ্গের আভরণ যেন তাহাকে হুটীবদ্ধ করিতে লাগিল। সে মনে করিতে লাগিল—অর্থেই কি সুখ হয়? দরিদ্র পিতার সংসার—স্নেহে প্রেমে ভালবাসায়—কত সুখের। তবে পিতামাতা কি ভাবিয়া—কিসের জন্ত তাহাকে বড়মানুষের ঘরে দিয়াছেন? পিতামাতা যে কত আশায়—কত ভাবিয়া সে কাজ করিয়াছেন, তাহা সে বুঝিতে পারিল না। কিন্তু বাপ মার উপর তাহার রাগ হইতে লাগিল। আর রাগ হইতে লাগিল আপনার উপর, আর আপনার অদৃষ্টের উপর।

তাহার যে রূপ দরিদ্রের গৃহ আলো করিতে পারিত—স্বামীর চিত্ত জয় করিতে পারিত—প্রেম আকৃষ্ট করিয়া সার্থকতা লাভ করিতে পারিত, যে রূপের জন্তই সে চৌধুরীদিগের প্রাসাদে আসিয়াছে, এখন সেই রূপই তাহার সুখের পথে কাঁটা হইয়া উঠিল। স্ত্রী যে অসাধারণ রূপসী, সে কথা ছলল সকলেরই মুখে

## ভোলা-বালি

শুনিয়া আসিয়াছে। এত রূপ! এ রূপ লইয়াই ত বিপদ! যদি প্রভাত-নলিনীর দুই একটি ছেলে হইত, তবুও না হয় সে ছেলে লইয়া বাস্তব থাকিত—রূপের তীব্রতা ম্লান হইয়া বাইত। কিন্তু তাহা হয় নাই—সে রূপ যেন স্থির সৌদামিনীর মত; তাহার ঔজ্জ্বল্য চক্ষু যেন ঝলসিয়া যায়! ঘরে এত রূপ রাখিয়া ছলল কি নিশ্চিন্ত থাকিতে পারে? সে যে শ্রেণীর লোকের সঙ্গে দিন যাপন করে, বিশ্বাস তাহাদের প্রকৃতিবিরুদ্ধ। সেই অবিশ্বাসের আবহাওয়ায় বর্ধিত হইয়া ছলালের প্রকৃতি সন্দেহশীল হইয়া উঠিয়াছিল। তাহার সন্দেহের অত্যাচার প্রভাত-নলিনীকে পীড়িত করিতে লাগিল। চৌধুরী-বাড়ীতে আবরুর কড়াকড়ি বরাবরই ছিল। মেয়েদের ছাতে উঠা, বারান্দায় দাঁড়ান, কাহারও সম্মুখে আসা—এ সব সে বাড়ীতে চলে না। এখন কড়াকড়ি বাড়িল। ছাতের সিঁড়ির দরজায় চাবি পড়িল—বারান্দায় চিক পড়িল—ইত্যাদি।

কিন্তু সন্দেহ একবার আরক হইলে বাড়িয়াই চলে। ছলালের তাহাই হইল। অন্দরের দ্বারে চাবি পড়িল। কিন্তু তাহাতে কি হইবে? শেষে প্রভাত-নলিনীর ঘরেও চাবির ব্যবস্থা হইল। প্রভাত-নলিনী অনেক সহ্য করিয়াছিল, কোনও কথা কহে নাই। এবার সে মুখ ফুটিয়া জিজ্ঞাসা করিল—“এ কি?”

ছলল বলিল, “আমার খুসী!”

“আমার অপরাধ?”

“অপরাধ কি আমায় জানতে দেবে? তোমার রূপই তোমার অপরাধ।”

## ডোনা-বালি

“কিন্তু ঐ অপরাধই এক দিন তোমাদের কাছে আদরের হয়েছিল।”

“তা জানি, নইলে কুঁড়ে ঘর থেকে ফুল কুড়িয়ে কেউ রাজবাড়ীতে আনে না।”

“রাজবাড়ীতে আসাই বকমারী হয়েছে। কিন্তু তুমি ঠিক জেনো, এ অত্যাচার আমি সহ করব না।”

“সহ করবে না? যেন সে তোমারই এক্তিয়ার! যত বড় মুখ নয়, তত বড় কথা!” ছলল আবার স্ত্রীর দিকে চাহিল— এত রূপ! এ কি বিশ্বাস করা যায়?

প্রভাত-নলিনী বলিল, “আচ্ছা!”

প্রভাত-নলিনী যে দিক্টায় থাকিত, সে দিকে কয়টা ঘর ও দালান। যে দ্বার দিয়া আসিতে হয়, প্রভাত-নলিনী সেই দ্বারের কাছে আসিয়া বসিল। ঝি সেই দ্বারে চাবি বন্ধ করিতে আসিলে সে বলিল, “খবরদার—চাবি বন্দ করো না।” ঝি বলিল, “আমরা মনিবের চাকর—যেমন হুকুম, তেমনই করি, আমার দোষ কি?” প্রভাত-নলিনী বলিল, “দোষ তোমার নয়—কিন্তু তুমি চাবি দিও না।”

বৈকালে বাহির হইয়া ঘাইবার পূর্বে ছলল দেখিতে আসিল, দ্বার বন্ধ হইয়াছে কি না। সে দেখিল, দ্বার মুক্ত। ঝি বলিল, প্রভাত-নলিনী চাবি দিতে দেয় নাই। ছলল ঝিকে জবাব দিল এবং প্রভাত-নলিনীকে গালি দিয়া আপনি দ্বারে তালা বন্ধ করিয় বসিয়া গেল—“কেমন?”

## জোন্না-বালি

প্রভাত-নলিনী রাগে—হুঃখে—ঘৃণায়—অপমানে চঞ্চল হইয়া উঠিয়াছিল। সে কেবল কম্পিতকণ্ঠে বলিল, “তুমিও দেখিবে, কেমন।”

ছলল সে কথা শুনিতে পাইল কি না, জানি না।

প্রভাত-নলিনী সঙ্কল্প করিল, অতঃপর অপমান আর সহ করিবে না। সে পিতামাতার কাছেও যাইবে না—তাহাদিগকে বিরত করিবে না। কেন, স্ত্রীলোক কি আপনায় উপর নির্ভর করিতে পারে না? কিন্তু এ অপমানের প্রতিশোধ সে লইবেই।

তাহার পর মুক্তির কত উপায়—কত ষড়যন্ত্র! সে সুদীর্ঘ কথায় প্রয়োজন নাই। শেষে এক দিন অবসর পাইয়া সে গৃহ ত্যাগ করিল। আপনার অলঙ্কার ও কোম্পানীর কাগজ সে সঙ্গে লইয়া গেল। যখন তাহার পলায়ন-বার্তা প্রকাশিত হইল, তখন বাড়ীর লোক ছললকে সে সংবাদ দিতে সাহস পাইল না। শেষে সে যখন তাহা জানিতে পারিল, তখন রাগে বাড়ীর ঝাড় ল্যাম্প আয়না গৃহসজ্জা অনেকগুলি চূর্ণ করিয়া ফেলিল। একবার স্থির হইয়া কর্তব্য-নির্দ্ধারণ করিবার চেষ্টা করিল—পারিল না। কিন্তু সংবাদ পাইয়া তাহার মা বাড়ীতে আসিলেন; বধূর সংবাদ পাইলেন, তাহাকে আনিবার প্রস্তাব করিলেন। ছলল জলিয়া উঠিল—যে গিয়াছে, সেই ছোটলোকের মেয়েকে সে আবার ঘরে আনিবে? কখনই নহে। সে তাহাকে সমুচিত শিক্ষা দিবে।

মা বৃন্দাবনে ফিরিয়া গেলেন—চক্ষুর জল ফেলিতে ফেলিতে গেলে।

## ছোলা-বালি

এ সব সংবাদই প্রভাত-নলিনী জানিতে পারিল। সে আশা করিয়াছিল, মোহিত তাহাকে লইতে আসিবে। তাহা হইল না। মোহিতের আর এক মেয়ে বিবাহযোগ্য—এ সময় সে প্রভাত-নলিনীকে আনিতে সাহস করিল না; সমাজের ভয়ে নহে—  
ছলালের অত্যাচারের—প্রতিশোধম্পূহার ভয়ে। প্রভাত-নলিনীর মন সংসারের উপর—মানুষের উপর একেবারে খড়াহস্ত হইয়া উঠিল। সে শুনিয়াছিল, ছলাল বলিয়াছে, সে তাহার সমুচিত শিক্ষা দিবে। কে কাহাকে শিক্ষা দেয়, তাহাই দেখিবার জ্ঞান সে আপনার গৃহত্যাগ-সংবাদটা ঘোষণা করিবে বলিয়া রঙ্গালয়ে ‘চন্দ্রশেখর’র অভিনয়ে দলনী বেগমের অংশ অভিনয় করিবার ব্যবস্থা করিল। সে কেবল প্রতিহিংসাবশে। নহিলে তাহার রঙ্গালয়ে অভিনয় করিবার কোনও কারণই ছিল না।

এই প্রভাত-নলিনীর জ্ঞানই রঙ্গালয়ে দর্শকের—জনতার বাহুল্য।

## দ্বিতীয় পরিচ্ছেদ ।

বাহিরে রাজপথে যখন পুলিশ জনতা সরাইয়া দিতেছিল—  
ভিতরে রঙ্গালয়ে তখন অভিনয় আরম্ভ হইয়াছে । দর্শকবৃন্দ  
দলনী বেগমের আবির্ভাবের জন্তই ব্যাকুল হইয়া ছিল । কয়টি  
দৃশ্যের পর যখন পটপরিবর্তন হইল—মুন্দের দুর্গমধ্যস্থ রঙ্গমহলে  
দীপালোকে গুলেস্টা-পাঠরতা দলনী বেগমকে দেখা গেল, তখন  
দর্শকমণ্ডলী প্রশংসায় মুক হইয়া গেল—তাহাদের নয়ন সৌন্দর্য্য-  
সুধা পান করিতে লাগিল । তাহারা দেখিল—সুন্দরী বটে—যে  
এই সৌন্দর্য্যের জন্ত হৃদয়ভরা ভালবাসা দিয়া প্রেমের মূল্যে এই  
রূপরাশি কিনিতে না পারে, তাহার পক্ষে এ রূপ ছুশ্চিত্তার কারণ  
হইতে পারে বটে । দলনী—এ দলনী—বঙ্কিমচন্দ্রের কল্পনার সৃষ্টি  
দলনী বেগমই বটে ; কবির কল্পনা যেন মূর্তি পরিগ্রহ করিয়াছে—  
“সুন্দরী—নবীনা—সবেমাত্র যৌবন-বর্ষায় রূপের নদী পুরিয়া  
উঠিতেছে, ভরা বসন্তে অঙ্গ-মুকুল সব ফুটিয়া উঠিয়াছে । বসন্ত  
বর্ষায় একত্র মিশিয়াছে ।”

প্রথম দৃশ্যে দলনী যেন চঞ্চল—যেন শঙ্কিতা । কিন্তু সে দৃশ্যের  
বর্ণিত বিষয়ের সঙ্গে দলনীর সেই ভাবের অসঙ্গতি ছিল না । তাহার  
পর দলনীর অভিনয়ে আর কোনরূপ ত্রুটি লক্ষিত হইল না ।



## চোলা-বালি

অভিনয় সর্বাসুন্দর—অভিনয় বলিয়া মনেই হয় না। পরন্তু দলনী বেগমের অভিনয়ের তুলনায় আর সব অভিনেতার ও অভিনেত্রীর অভিনয়-ত্রুটি বড় উজ্জ্বল হইয়া উঠিতে লাগিল। এমন কি, “অগাধ জলে সাঁতার” দৃশ্যও আজ আর দর্শকদিগকে তেমন তৃপ্ত করিতে পারিল না। দর্শকদল যেন মস্তমুগ্ধ হইয়া দলনীর অভিনয় দেখিতে লাগিল। প্রভাত-নলিনী কি দলনীর অভিনয় করিতে করিতে দলনীর অবস্থা আপনার হৃদয়ে অনুভব করিতেছিল? কে বলিবে?

শেষে দলনী, দলিতা ফণিনী। তখনও তাহার দেহে সেই রত্নালঙ্কার—এ রত্নালয়ের বুঠা হীরা পান্না নহে—রত্নরাজি দীপালোকে জ্বলিতেছে। দলনী ক্ষুদ্র দেহ উন্নত করিয়া দাঁড়াইয়া পাপিষ্ঠ মহম্মদ তকীকে বলিল—“যে তোমার মত পাপিষ্ঠের কাছে প্রাণদান গ্রহণ করে, সে তোমার অপেক্ষাও অধম।” দর্শকদিগের চিত্ত করুণায় ও প্রশংসায় পূর্ণ হইয়া গেল। তাহার পর তকীর পাপ প্রস্তাবে দলনী যখন তাহাকে পদাঘাত করিল—তখন দর্শকদিগের মনে হইল, সে পাছুকার স্পর্শও তকী ধন্য হইল—সে তাহারও উপযুক্ত নহে।

তাহার পর যখন পট উঠিল তখন “দলনী আসনে উর্দ্ধমুখে, উর্দ্ধদৃষ্টিতে, যুক্তকরে বসিয়া আছে—বিস্ফারিত পদ্মপলাশচক্ষু হইতে জলধারার পর জলধারা গণ্ড বহিয়া বস্ত্রে আসিয়া পড়িতেছে—সম্মুখে শূণ্য পাত্র পড়িয়া আছে—দলনী বিষ পান করিয়াছে।” সে দৃশ্যের গান্ধীর্ষ্য দর্শকদিগের হৃদয়েও ব্যাপ্ত হইয়া পড়িল। সে

## জোনা-নালি

দৃশ্যের উপর যখন যবনিকাপাত হইল, তখন অনেক দর্শকই চলিয় গেল। তখনও ‘চন্দ্রশেখরের’ অভিনয় শেষ হয় নাই ; তাহার পর আরও একখানি গোটা নাটক ছিল ; কারণ, বাঙ্গালী দর্শক—আট আনা দিয়া টিকিট কিনিলে সারারাত্রি অভিনয় দেখিতে চাহে। মহিলারা ছেলের জন্ত ফিডিংবটল লইয়া আইসেন ; পুরুষরা কেহ কেহ একেবারে গঙ্গান্নান করিয়া বাড়ী ফিরিবেন বলিয়া কাপড় গামছা লইয়া আসিয়া থাকেন। আট আনার পয়সা ওয়াশীল করাই অভিপ্রেত—তাহাতে স্বাস্থ্যনাশ হয়—হউক। ইহাই বাঙ্গালার রঙ্গালয়ে সাধারণ দর্শকদিগের হিসাব। সে দিন কিন্তু অনেক দর্শকই দলনীর অভিনয় শেষ হইবার সঙ্গে সঙ্গেই রঙ্গালয় ত্যাগ করিয়া গেল।

প্রভাত-নলিনাও নাটকের শেষ পর্য্যন্ত অপেক্ষা করিল না—আপনার অভিনয় শেষ হইয়া গেলেই চলিয়া গেল। প্রতিতিংসার প্ররোচনায়—উত্তেজনাবশে সে অভিনয় করিতে চাহিয়াছিল এবং আসিয়াছিল। প্রথমে রঙ্গমঞ্চে আসিয়া—সহস্র চক্ষুর দৃষ্টির সম্মুখে সে যেন আপনাকে অবসন্ন ও বিপন্ন মনে করিতেছিল—কেবল চিত্তের দৃঢ়তায় সে সেই দৌর্বল্য জয় করিয়াছিল। তাহার পর সে দলনীর ভাবে তন্ময় হইয়াছিল—রঙ্গালয়, অভিনয়, শত চক্ষুর দৃষ্টি—এ সব সে যেন ভুলিয়া গিয়াছিল। যে মুহূর্ত্তে অভিনয় শেষ হইয়া গেল, সেই মুহূর্ত্তেই সে তন্ময়তা দূর হইয়া গেল ; রঙ্গালয়ের দর্শকদিগের দৃষ্টি যেন তাহাকে বিব্রত করিতে লাগিল—লোকের প্রশংসা তাহার উপহাস বলিয়া মনে হইতে লাগিল।

## জোনা-মালি

তাহার চিন্তের দৃঢ়তা যেন তাহাকে পরিত্যাগ করিয়া গেল—  
পৃথিবী যেন কাঁপিতে লাগিল। তাই সে আর অপেক্ষা না  
করিয়া চলিয়া গেল। যখন সে গৃহে গেল, তখন সে এমনই অবসন্ন  
যে, বেশ পরিবর্তন করিতেও তাহার ইচ্ছা হইল না। সে যে বেশে  
শেষ দৃশ্তে রক্তমাঞ্চে দেখা দিয়াছিল, সেই বেশেই শয্যায় শয়ন  
করিল।

যখন তাহার নিদ্রাভঙ্গ হইল, তখন মুক্ত বাতায়নপথে প্রভাত-  
সূর্য্যের রশ্মিমালা তাহার ক্ষেপে প্রবেশ করিয়াছে। সে উঠিয়া  
বসিল। কক্ষপ্রাচীরে বিলম্বিত মুকুরে তাহার প্রতিবিম্ব দেখিয়া  
সে আপনি হাসিল। মুখে রং—কতকটা মুছিয়া গিয়াছে, কতকটা  
আছে; বেগমের বেশ! সে আপনি আপনাকে জিজ্ঞাসা করিল—  
দলনী কি মরিয়া আবার বাঁচিয়াছিল? মনের মধ্যে কে যেন  
উত্তর দিল—“না, সে মরিয়াই বাঁচিয়াছিল।” তাই বটে—জীবন  
যখন যাতনা, মৃত্যুই তখন শান্তি।

গৃহত্যাগ করিয়া আসিয়া অবধি প্রভাত-নগিনী আপনার অসহায়  
অবস্থা অনুভব করিতেছিল; দেখিতেছিল, তাহার মত নিঃসহায়া ও  
অভিভাবকহীনা রূপসী কিশোরীর পক্ষে সংসার-পথ প্রলোভনের  
ও বিপদের ফাঁদে পূর্ণ। বড় সাবধান হইয়া আত্মরক্ষা করিতে  
হয়। এবার সেই বিপদের পরিমাণ ও মূর্ত্তি দেখিয়া সে শিহরিয়া  
উঠিল।

স্বামীর ব্যবহারে ও চরিত্রে তাহার হৃদয় ঘণায় পূর্ণ হইয়া  
গিয়াছিল—সে গৃহত্যাগ করিয়া আসিয়াছিল। কিন্তু সে জানিত না,

## চোলা-বালি

জনারণ্য নগরে তাহার স্বামীই একা সে চরিত্রের লোক নহে ; সে বহুজনের এক জন । তাহারা রমণীকে ভোগার্থমাত্র মনে করে ; নারীত্বের উচ্চ আদর্শ তাহাদের স্বারণাতীত । তাহারা মনে করে, ধনের অধিকারে তাহারা সমাজে যেমন ইচ্ছা ব্যবহার করিতে পারে । প্রতিদিন তাহাদের লালসার যুগে নারীর সর্বস্ব বলিদান করা হয় । মধ্যে মধ্যে এক একটি মোকদ্দমায় এই ব্যাপার দেখিয়া লোক শিহরিয়া উঠে । তাহার পর আবার যে যাহার কাজে ব্যস্ত হয় । এই ভীষণ অবস্থার কোনও স্থায়ী প্রতীকার হয় না । বিলাতে মিষ্টার ষ্টেড একবার এই ব্যাপারের আলোচনা করিয়াছিলেন—অকাট্য প্রমাণ দিয়া দেখাইয়াছিলেন, বিলাতের বিলাসী সমাজের পাপপ্রবৃত্তি চরিতার্থ করিবার জন্ত কত নারীর সর্বনাশ হইতেছে । এ দেশে স্ত্রবাবালা-গায়ত্রীর মোকদ্দমায় এইরূপ ব্যাপারের পরিচয় পাওয়া গিয়াছিল । এ পাপ সহরেই প্রবল । বিলাসী ধনীরা অর্থের বলে সমাজের বক্ষে বসিয়া পাপের উৎস উৎসারিত করে : নাপিতানী, তাঁতিনী, চাকরাণী—অনেকে ইহাদের অনীকিনী হইয়া কাজ করে ; অর্থের জন্ত প্রলোভনের ফাঁদ লইয়া রূপসী বালিকা, কিশোরী, যুবতী ধরিতে বাহির হয় । আমাদের সমাজ যে ভাবে গঠিত, তাহাতে পূর্বে লোক সমাজের শাসনকে ভয় করিত । এখন তাহাও নাই ; সমাজ দুর্বল—সেও সবলকে ভয় করে । এখন কাঞ্চন-কোলাতুরের শাসনে সমাজ অনাচারের লীলাক্ষেত্র হইয়াছে ।

এই দলের লোকের চররা প্রভাত-নলিনীর সন্ধান পাইয়াছিল ।

## চোন্না-নালি

যে নারী গৃহত্যাগ করিয়া আইসে, সে ছল্ল'ভ হইতে পারে, কিন্তু অলঙ্ক থাকিতে পারে না—এই বিশ্বাসে তাহারা কার্যে প্রবৃত্ত হইয়াছিল। যাহারা ভোগ ও লালসা ব্যতীত আর কিছুই বুঝে না, মাহুষের মনের জটিল তত্ত্ব বুঝিবার আশা তাহাদের কাছে কখনই করা যায় না। তাহাদের চরদিগের অত্যাচারে প্রভাত-নলিনী বিব্রত হইয়া উঠিয়াছিল। সে প্রথমে তাগাদের স্বরূপ বুঝিতে পারে নাই। কিন্তু বুঝিতে পারিবামাত্র সে তাহাদিগকে দূর করিয়া দিয়াছিল। তাহারা অবসরের অপেক্ষা করিতেছিল। এমন দিবা সকলেরই হয় ; কিন্তু যে পথে সে পা দিয়াছে সে পথ পিচ্ছিল—কাজেই তাহাকে পতিত হইতেই হইবে—পাপের পক্ষে একবার পড়িলে, আর রক্ষা নাই। এবার প্রভাত-নলিনী যখন রঙ্গালয়ে অভিনয় করিল, তখন তাহারা বুঝিল—এবার তাহারা নির্ভয়ে তাহার কাছে যে কোনও প্রস্তাব করিতে পারে—আর ভয় নাই।

তবুও প্রভাত-নলিনী যখন তাহাদের প্রস্তাব শুনায় প্রত্যাখ্যান করিল—তাহাদিগকে দূর করিয়া দিল, তখন তাহারা বিস্মিত হইল। আর তাহাদের প্রভুরা তাহাদের অসাফল্যে তাহাদের কার্যদক্ষতার অভাব অনুমান করিয়া তাহাদিগকে তিরস্কার করিল। তাহারা বলিল, “আমাদের কপাল। এত দিন এই ব্যবসা করিতেছি—কখনও ত এমন হয় নি।”

কিন্তু প্রভাত-নলিনী শঙ্কিতা হইল। এ কি ? গৃহের বাহির হইলেই কি এত প্রলোভন ? হুশ্চরিত্র স্বামীর ঘরও দেবমন্দির—

## চোরা-বাঁলি

আর সে ঘরের বাহিরেই আবর্জ্যনাস্তূপ ! ভোগ ও লালসা, ইহা ছাড়া কি মানুষের কাজের আর কোনও কারণ নাই—থাকিতে পারে না ?' স্নেহ—প্রেম—ভালবাসা—আত্মসম্মান—অভিমান—আত্মমর্যাদা, এ সব কি কেবল কথার কথা যে, বাস্তব জীবনে ইহাদের স্থান নাই ? না—এ সব দরিত্রের জন্ত ? ধনীরা কি স্বতন্ত্র জীব ? এমন কি, ধর্মের বা নীতির যে আদর্শ ও শাসন সাধারণ সমাজে গৃহীত ও প্রচলিত, তাহাও ধনীর জন্ত নহে ?

সে যাহাই হউক, সে যে প্রলোভনকে উপহাস ও অবজ্ঞা করিতে পারে—পদদলিত করিতে পারে, আপনার ক্ষমতায় এমন বিশ্বাস প্রভাত-নলিনীর ছিল। সে বিশ্বাস তাহার সাংসারিক জ্ঞানের ও অভিজ্ঞতার অভাব-সম্প্রাপ্ত ; কি স্বামীর অনাচারের বিরুদ্ধে তাহার হৃদয়ের দৃঢ়তার ফল, তাহা কে বলিবে ?

তবে প্রভাত-নলিনী ইহাও বুঝিল, মানুষের শত্রু মানুষ আপনি ; মানুষ বাহিরের সব আক্রমণ হইতে আপনাকে রক্ষা করিতে পারে, কিন্তু আপনার নিকট হইতে আপনাকে রক্ষা করিতে পারে না। সে আপনার নিকট হইতে আপনাকে রক্ষা করিতে ক্লান্ত-সম্বল হইল। এখন তাহার সর্বপ্রধান শত্রু—অবসর। পতিগৃহে তাহার কোনও কাজ ছিল না—কিন্তু চিন্তার অন্ত ছিল না ; বর্তমানের দুর্দশা ও ভবিষ্যতের ভাবনা তাহাকে ব্যাপ্ত রাখিত। এখন বর্তমানের ভাবনাও নাই, ভবিষ্যতের ভাবনাও নাই। সব শূন্য। সুতরাং সে কেমন করিয়া আপনাকে ব্যাপ্ত রাখিবে ?

সে বিশেষ করিয়া ভাবিয়া দেখিল—এক ছাড়া তাহার অস্ত্র

## ‘চোরা-বাঁলি’

উপায় নাই। সে লিখাপড়া লইয়া থাকিবে। বিদ্যালয়ে সে তাহার শ্রেণীতে কখনও দ্বিতীয় স্থান অধিকার করে নাই; পাঠে তাহার বিশেষ অনুরাগও ছিল। কিন্তু বাঙ্গালীর মেয়ের লিখাপড়া—বিবাহের সঙ্গে সঙ্গে তাহাকে জলাঞ্জলি দিতে হয়। তাহার উপর সে যে ঘরে পড়িয়াছিল সে ঘরে ও চর্চা ছিল না; সে ঘর লক্ষ্মীর মন্দির—সরস্বতীর তাহার চৌকাট পার হইবার সুযোগ ছিল না। কাজেই এ কম বৎসর প্রভাত-নলিনীর পক্ষে বিদ্যাচর্চার বিশেষ সুযোগ হয় নাই। না হইলে ও পুস্তক-পাঠে সে অনেক সময় অশান্ত হৃদয়ের বেদনার যাতনা ভুলিয়াছে। সেই জন্ত লিখাপড়ার উপর তাহার অনুরাগ ও শ্রদ্ধা বিবর্জিতই হইয়াছিল। সেই এক সঙ্গী, যাহাকে পাইলে আর কাহাকেও প্রয়োজন হয় না। তাই প্রভাত-নলিনী আজ অবসরস্বাপনের জন্ত সেই সঙ্গীরই সন্ধান করিয়াছিল। সে রাশি রাশি পুস্তক আনাইয়াছিল। কিন্তু অবসর এত অধিক যে, পুস্তক শেষ করিতে বিলম্ব হয় না।

প্রভাত-নলিনী গুনিয়াছিল, ইংরাজী সাহিত্য সমুদ্রের মত অসীম। ইংরাজী শিপিলে ত তবে কাজের অভাব হয় না! সে অতি সামান্যই ইংরাজী জানিত—মিশনারী বিদ্যালয়ে পড়িয়াছিল। সেই স্কুলের শিক্ষয়িত্রীরা ত বাড়ী বাড়ী যাইয়া পড়াইয়া থাকেন। তবে তাঁহাদিগকে মিথিয়া দিলেই হইবে।

সে স্কুলের নাম ও গলির নাম জানিত; স্কুলে পত্র লিখিতে বসিল। পত্র লিখিতে বসিয়া কত কথা তাহার মনে পড়িল! সেই শৈশব—সেই সব শৈশব-সঙ্গিনী। আজ তাহার

## ভোলা-বালি

কে কোথায় ? মিলির বিবাহ হইয়া গিয়াছে — তাহার স্বামী পশ্চিমে ডাক্তার। সুরবালার বাপ কলিকাতা হইতে বদলী হইয়া গিয়াছিলেন। অনুপমাও আগেই স্কুল ছাড়িয়াছিল— স্কুলের উঠানে একটা বিলাতী “মাটী”র চাপ ছিল, পিপায় জল পড়িয়া মাটী জমিয়া গিয়াছিল; তাই সে স্কুলকে ‘ছিমন্ত মাটীর স্কুল’ বলিত। যে গলিতে স্কুল—সে গলির পরের গলিতেই তাহার বাপের বাড়ী।

বাপের বাড়ীর ছবি তাহার মানসপটে ফুটিয়া উঠিল। জীবনের সুখের দিন কয়টি সে সেই গৃহেই কাটাইয়াছে। তাহার শ্বশুর-বাড়ীতে সে তাহার বাপের বাড়ীর দারিদ্র্য ও দুঃখের কথা শুনিয়াছে; কিন্তু সে ত কখন সে দারিদ্র্য ও দুঃখ অনুভব করে নাই। পিতা উদয়াস্ত পরিশ্রম করিয়া অর্থ উপার্জন করিতেন সত্য; কিন্তু তাহাতেও ত তাহার মুখে হাসি কোনও দিন দূর হয় নাই। তিনি গৃহদ্বার হইতে ছেলে-মেয়েদের নাম ধরিয়া ডাকিতে ডাকিতে গৃহে প্রবেশ করিতেন—হয় ত একটা খেলনা, নহে ত কিছু মিষ্টান্ন তাহাদের জন্য লইয়া আসিতেন; ছুটির দিন তাহাদের সঙ্গে খেলা করিতেন—তাহাদিগকে গল্প শুনাইতেন। মার স্নেহ অপরিসীম। যে দিন সে স্কুল হইতে পুরস্কার আনিতে যাইত, সে দিন তাহার কত আনন্দ; সাজ সজ্জার অভাব—কিন্তু যাহা ছিল, তাহাই দিয়া তিনি তাহাকে সাজাইয়া দিতেন—চুগটি কেমন আঁচড়াইয়া বাঁধিলে ভাল দেখাইবে, কত বার মাথাটি ঘুরাইয়া ফিরাইয়া দেখিতেন;—কপালে একটি খয়েরের টীপ দিবেন কি না,



## ‘ভোলা-বালি

তাহাই কতবার ভাবিতেন—ইত্যাদি । কেহ তাহার রূপের প্রশংসা করিলে তাঁহার আনন্দ যেন চোখে মুখে ফুটিয়া বাহির হইত । এমন কি, তাঁহাকে রাগাইবার জন্ত মোহিত যদি কখনও বিদ্রূপ করিয়া তাহার নিন্দা করিত, তাহাও মার সহ্য হইত না—তাঁহার চক্ষু জলে ভরিয়া আসিত । কতবার সে-ই মাকে বলিয়াছে—“ওমা, বাবা যে ঠাট্টা করেন—তুমি বুঝ না?” আর পিসীমা ! পিসীমার কোলেই তাহারা পালিত । বিধবা পিসীমা তাহাদিগকে লইয়াই থাকিতেন । যদি কোনরূপে তাহাদের একটুকু অযত্ন হইত, পিসীমা তাহা সহ্য করিতে পারিতেন না—মাকেও বকিতেন । মার অপেক্ষা পিসীমার আদর যত্নই অধিক ছিল । সেই বাবা, মা, পিসীমা—তাঁহারা কেমন করিয়া তাহাকে ভুলিলেন ? স্বপ্নরবাড়ীতে—যখন চেষ্টা করিয়াও সে তাঁহাদের সঙ্গে দেখা করিতে পারিত না, তখন কতবার তাহার মনে হইয়াছে, তাঁহারা কি তাহাকে এমন করিয়া বিদায় করিয়া দিয়াই স্মৃতি হইয়াছেন ? তখন সে আপনাকে আপনি বুঝাইয়াছে, সে স্মৃতি হইবে, এই আশায় তাঁহারা আপনারা অস্থির ভোগ করিয়াছেন । কিন্তু আজ ? আজ কি শুবর স্নেহ—মার ও পিসীমার ভালবাসা—সে সব বিলুপ্ত হইয়া গেল ? কেন ? সংসারে থাকিয়া সে নরকভোগ করিতেছিল, সে ভাল ছিল ; আর সে সেই নরকভোগ করিয়া আসিয়াছে বলিয়াই সে অপরাধী ! তাহার কি অপরাধ ? তাহার ভাইভগিনী—সে স্বপ্নরবাড়ী যাইবার সময় তাহারা কত কাদিত ! তাহারাও কি দিদিকে ভুলিয়াছে—বাবা, মা, পিসীমা

## চোলা-বালি

কি তাহাদের বুঝাইয়াছেন, দিদি আর তাহাদের দিদি নাই !  
প্রভাতনলিনীর চক্ষু অশ্রুপূর্ণ হইয়া আসিল।

দীর্ঘশ্বাস ত্যাগ করিয়া সে চক্ষু মুছিল, তাহার পর এক জন  
শিক্ষয়িত্রী পাঠাইবার জন্ত স্কুলে পত্র লিখিল।

ছুই দিন পরে স্কুল হইতে এক জন শিক্ষয়িত্রী আসিলেন। তিনি  
প্রথমেই জিজ্ঞাসা করিলেন, “তোমার অভিভাবক কে ?” সে  
বলিল, সে-ই তাহার অভিভাবক। শুনিয়া তিনি সন্দেহপূর্ণদৃষ্টিতে  
প্রভাত-নলিনীর দিকে চাহিলেন। তাহার পর তাহার বাপের  
বাড়ীতে কে আছেন, শ্বশুরবাড়ীতে কে আছেন, সব জিজ্ঞাসা  
করিলেন। বাপ আছেন—স্বামী আছেন, অথচ সে একা—এ  
কেমন ? তিনি নানা প্রশ্ন করিতে লাগিলেন। শেষে বলিয়া  
গেলেন, তিনি “বড় মেম”কে জিজ্ঞাসা করিয়া তাহাকে উত্তর  
দিবেন।

পর দিন “বড় মেম” সেই শিক্ষয়িত্রীর সঙ্গে আসিলেন। তাঁহার  
প্রশ্নের ধারায় ও কথায় প্রভাত-নলিনীর হাসি পাইল। সেও  
তাঁহার সঙ্গে রঙ্গ করিতে লাগিল। তিনি জিজ্ঞাসা করিলেন—  
“তোমার স্বামী আছেন—বাপ আছেন, টুমি একা থাকে, এ  
কেমন ? , টোমাদের দেশেটোও মেয়েরা এমন থাকে না।”

প্রভাতনলিনী বলিল, “স্বামীর বাড়ী আমার ভাল লাগে না।”

“সে কেমন কঠা ?”

“কেন এমন কি হয় না ?”

“হইলে টুমি বাপের বাড়ী যাও নাই কেন ?”

## জোন্না-বালি

“স্বামীর বাড়ী ছেড়ে এসেছি ; বাপ তাই নিয়ে যান না ।”

“ছাড়িয়া আসিয়াছ ! সে টো ভাল কাজ কর নাই ।”

“তা’র আর উপায় নেই ।”

এখন তুমি কি করিতেছ ?”

“করবার কিছু পাই না, তাই ত পড়তে চাই। একদিন থিয়েটার করেছি—ভাল লাগে না ।”

“থিয়েটার করিয়াছ ! কি সর্বনাশ ! বড় মন্দ কাজ করিয়াছ ।  
ট্রাণকর্তা টোমার উপর উয়া ককন । আমরা টোমাকে পড়াইতে  
পারিব না ।”

প্রভাতনলিনী আর হাসি চাপিতে পারিল না । “বড় মেম”  
তাহাতে আরও চটিয়া গেলেন । তিনি বকিতে বকিতে চলিয়া  
গেলেন ।

যে “ট্রাণকর্তা” পাপীর উদ্ধারের জন্ত আপনাকে বলি  
দিয়াছিলেন, তাহার ধর্মের বাহারা প্রচারক, তাহার পাপীকে এত  
ঘৃণা করে যে, নিষ্পাপকেও পাপী সন্দেহ করিয়া তাহার সংস্পর্শ  
ত্যাগ করে ! যিশুখ্রীষ্ট কিন্তু পতিতা রমণীকেও ঘৃণা করেন নাই ।

প্রভাতনলিনী আশ্রয় ভাবিতে লাগিল, তাহার অপরাধ ?  
তাহার স্বামী সমাজের শত নিয়ম ভঙ্গ করিলেও, ধর্ম ও নীতির সব  
অনুশাসন পদদলিত করিলেও দোষ হয় না ; আর সে—দোষে  
অপরাধী ! যত নিয়ম কি স্ত্রীলোকের জন্ত—পুরুষ সব নিয়মের  
অতীত ? মিশনারী স্কুলের শিক্ষয়িত্রীরা তাহাকে পড়াইবেন না ।  
ভাল । সে পড়িবেই । সে মনকে দৃঢ় করিল—পড়িবেই ।

## চোন্মা-বালি

মহিলা-শিক্ষক না পায়, পুরুষ শিক্ষকের অভাব হইবে না। সে যদি আপনাকে আপনি বিশ্বাস করে, তবে তাহাতে ভয় কি? নিন্দা? নিন্দা ত তাহার অঙ্গের ভূষণ হইয়াছে। যে, নিন্দার কোনও কাজ না করিয়াও নিন্দাভাজন হইয়াছে, তাহার আবার নিন্দাকে ভয়! মনে ততটা দৃঢ়তা না থাকিলে সে কখনই সমাজের সংস্কার ভাঙ্গিয়া গৃহ ত্যাগ করিয়া আসিতে পারিত না। সে সঙ্কল্প স্থির করিল।

## তৃতীয় পরিচ্ছেদ ।

কার্তিকের শেষ—সকালে ও সন্ধ্যায় একটু শীতানুভব হয়, মধ্যাহ্নে গরম কাপড় গাত্রে সহ্য না। ঋতু-পরিবর্তনের সময়—একটু অসাবধান হইলেই সর্দি কাসি হয়। তাই সকালে লোক বলিত, কার্তিক মাসে যমের চার দরজা খোলা। সন্ধ্যা হয় হয়, এমন সময় কলিকাতার হেছুয়া পুষ্করিণীর বাগানে অনেক লোকের সমাগম হয়। তাহার মধ্যে সব বয়সের লোকই থাকেন। একটা সেডের নিম্নে এত বৃদ্ধের সমাগম হয় যে, এক জন একদিন রহস্ত করিয়া বলিয়াছিলেন, “হেছুয়া কি যমের জুরিশডিকশনের বাহিরে যে, বৃদ্ধেরা এখানে নির্ভয়ে থাকেন?” অনেক যুবক এই সময় বাগানে আইসে—গল্পগুজব করে। দুই জন যুবক দক্ষিণের দ্বারপথে বাগানে প্রবেশ করিল। এক জন সবল যুবক—এবার বি, এ, পরীক্ষায় ইংরাজী সাহিত্যে সর্বোচ্চ স্থান অধিকার করিয়া এম, এ, ও আইন পরীক্ষায় আর এক জন তাহার সহপাঠী ছিল—একবার পরীক্ষায় উত্তীর্ণ হইতে না পারিয়া পিছাইয়া পড়িয়াছে, নাম—সুহৃদ। উভয়ে একই মেসে থাকে। উভয়ে পুষ্করিণীর বেষ্ঠনপথে একবার

## জোয়া-বালি .

সুরিয়া আসিল—কোথাও বেঞ্চে বসিবার স্থান পাইল না।  
তখন সুহৃদ চট করিয়া গায় জড়ান টুসের চাদরখানা খুলিয়া  
এক জায়গায় ঘাসের উপর পাতিয়া ফেলিল; বলিল, “বসা  
যাক্।”

সরলকৃষ্ণ তিরস্কারপূর্ণদৃষ্টিতে সুহৃদের দিকে চাহিয়া বলিল,  
“ক’রলে কি?”

সরল হাসিল, “ওতে দোষ নেই; চাদরখানা সাত বছর আগে  
আঠাই টাকায় কেনা; পোকায় কেটে যেটুকু অবশিষ্ট আছে,  
সেটুকু অবশ্যই পেন্সন্ পাবার যোগ্য। ওর উপর দরদ ক’রবার  
কোনও কারণ নেই।”

“কারণ যথেষ্ট আছে—যেহেতু ভাল করে ব্যবহার ক’রলে  
এখানা এখনও অনেকদিন চলতে পারে।”

“অত হিসেব করা আমার কৌশ্লে লেখনি। অত যদি  
হিসেবী হ’ব, তবে আমিও বি, এ, তে সবার উপরে হ’তে  
পারতাম।”

“তী যে হওনি, সে জন্ত দায়ী তুমি। কিন্তু কেবল চাদরখানা  
মার্জিতে পাতাই দোষ নয়। আমি কি পাতবার জন্ত তোমাকে  
গরম চাদর গায় দিয়ে আসতে বলেছিলাম? চট করে ঠাণ্ডা লেগে  
বসে একে ত সর্দিতে ভুগছে।”

সুরিয়া—ক—গে—বলিয়া সুহৃদ চাদরের উপর বসিয়া পড়িল।  
অগত্যা সরলও বসিল। বসিয়াই সে বলিল, “তুমি কি মনে কর,  
মনে অনুভব না ক’রলে কেউ ভাল অভিনয় ক’র্তে পারে?”

সুহৃদ বলিল, “অভিনয়—অভিনয়,—অর্থাৎ নকল—সেটা আসল নয়।”

“কিন্তু যেটা নকল—সেটা যে আসলেরই নকল; নকল যদি ভাল না হয়, তবে সে নকলই হয় না।”

“এসব মনস্তত্ত্বের কথা—কেতাবেই শোভা পায়। আসলে ও কিছু নয়। অভিনেতারা ও অভিনেত্রীরা যার যার ‘পার্ট’ কতকটা মুখস্থ করে আসে, বাকীটা ‘প্রম্পটিং-এর’ উপর নির্ভর করে। কোন রকমে পালা শেষ ক’রে যেতে পারলেই বা—বাড়ী গিয়ে রং ধুয়ে মনে করে, মা’ হোক দিন গুজরান হ’ল।”

“আচ্ছা—ধর, এই যে সেদিন একটি মেয়ে দলনী বেগমের অংশ অভিনয় ক’রলে, ওর কথা কি বল?”

“সব সমান।”

“কিন্তু লক্ষ্য করেছিলে কি, শেষ দৃশ্রে বিষ পান ক’রবার আগে ওর চোখে সত্যি সত্যি জল এসেছিল?”

“চোখে ধুলো পড়ে থাক্বে বা রং গিয়ে থাক্বে।”

“আচ্ছা চল,—অমরবাবুকে জিজ্ঞাসা ক’রবো।”

অমরবাবু বাঙ্গালা রঙ্গালয়ে প্রসিদ্ধ লোক। তিনি স্বয়ং কলিকাতার কোনও সম্ভ্রান্ত পান্ডিত্যবানের সন্তান—যৌবনেই রঙ্গালয়ে আকৃষ্ট হইয়াছিলেন। তিনি রঙ্গালয়ের অগ্রতম স্বত্বাধিকারী নাট্যকার, অভিনেতা ও কার্য্যাধ্যক্ষ। তাঁহার বাড়ীর চত্রে একটা মেসে সরলকৃষ্ণ কিছুদিন ছিল। সেই সময় অমরবাবুর সঙ্গে তাহার পরিচয়—সে সময় সময় তাঁহার সঙ্গে সেক্সপীয়রের,

## চোরা-বাঁলি

মালোর, কালিদাসের, অস্কার ওয়াইল্ডের নাটকের আলোচনা করিত—বাজালা নাটকের ও রঙ্গালয়ের সমালোচনা করিত। তদবধি তাহার সঙ্গে অমরবাবুর পরিচয় অক্ষুণ্ণ আছে।

সরলকৃষ্ণ যে কাজটা করিবে, স্থির করিত, যেটা না করা পর্য্যন্ত যেন স্থির হইতে পারিত না। সুহৃদ সে কথা লইয়া তাহাকে ঠাট্টা করিলে সে বলিত, “জানই ত, যে কাজটা করবার উপযুক্ত, সেটা ভাল ক’রে করবারই উপযুক্ত। কাজ যদি কর, ভাল করাই করবে, বেগারঠেলা করে কখনও কাজ করতে নেই। তা’তে কাজও ভাল হয় না, যে কাজ করে—তা’রও ভাল হয় না।” সুহৃদ উত্তরে হাসিয়া বলিত, “সে ত আমি হাড়ে হাড়েই বুঝি, এই দেখ না—ভাল করে পড়িলে বলে পড়াও ভাল হয় না—আমারও ভাল হয় না, যেহেতু আমি ‘ফেল’ হই। কিন্তু স্বভাব—জানই ত, স্বভাব যায় ম’লে।”

পরদিন সরলকৃষ্ণ সুহৃদকে সঙ্গে লইয়া অমর বাবুর কাছে গেল। অভিনেতার। অভিনয়কালে অভিনীত চরিত্র আপনারা অনুভব করে কি না, সে বিষয়ে স্থির সিদ্ধান্তে উপনীত হইবার জন্ত সুহৃদের মোটেই মাথাব্যথা ছিল না; কথাটা উঠিয়াছিল বলিয়াই সে তাহার আলোচনা করিয়াছিল। কাজেই অমর বাবু ক’রে যাইবার জন্ত তাহার আগ্রহ ছিল না। কিন্তু সরলকৃষ্ণের “পাল্লায় পড়িয়া” তাহাকেও যাইতে হইল।

অমর বাবু তখন রঙ্গালয়ে ছিলেন। রঙ্গালয়ের উঠানে একটা বাতাবী লেবুর গাছ ছিল; তাহাতে একটা বিগুনোনিয়া লতা



## চোরা-খালি

তুলিয়া দেওয়া হইয়াছিল—সেটায় গুচ্ছ গুচ্ছ ফুল ফুটিয়াছিল। সেই গাছের তলে বৃত্তাকারে আসন। সেই আসনে বসিয়া অমর বাবু আলবোলায় অম্বরী তামাকের ধূম সেবন করিতেছিলেন, এবং বড়দিনে সময় কি নূতন প্রহসনের অভিনয় হইবে, সে বিষয়ে আপনাদের সহকারীদিগের সহিত পরামর্শ করিতেছেন। যে চিত্রকর রঙ্গালয়ের চিত্রপট অঙ্কিত করেন, তিনিও উপস্থিত ছিলেন—কি কি পট অঙ্কিতে হইবে, তাহা জানিয়া লইতে ছিলেন। কলিকাতার ধনীর বৈঠকখানার একখানা চিত্র অঙ্কিতে হইবে। তাহাতে বাতি বসান ঝাড় থাকিবে, কি গ্যাসের ল্যাম্প থাকিবে, তাহা লইয়া যখন তর্ক চলিতেছিল, তখন স্তম্ভদিকে লইয়া সরলকৃষ্ণ তথায় উপস্থিত হইয়া অমর বাবুকে নমস্কার করিল।

প্রতি নমস্কার করিয়া অমর বাবু বলিলেন, “এই যে বাবাজী, ভাল ত? লেখাপড়া হচ্ছে ভাল?”

সরলকৃষ্ণ বলিল, “মন্দ নয়।”

“আচ্ছা, বাবাজী, তুমিই বল দেখি, হালের বড়মানুষের বৈঠকখানায় বাতি বসান ঝাড় দেওয়া যায়, কি গ্যাসের ল্যাম্প দেওয়া যায়?”

“মাঝামাঝি রকমে গ্যাসের ঝাড় দিলেই ত হয়।”

“বেশ বলেছ—বেশ। একেই বলে, ‘এদিক ওদিক হুঁদু’ রেখে চুমুক দিলে ছুঁধের বাটি। এ নইলে বিজ্ঞা! বিদ্বানের সব গুণ।” তিনি চিত্রকরকে বলিলেন, “শুনলেন ত, গ্যাসের ঝাড় দিও।”

## চোরা-কালি.

তাহার পর তিনি সরলকৃষ্ণকে বলিলেন, “তা’র পর বাবাজী কি মনে ক’রে?”

সরল বলিল, “আমার এই বন্ধুর সঙ্গে আমার তর্ক হয়েছে।”

“বন্ধু বলতে আমরা বুঝতাম—আপদে বিপদে সহায়, মুখে দুঃখে অংশী—তখন বন্ধুত্ব পারিবারিক সম্বন্ধে পরিণত হ’ত—পুরুষানুক্রমে তা’র জের চলত। এখন তোমাদের বন্ধু—বিলাতী ‘মেকো’—কেবল দেখা হলে, “‘হাউডু ইউডু।’ বাস্। তর্ক কি নিয়ে?”

অভিনেতার। যে অংশ অভিনয় করে, সেই অংশের অমুভূতি তা’দের স্বার্থকি না? অর্থাৎ, যে যে চরিত্রের অভিনয় করে, সে আপনাকে সেই লোকই মনে করি কি না?”

“করাই হ’ল আসল অভিনেতার নৈপুণ্য। কিন্তু আমাদের অভিনেতার। যে তা করে না, তা তা’দের অভিনয় দেখলেই বেশ বুঝা যায়। করলে ত আমরা বেঁচে যাই।”

“আচ্ছা ধরুন, সেদিন যে মেয়েটি দলনী বেগম সেজেছিল, শেষ দৃশ্ত্রে যে তার চোখে জল এসেছিল, সে কেও?”

“তা’ জানবার যদি ইচ্ছা কর, তা’কেই জিজ্ঞাসা করতে পার।”

সরলকৃষ্ণ বিস্মিতভাবে অমর বাবুর দিকে চাহিল।

অমর বাবু বলিলেন, “সেদিন দর্শকের ভিড় দেখে আমাদের লোভ হয়েছিল; তাই যদি সে আর একদিন দলনী বেগম সাজে, সে জন্ম তা’কে রাজি করতে আমি আজও তা’র কাছে গিয়ে-

## চোরা-বালি

ছিলাম। সে সম্মত হ'ল না। কেন সে একদিন যেচে এসেছিল, তাও বুঝতে পারলাম না। সে এখন ইরাজী সাহিত্য পড়তে চায়—বলে, এক জন ভাল শিক্ষক খুঁজে দিন। তুমি ~~সিদ্ধ~~ মাহিনা মোটাই দিবে।”

সরলকৃষ্ণ ভাবিতে লাগিল।

অমর বাবু বলিলেন, “কিন্তু বাবাজী, বুঝে উত্তর দিও। ও চোরা বালি—একবার পা একটু আটকালেই একেবারে অতল। সর্বদা ভয়।”

ভয়! সরলকৃষ্ণের সঙ্কল্প স্থির হইয়া গেল। সে বলিল, “আমি পড়াতে রাজি আছি।”

অমর বাবু বলিলেন, “তবে তুমি কাল সকালে আমার কাছে এলে আমি সঙ্গে করে নিয়ে যাব। আমার সকাল কিন্তু বেলা নটা, সেটা ভুলো না।”

“আচ্ছা,” বলিয়া—অমর বাবুকে নমস্কার করিয়া সরলকৃষ্ণ বিদায় হইল।

মেসে ফিরিবার পথে সুহৃদ বলিল, “সরল, এ কাজটা কি ভাল করলেন?”

সরল বলিল, “কোন কাজটা?”

“এই চোরা বালিতে পা দেওয়া।”

“তোমরা বে কাজটা ভাল বলবে না, তা আমি জানি। কিন্তু আমারও টাকার দরকার, আর ভয়ও আমার নেই। বরং আমার মনে হয়, পরীক্ষা করে দেখলে আপনার ক্ষমতাটা বুঝা যাবে।”

## জোরা-খালি

“কিন্তু যেখানে ভয়ের ভয় আছে, সেখানে না হয় পরীক্ষাটা নাই করলে। অনেক বড়লোকও প্রলোভনের পিছল পথে পড়ে গেছেন। সে কথা তুমি জান।”

“জানি বটে; কিন্তু দেখা যাক।”

সুহৃদ আর কোনও কথা বলিল না—সে সরলকৃষ্ণকে বিশেষ চিনিত; প্রতিবাদে তাহার সঙ্কল্প দৃঢ় হইবার সম্ভাবনা যে অধিক, তাহা সে জানিত। সে মনে করিল, পরে সময়মত আর একবার তাহাকে বুঝাইবার চেষ্টা করিবে।

সরলকৃষ্ণ পল্লীগ্রামের লোক। যে গ্রামে তাহার বাড়ী, যে গ্রামখানা তাহার পূর্বপুরুষদিগের গাঁতি জমা ছিল, এবং সে অঞ্চলে তাহাদের নাম সৰ্বজনবিদিত। ক্রমে অবস্থাহীন হইয়া আসিয়াছে। গ্রামের গাঁতি জমা এখনও তাহার পিতার সম্পত্তি বটে, কিন্তু তাহা বন্ধক পড়িয়াছে—“উৎরাইবার” সম্ভাবনা অল্প; কারণ হুদে আসলে টাকাটা বাড়িয়াই চলিয়াছে, এবং মহাজনও গ্রামস্থ বলিয়া সম্পত্তির লোভে জোর তাগাদা করেন না—একেবারে সব জড়াইয়া জাল গুটাইয়া তুলিবেন। সম্পত্তি ফিরাইয়া লইবার আশার মধ্যে কেবল সরলকৃষ্ণ। তাহার দুই দাদা কেহই লিখাপড়ায় অধিক দূর অগ্রসর হইতে পারেন নাই; এক জন ডাকঘরে ও অল্প জন সারি খদালতে চাকরী করেন; উভয়েরই বেতন অতি অল্প। সরলকৃষ্ণ ধারাল ছেলে—পরীক্ষায় বরাবরই বৃত্তি পাইয়াছে। তাই পিতামাতা মনে করিতেছেন, সে “মানুষ” হইলে দুঃখ ঘুচিবে।

সরলকৃষ্ণ অসুসরণ করিয়া লক্ষ্মীর সেই পরিত্যক্ত গৃহে প্রত্যা-

## (চোন্দা-বালি)

বর্তনের আর একটু সম্ভাবনাও দেখা দিয়াছিল। শরৎবাবু পাশের গ্রামের লোক, তিনি মুন্সেফ হইতে সরদওয়ারী হইয়াছেন। তাঁহার কনিষ্ঠা কন্যার সঙ্গে তিনি সরলকৃষ্ণের বিবাহের প্রস্তাব করিয়াছেন। মেয়েটি রূপে একটু “মাটো” এবং মাথায় একটু “খাটো” হইলেও বাপ মার বড় আদরের। শরৎবাবু অপেক্ষাকৃত অধিক বয়সে বিপত্নীক হইয়া পুনরায় বিবাহ করিয়াছেন, এবং সে বিবাহের একমাত্র সন্তান—প্রমীলা। তাহার দ্বিতীয় শরৎবাবু ভাল পুত্রের সন্ধান করিতেছিলেন। তিনি একদিন বলিয়াছিলেন, তিনি তাঁহার বিবাহে তিন চার হাজার টাকা খরচ করিবেন। শুনিয়া গৃহিণী বলিয়াছিলেন, “তবেই হয়েছে। তিন চার হাজার টাকায় ভাল সম্বন্ধ! সে ছিল—তোমাদের যুবো বয়সে। তুমি তোমার বড় ছেলের বিয়ে দিয়ে কত টাকা পেয়েছ?” বড় ছেলেটি যখন বি,এ, পড়ে, তখনই তাহার বিবাহ দিয়া শরৎবাবু বধূর সঙ্গে সঙ্গে নগদে ও গহনায় প্রায় পাঁচ হাজার টাকা ঘরে তুলিয়াছিলেন। তিনি গৃহিণীর কাছে হারি আনিলেন; সর্বদাই মানিয়া থাকেন। তিনি বলিলেন, “না হয় পাঁচ হাজারই দেওয়া যাইবে।” গৃহিণী বলিলেন, “তাতেও হ’বে না। তা’ যদি তুমি না-ই পার, তুমি যা’ পারবে, তাই দিও; আমার গহনা আমি সব প্রমীলাকে দেব। আমার এখন ছ’হাতে দুগাছা মোটা বালা থাকলেই হল—হাত দু’ডা়ী থাকলেও চলে।” সেতারের তার যখন বাঁধা থাকে, তখন তাহাতে ঝঙ্কার ভাল রকম বাজিয়া উঠে। গৃহিণীর বিরক্তির ভয়ে কর্তার মনের তার বাঁধাই থাকিত, তাই গৃহিণীর এই কথাগুলি কান মেলের

## চোরা-বালি

বন্ধার তাহাতে বন্ বন্ করিয়া বাজিয়া উঠিল। কর্তা বলিলেন, “সে জন্ত তুমি ভেবো না ; যে পাত্র পসন্দ হ’বে, তা’র জন্ত যত খরচ করতে হয়, আমি করব।”

তাহার পর প্রেমীলার জন্ত পাত্রের সন্ধান চলিতে লাগিল ; দেশে ও বিদেশে ছেলে খোঁজা হইতে লাগিল। শরৎবাবুর এক খুড়া তাঁহার কাছে সরলকৃষ্ণের কথা উত্থাপিত করিলেন। বেশ হেলে। জানা ঘর। তবে পয়সা নাই। কর্তা “ভেবে দেখি” বলিয়া গৃহিণীর সঙ্গে পরামর্শ করিবার সময় লইলেন।

গৃহিণী সব শুনিলেন। বলিলেন, “খুঁতের মধ্যে, পয়সা নেই। তা’ না থাকুক—ও ছেলে পয়সা রোজগার করতে পারবে।” শরৎবাবু আপনি অভিভাবে দারিদ্র্য হইতে ধনী হইয়াছেন। সেই জন্ত বিহার উপর গৃহিণীর বিশেষ শ্রদ্ধা ছিল। তিনি জিজ্ঞাসা করিলেন, “একেবারে চাগ চুলো নেই, এমন হ’বে না ত ?” কর্তা বলিলেন, “বাড়ী ঘর ভাল—গ্রামের গাঁতিটিও লাভের ; তবে বন্ধক পড়িয়াছে। নহিলে ভাত কাপড়ের সংস্থান ভালই—সেই—” গৃহিণী একবার ছেলেটিকে দেখিতে চাহিলেন।

কর্তা পূজার ছুটিতে বাড়ীতে আসিয়া একদিন সরলকৃষ্ণের পিতার সহিত সাক্ষাৎ করিলেন, এবং বিবাহের প্রস্তাব করিলেন। বিবাহের রাজ্যে ছেলের যে দর হইয়াছে, তাহা সরলকৃষ্ণের পিতা বিহারীলাল জানিতেন। তিনিও একটু দরের কথায় আভাস দিলেন। শরৎবাবু বলিলেন, “সে জন্ত ভাবনা নেই—যেয়ে জামাইকে ক্রমশঃ দিতে হয়, তা’ আমার অজানা নেই।” দুইজনেই

## ছোলা-বালি

ঝাঁকে ঝাঁকে কথা কহিতে লাগিলেন—পূরা দর ও পাকা কথা বলিলেন, “মেয়েকে যা’ দিবার দিবেন,—ছেলেকে যা’ দিবার নগদে দিতে হ’বে; সেই টাকায় আমি গ্রামের জমা ছাড়িয়ে নেব।” শরৎবাবু পাকা কথা দিবার পূর্বে গৃহিণীর সঙ্গে পরামর্শ করিয়া পরে বলিলেন, “আমিই জমা ছাড়িয়ে দেব; কিন্তু জমাটা আমার জামায়ের নামে দিতে হ’বে। তা’তে যদি কিছু বেশী লাগে, আমি তা’ও দিতে প্রস্তুত।”

বিহারীলালের এই প্রস্তাবে যতটা আপত্তি ছিল, সরলকৃষ্ণের তদপেক্ষা অনেক অধিক আপত্তি ছিল। এই প্রস্তাব শুনিয়া সে একেবারে বাঁকিয়া বসিল—সে কিছুতেই এ দ্বিধাহ করিবে না। বিহারীলাল সে কথা শরৎবাবুকে জানাইলেন।

এই সময় শরৎবাবুর গৃহিণী জগদ্ধাত্রী পূজার আয়োজন করিলেন। তিনি আপনি আসিয়া বিহারীবাবুকে নিমন্ত্রণ করিয়া গেলেন, এবং গোপনে জানাইয়া গেলেন, এই সুযোগে গৃহিণী অক্ষর শরৎবাবুকে দেখিতে চাহেন। বিহারীলাল পুত্রকে চিনিতেন, প্রথমে তাহাকে কোনও কথা জানাইলেন না—আপনিই নিমন্ত্রণরক্ষা করিতে যাইবেন, বলিলেন। এদিকে দুর্গা পূজার ছুটি দুরাইলে বড় দুই ছেলে চাকরীতে চলিয়া গেল—বাড়াতে থাকিবার মধ্যে তিনি আর সরলকৃষ্ণ। নিমন্ত্রণে যাইবার দিন সন্ধ্যাবেলা, উঠিয়া তিনি বলিলেন, তাহার শরীর ভাল নাই, শরৎবাবু আপনি যখন নিমন্ত্রণ করিতে আসিয়াছিলেন, তখন যাইতেই হয়। এক যদি সরল যায়, তবেই তিনি অসুস্থশরীরে যাইবাবু, দায় হইতে

## ভোলা-বালি

অব্যাহতি লাভ করেন। সরলকৃষ্ণ পিতার উদ্দেশ্য যে বুঝিল না, এমন নহে; কিন্তু কর্তব্যবুদ্ধিবশে আপনি যাইতে সম্মত হইল।

শরৎ বাবুর গৃহিণী ছেলে দেখিলেন। ছেলে দেখিয়া তিনি বলিলেন, “যেন কার্তিক। যেমন রূপ, তেমনিই গুণ। আমি ঐ ছেলেই জামাই করব।”

কর্তা বলিলেন, “তা’ ত করবে, কিন্তু বরকে যে টাকা দেব, তা’তে যদি সম্পত্তি ছাড়ান হয়, তবে ত তা’তে কয় ভাইয়েরই সমান অংশ হ’বে?”

“তা হ’কগে। তুমি বুঝ না, তাতে আমার মেয়ের আদর বাড়বে; কাম্বল, বাড়ীর সকলেই ত মনে মনে জানবে, তা’র টাকাতেই নিশ্চিন্ত হইয়া ভাত খাচ্ছে।”

“তা’ তুমি বুঝে দেখ।”

“দেখেছি গো দেখেছি। আজকালকার ছেলেদের ত তুমি চেন না। এখন ঐ ভাব দেখিয়ে দিলে, এর পর যখন নিজে রোজগার করবে, তখন যদি সে টাকার সিকি পয়সাও ভাইদের দা-দেয়, তাতেও কেউ কোনও কথা বলতে পারবে না। গোড়ার এই কথাটাই লোক জানবে।”

তাহার পর কর্তা বিহারী বাবুকে জানাইলেন, “তিনি জামাইকে টাকা দেবেন—সে টাকা কিসে খরচ করা হবে সে কথা তিনি জানতে চান না। তিনি টাকা দিয়েই খালাস।”

সুতরাং কথার কিছু অবশিষ্ট রহিল না।

বিহারী বাবু সব কথা ছেলেকে বলিলেন। ছেলে বলিল, “ও



## চোন্না-বালি

কথা আমায় জিজ্ঞাসা করেন কেন? আপনি যা' বলবেন, তাই হ'বে। তবে আমার একটা কথা—আমি এম, এ, পাশ করার আগে বিয়ে করব না।” বিহারী বাবু বলিলেন, “আমি পাকা কথা দিতে পারি ত?” ছেলে বলিল, “আপনি যে কথা বলবেন, তাই পাকা।”

প্রস্তাব শুনিয়া শরৎ বাবুর গৃহিণী বলিলেন, “দেখ্লে ত? আপনি রোজগার করতে আরম্ভ করে—যখন বৌ নিয়ে যেতে পারবে, তখন বিয়ে করবে। বৌকে বৌগাদায় রেখে যা'বে না। এই ত বুদ্ধিমানের কথা। তুমি কথা পাকা করে রাখ।”

তাহাই হইল। দুই পক্ষেই কথা পাকা হইয়া গেল—শরৎ বাবু মেয়ের বিবাহের ভাবনার দায় হইতে এবং বিহারী বাবু দেনার ভাবনার দায় হইতে অব্যাহতি লাভ করিলেন।

## চতুর্থ পরিচ্ছেদ ।

প্রথম দিন অমর বাবু যখন সরলকৃষ্ণকে সঙ্গে করিয়া প্রভাত-নলিনীর গৃহে উপস্থিত হইলেন, তখন সরল একবার ভাবিল, “কোনও অত্যায কাজ করিলাম না ত ?” কিন্তু পরমুহূর্ত্তেই তাহার সব সন্দেহ দূর হইয়া গেল । সে বহুবার আপনার মনে আপনি এ তর্ক তুলিয়া তাহার মীমাংসা করিয়াছিল । আবার সন্দেহ কেন ? সে এই দৌর্য্যল্যের জন্ত আপনাকে তিরস্কার করিল ।

অমর বাবু সংবাদ দিয়া প্রভাত-নলিনীর সঙ্গে দেখা করিতে গেলেন । সরল একা এক ঘরে বসিয়া রহিল ; বসিয়া ঘর দোঁখতে লাগিল । ঘরে সজ্জার অভাব—প্রাচীরে চিত্র নাই, ঘরে আসবাব অতি অল্প । বিলাসের কোনও চিহ্ন কোথাও খুঁজিয়া-প্রাপ্ত হইয়া না । একটা আলমারীতে বাদলা বহি ; সবগুলো নূতন, ঝক ঝক করিতেছে ।

অলক্ষণ পরেই অমর বাবু আসিয়া সরলকে ডাকিয়া লইয়া গেলেন । একখানা টেবলের একদিকে একখানা চেয়ার—প্রভাত-নলিনী বসিয়া ছিল—সরল আসিলে উঠিয়া নমস্কার করিল, তাহার পরই লজ্জায় তাহার দৃষ্টি নত হইয়া পড়িল—যেন সে চেষ্টা করিয়াও মুখ তুলিতে পারিল না । অমর বাবু টেবলের অপর দিকে

## চোখা-নালি

একখানা চেয়ারে স্থাপনি বসিয়া সরলকে আর একখানায় বসিতে বলিলেন। প্রভাত-নলিনীও বসিল।

সরল দেখিল—রূপ বটে! আবার রূপের নদীতে যৌবনের স্ফোর্তির পূর্ণতা সঞ্চার করিয়াছে—জল কূলে কূলে ভরিয়া উঠিয়াছে; দেহে যেন আর রূপ ধরে না। নয়নের দৃষ্টিতে—অঙ্গের সঞ্চালনে রূপ ও লাবণ্য যেন উথলিয়া উঠিতেছে। কোন কোন নদীর জল গভীরতাহেতু স্থির, প্রবাহের বেগ অপ্রথর; আবার কোন কোন নদীর জল অগভীর—স্বচ্ছ বালুকাস্তৃত পথে উপলে উপলে যেমন নূপুর বাজাইয়া বহিয়া যায়—রবিকরে জ্বলিতে থাকে। রূপও তেমনই দুই প্রকারের। এক প্রকার রূপে গাভীর্ষ্য আছে, তাহা শ্রদ্ধা আকৃষ্ট করে। আর এক প্রকার উজ্জল—তাহা প্রশংসা আকৃষ্ট করে—তাহাতে হৃদয় শ্রদ্ধায় নত হয় না—প্রশংসায় পূর্ণ হয়। প্রভাত-নলিনীর রূপ শেষোক্ত প্রকারের।

অমর বাবু প্রভাত-নলিনীকে বলিলেন “এখন তুমি কি পড়বে, ঠিক করে নাও।”

ততক্ষণে প্রভাত-নলিনী আপনার সঙ্কোচ জয় করিয়াছে। সে মুখ তুলিয়া বলিল, “আমি ইংরাজী পড়তে চাই।”

প্রভাত-নলিনী অপরিচিতা যুবতী। তাহাকে “আপনি” বলিবে কি “তুমি” বলিবে, প্রথমে সরল তাহা স্থির করিয়া উঠিতে পারিল না; তাই পাশ কাটাইয়া জিজ্ঞাসা করিল—“ইংরাজী কতটা পড়া হয়েছে?”

প্রভাত-নলিনী বলিল, “যা হয়েছিল, তাও বোধ হয় এতদিনে

## ডোনা-নালি

ভুলে গেছি ; কাজেই আপনাকে গোড়া থেকেই আরম্ভ করতে হবে ।”

“তবুও কতটা পড়া হয়েছিল ?”

“মিশনারী স্কুলে আমি প্রথম ভাগ ‘রয়েল রীডার’ পড়েছিলাম। সে অনেক দিন—বিয়ের আগে ।”

শেষের কথাটা বলিতে গিয়া প্রভাত-নলিনী ঘেন অশ্রুমনস্ক হইয়া গেল । সরল লক্ষ্য করিতেছিল, সে কথায় যে স্বচ্ছন্দ ভাব দেখাইতেছিল, সেটা কৃত্রিম । ঐ একটি কথায়—বিবাহের কথায় সে ভাব আর রহিল না ! কাজেই সামলাইয়া লইবার জন্য সে-ই বলিল, “তাই হয়, বাঙ্গালীর মেয়ের লেখা পড়া বিয়ে হ’লেই শেষ হয় । আবার কোন কোন বাড়ীতে ত বই হাতে করাও নিন্দার কাজ ।”

অমর বাবু বলিলেন, “নিন্দা প্রশংসার দাম যে কি, তা’ ঠিক করাই দায় ।”

সরল জিজ্ঞাসা করিল, “তা হ’লে কি স্বই আরম্ভ করা যাবে ?”

অমর বাবু হাসিয়া বলিলেন, “তবেই তুমি মাষ্টারী করেছ ! কি বই থেকে আরম্ভ করবে, তা ত তুমিই ঠিক করে নেবে । যে ‘কর খল’ পড়তে পারে না, তা’কে ত ‘বান্ধয়’ পড়ালে চলবে না ।”

“তবে প্রথমে প্রথম ভাগ ‘রয়েল রীডার’ এনেই দেখা যাক ।”

“সেই ভাল ।”

## চোলা-বাঁধা

প্রভাত-নলিনী একথানা দশ টাকার নোট বাহির করিয়া দিল  
—“বই আনবেন।”

সরল বলিল, “অত টাকা কি হ’বে? এ থাক—আমি  
বই আনব।”

সরল উঠিয়া পড়িল।

অমর বাবু হাসিয়া কহিলেন, “বেশ মাষ্টার! কখন পড়াতে  
আসবে, তাই যে ঠিক হ’ল না।”

সরল বলিল, “তাই ত।”

প্রভাত-নলিনী বলিল, “আপনার কখন সুবিধা হয়?”

অমর বাবু জিজ্ঞাসা করিলেন, “তোমার কলেজ কখন?”

সরল বলিল, “বেলা তিনটার পর থেকেই, আমার ফুরসৎ।”

প্রভাত-নলিনী বলিল, “আমার সারাদিনই ফুরসৎ—আপনি  
তিনটার পরেই আসবেন।”

তাহাই স্থির হইল।

—পরদিন দুইখানি পুস্তক কিনিয়া লইয়া যথাকালে সরল  
প্রভাত-নলিনীর বাড়ীতে উপস্থিত হইল। সে মনকে বেশ দৃঢ়  
করিয়া আসিয়াছিল—তাহাকে শিক্ষকোচিত গাভীৰ্য্য অবলম্বন  
করিতে হইবে। পূৰ্বদিন সে ছাত্রীকে “আপনি” বলিবে, কি  
“তুমি” বলিবে, স্থির করিতে পারে নাই। আজ তৎহা স্থির  
করিয়াছিল—ছাত্রীকে “তুমিই” বলিতে হইবে। কেন না, সে  
শিক্ষক, এবং তাহাকে শিক্ষকের গাভীৰ্য্য রক্ষা করিয়া এ ছাত্রীকে  
পড়াইতে হইবে। সে লোকের নিন্দা-প্রশংসায় কাণ দিক আর

## চোলা-বালি

না দিক—নিজের মনের নিম্ন-প্রশংসার দিকে তাহার বিশেষ লক্ষ্য ছিল।

পড়াইতে আরম্ভ করিয়াই সরল বেশ বৃদ্ধিতে পারিল, প্রভাত-নলিনী পড়া ভুলে নাই। যত দূর পড়িয়াছিল, মনে আছে—  
হুই চারি দিনেই সে বহিখানা শেষ করিতে পারিবে।

হইলও তাহাই—কয় দিনের মধ্যেই বহি শেষ হইল। বাস্তবিক, প্রভাত-নলিনী তাহার অনন্ত অবসর কেবল পাঠেই ব্যয় করিত। তাহাতেই সে শান্তি পাইত। জীবনের একটা উদ্দেশ্য না থাকিলে মানুষ বাঁচিতে পারে না। এখন অধ্যয়নই সে তাহার জীবনের উদ্দেশ্য করিয়া তুলিল। বিশেষ সে এক বিষয়ের অধ্যয়নে আত্মনিয়োগ করিয়াছিল; প্রিয় ও অপ্রিয়—প্রীতিকর ও অপ্রীতিকর কতকগুলি বিষয়ের আলোচনায় তাহাকে মন দিতে হইত না। কাজেই সে উন্নতির পথে অতি দ্রুত অগ্রসর হইতে লাগিল। এত অল্প দিনের মধ্যে যে লোক এতটা অগ্রসর হইতে পারে, না দেখিলে বিশ্ব-বিজ্ঞানবীর কৃতী ছাত্র সরলকৃষ্ণ তাহা কল্পনাও করিতে পারিত না।

সরলকৃষ্ণ মনকে দৃঢ় করিয়া আসিয়াছিল, ছাত্রী সহিত ব্যবহারে সর্বতোভাবে ঘনিষ্ঠতা পরিহার করিবে, শিক্ষক-ছাত্রীর সম্বন্ধের সীমারেখা হইতে বিন্দুমাত্র অগ্রসর হইবে না। কিন্তু সে দেখিল, সে বিষয়ে ছাত্রীর দৃঢ়তা শিক্ষকের দৃঢ়তাকেও পরাভূত করে। প্রভাত-নলিনীর ব্যবহারে স্বচ্ছন্দ নিঃসঙ্কোচাব ছিল; কিন্তু তাহাতে ঘনিষ্ঠতার স্পর্শমাত্র হইতে পারে না। দেখিয়া সরলকৃষ্ণ অনেকটা নিশ্চিন্ত হইল। যে দৈনিককে সর্বদা শত্রুর

## ভোলা-বালি

আগমন শঙ্কা করিয়া সতর্ক থাকিতে হয়, তাহার অবস্থা প্রলোভনীয় নহে ; প্রতি দিন উৎকর্ষ ও শঙ্কা সহ করিয়া তাহার স্নায়ু দুর্বল হয়—সে শ্রান্ত হইয়া পড়ে । কিন্তু যে সৈনিক জানে, শত্রুর আগমন-সম্ভাবনা নাই, সে নিশ্চিন্ত থাকিতে পারে । এই নিশ্চিন্ততাবের উদ্ভবে সরলকৃষ্ণের শিখাইবার প্রণালীও আড়ষ্টতাব হইতে অব্যাহতি পাইল । ফলে—প্রভাত-নলিনীর অধ্যয়নও দ্রুততর অগ্রসর হইতে লাগিল ; কেন না, অধ্যাপনাগুণে শিক্ষার বিষয় সরস হইয়া উঠিত ।

এইরূপে মাসাধিক কাল কাটিয়া গেল, এবং এই সময়ের মধ্যে প্রভাত-নলিনী অধ্যয়নে এতটা অগ্রসর হইল যে, সরলকৃষ্ণ তাহাকে একখানা ইংরাজী কবিতা-পুস্তক পড়াইবার আয়োজন করিল ।

এই সময় একদিন একটি অতর্কিত ঘটনা ঘটিল । সরলকৃষ্ণ পড়াইতেছে, এমন সময় ভৃত্য প্রভাত-নলিনীর নামে একখানা পত্র লইয়া আসিল—রসিদ-বহিতে সহি দিতে বলিল । প্রভাত-নলিনী আর স্বৈর্য্য রক্ষা করিতে পারিল না । তাহার পত্র ! তবে কি বাবা পত্র লিখিয়াছেন ? না—মা বাবাকেও গোপন করিয়া পত্র পাঠাইয়াছেন ? কে পত্র আনিয়াছে ? সে ব্যস্ত হইয়া সরলকে জিজ্ঞাসা করিল, “কোথায় সহি দিতে হয় ?” সরল স্থানটা দেখাইয়া দিলে সে তাড়াতাড়ি সহি করিয়া পত্রখানা খুলিয়া ফেলিল—দেখিল, ইংরাজী পত্র । সে পত্রখানা সরলকে দিয়া জিজ্ঞাসা করিল, “কে লিখেছে ?”

সরল দেখিয়া বলিল, “এ উকীল-বাড়ীর চিঠি ।”

“উকীল-বাড়ীর ?”

“হাঁ । তাই ।”

## ভোলা-বলি

“কি লিখেছে?”

সরল চিঠিখানা পড়িয়া বলিল, “মৃত হুলালচন্দ্র চৌধুরীর ত্যক্ত সম্পত্তি পাইবার জন্ত তাঁহার জ্ঞাতী ভ্রাতা কমলকুমার চৌধুরী দিগর আদালতে দরখাস্ত করিয়াছেন। কেন না,—

সরল আর পড়িতে পারিল না, পড়িতে সঙ্কোচ বোধ করিল। সে চাহিয়া দেখিল, প্রভাত-নলিনীর মুখ বিবর্ণ হইয়া গেল। এ সংবাদ এমনই অতর্কিত!

হুলালচন্দ্রের মৃত্যুসংবাদ যে প্রভাত-নলিনী জানিত না, তাহা সরলচন্দ্র জানিত না। সে সংবাদ সহরে রাষ্ট্র হইয়া গিয়াছিল। যে দিন প্রভাত-নলিনী রঙ্গালয়ে অভিনয় করে, সেই দিন হইতে সব ভাবনা ডুবাইবার জন্ত হুলাল অনবরত মত্ত পান করিতে থাকে; ফলে সাত দিনের দিন তাহার মৃত্যু হইয়াছে।

প্রভাত-নলিনী কিছুক্ষণ পাতরের মূর্তির মত স্থির হইয়া বসিয়া রহিল। তাহার পর সরলকুমারের দিকে তাহার দৃষ্টি পড়িল। সে যেন বিদ্রোহের স্পর্শে চমকিয়া উঠিল—বলিল, “আজ আমি আর পড়ব না।”

“আচ্ছা,”—বলিয়া সরল উঠিল।

তখন প্রভাত-নলিনী বলিল, “পত্রখানার তর্জমা যদি করে দেন, বড় উপকার হয়।”

সরল স্বেচ্ছা বসিল, এবং কাগজ কলম লইয়া পত্রের তর্জমা করিয়া দিল—

“মৃত হুলালচন্দ্র চৌধুরীর ত্যক্ত সম্পত্তি পাইবার জন্ত তাঁহার



## চোরা-নালি

জ্ঞাতব্রাতা কমলকুমার চৌধুরীদিগর আদালতে দরখাস্ত করিয়াছেন। কেন না, উক্ত ছালাচন্দ্রের পত্নী শ্রীমতী প্রভাত-নলিনী জীবিত থাকিলেও কুলত্যাগ করায় স্বামীর ত্যক্ত সম্পত্তির উত্তরাধিকারিণী হইতে পারেন না। সম্পত্তি যদি ছালাচন্দ্রের মাতাতে বর্তায়, তবে তিনি জীবন স্বত্বাধিকারিণী হইলেও হইতে পারেন; তাহার সম্পত্তি দান বিক্রয়ের কোন ক্ষমতা থাকিবে না—থাকিতে পারে না। কমলকুমারদিগরের দরখাস্তে কাহারও আপত্তি থাকিলে তাহা অল্প তারিখ হইতে এক মাসের মধ্যে দাখিল করিতে হইবে। নহিলে সে আপত্তি নামঞ্জুর হইবে।”

টেবলের উপর ছুইটা কাচের কাগজ-চাপা ছিল—তাহারই একটা লইয়া কাগজখানা চাপা দিয়া সরলকৃষ্ণ বিদায় লইল।

সরলকৃষ্ণ বিদায় লইবার পরও কিছুক্ষণ প্রভাত-নলিনী নিশ্চলভাবে বসিয়া রহিল। সে মনে করিয়াছিল, সে তাহার অতীত জীবন হইতে আপনাকে সম্পূর্ণরূপে বিচ্ছিন্ন করিয়াছে। আজ দেখিল, সে তাহার মিথ্যা অভিমান; নহিলে এই সংবাদের আঘাতে সে এমন চঞ্চল হইল কেন? সে আপনার দৌর্বল্যে আপত্তি হাসিল—তাহার পর উকীলবাড়ীর পত্রের তর্জমা পাঠ করিল। সম্পত্তি—অর্থ, উহাই ত যত অনর্থের মূল। উহাতেই সুখ হয় ভাবিয়া পিতামাতা দরিদ্রের কুটীর হইতে তাহাকে ধনীর প্রাসাদে দিয়া আসিয়াছিলেন। সেই সম্পত্তি—সেই অর্থ সে ত ত্যাগ করিয়াই পলাইয়া আসিয়াছে। তবুও তাহা আজ এ অবধি তাহাকে তাড়া করিয়া আসিয়াছে! পলাইয়াও কি তাহার নিকৃতি নাই!

## সোনার-বালি

কিন্তু এখন উপায় কি—কর্তব্য কি? সেই সম্পত্তি—সেই অর্থ সম্বন্ধে এখনও কি তাহার কোনও কর্তব্য আছে? সে যখন চৌধুরী-বাড়ীর ফটক পশ্চাতে রাখিয়া চলিয়া আসিয়াছে, তখন বার কেন? তবে তাহার কাছে এ পত্র পাঠাইবার উদ্দেশ্য কি? প্রভাত-নলিনী পত্রখানা আবার পড়িল! উকীল-বাড়ীর পত্র বলিলে কি বুঝায়—আইনের নিয়মে যে এমন পত্র পাঠাইতেই হয়, সে সব সে জানিত না। কিন্তু সরলকৃষ্ণের তর্জ্জমার মধ্য হইতে একটা কথা যেন তাহার দিকে কঠোরদৃষ্টিতে চাহিয়া রহিয়াছে, বোধ হইল। লিখা আছে—সে কুলত্যাগ করায় স্বামীর ত্যক্ত সম্পত্তির উত্তরাধিকারিণী হইতে পারে না। কেন? সে কি কোন অপরাধ করিয়াছে? অপরাধ করুক, আর না করুক, সে যে কাজ করিয়াছে, তাহাতে যে লোকনিন্দা হইবেই, তাহা সে জানিত, এবং জানিয়াও কোনও দিন বিচলিত হয় নাই। কেন না, তাহার বিশ্বাস ছিল, সে যাহা করিয়াছে, সে আত্মরক্ষার জন্য। তবে আজ পত্রের এই কথায় তাহার এ ভাবান্তর কেন? সরলকৃষ্ণ কি তাবিয়াছে? সেও কি তাহাকে অপরাধী মনে করিয়াছে?

প্রভাত-নলিনী আজ আপনার অসহায় অবস্থা যেমন ভাবে উপলব্ধি করিল, তেমন আর কখনও করে নাই। আজ এই বিশাল বিশ্বে সে একা—তাহার বিপদে সাহায্য করিবার—এমন কি, পরামর্শ দিবারও কেহ নাই। তাহার শ্বশুরবাড়ীতে আবরুর কড়াকড়িতে বিরক্ত হইয়া সে যখন এক দিন সে কথা তাহার পিতাকে বলিয়াছিল, জিজ্ঞাসা করিয়াছিল, “মানুষকে এমন অবিশ্বাস করা হয়

## চোরা-বাড়ি

কেন ?” তখন মোহিত উত্তর দিয়াছিলেন—উহা সংস্কার, কোন কোন পরিবারে কঠোর হইয়াছে মাত্র। নহিলে—উহার মূল সন্ধান করিলে দেখা যায়, হিন্দুশাস্ত্রকারেরাও স্ত্রীলোকের স্বাতন্ত্র্যের বিরোধী ; তাঁহাদের ব্যবস্থা স্ত্রীলোককে কোমারে পিতা, ঘোবনে পতি ও বান্ধকো পুত্রের রক্ষা করিবে। সে দিন প্রভাত-নলিনী সে ব্যবস্থায় কেবল অব্যবস্থা দেখিয়াছিল—“কেন, এ পোড়া জাতির কি রক্ষা করিবার কেহ না থাকিলে চলে না ; স্ত্রীলোক কি আত্মরক্ষাও করিতে পারে না ?” আজ সে দেখিল, তাই ত বটে। অভ্যাসে সংস্কার মিলিত হইয়া স্ত্রীলোককে এমনই দুর্বল—এমনই অসহায় করিয়াছে বটে ! তাহারা গৃহমধ্যেই থাকে—গৃহের বাহিরের কোনও সংবাদই রাখে না। কাজেই বাহিরে আসিলেই অনভ্যস্ত অবস্থায় একেবারে অসহায় হইয়া পড়ে।

কিন্তু এখন উপায় কি—কর্তব্য কি ? সে কাহার কাছে প্রশ্ন করিবে ? চৌধুরী-বাড়ী ত্যাগ করিয়া আসিবার পর হইতে সে সুপরিচয় দিবার লোক পাইয়াছে কি ? সে যে পিতার নয়নানন্দ ছিল, সে পিতা তাহার সন্ধানও লয়েন নাই। আর যত লোক আসিয়াছে—কেবল তাহাকে প্রলোভনের ফাঁদে ফেলিবার উদ্দেশ্যে। সে নিয়মের ব্যতিক্রম হইয়াছে দুই জনে—অমর বাবুতে আর সরলকৃষ্ণে। প্রতিশোধ লইবার উত্তেজনা যখন তাহাকে “পাইয়া বসিয়াছিল”, তখন সেই উত্তেজনাবশে সে-ই অমর বাবুকে সংবাদ দিয়া আনাইয়াছিল। তখন তিনি তাহার

## তোমা-বালি

কট সম্পূর্ণ অপরিচিত। কিন্তু সেই প্রবীণ লোকটিকে দেখিয়াই তাহার বিশ্বাস করিতে প্রবৃত্তি হইয়াছিল, এবং তাহার ব্যবহারে সে বিশ্বাস বিচলিত না হইয়া বিবর্তিত হইয়াছিল। তিনি তাহার যবস্থা কতটা জানিতে পারিয়াছেন, তাহা সে জানে না; তিনি তাহার পক্ষের কথা কখনই শুনে নাই; তবুও তিনি তাহাকে সহৃদয় দেখিয়াছেন। তিনি যখন ব্যবসার খাতিরে তাহাকে দ্বিতীয়বার রঙ্গালয়ে অভিনয় করিবার জন্ত অনুরোধ করিতে আসিয়াছিলেন, তখনও সে সে প্রস্তাবে অস্বীকার করিলে তিনি বলিয়া গিয়াছিলেন, “তোমার উত্তর শুনে আমি পরম পরিতোষ লাভ করলাম। তুমি অভিনয় করলে আমার ব্যবসার হিসাবে লাভ হ’ত বটে, কিন্তু আমি তা চাই না। তুমি যেখানে এসে দাঁড়িয়েছ, সেখানে আত্মগোপন ব্যতীত তোমার আত্মরক্ষার কোনও উপায় নেই।”

তবে কি সে অমর বাবুকেই ডাকিয়া পাঠাইবে? কোন্ অধিকারে? তিনি দয়া করিয়া উপদেশ দিবেন বলিয়া? যে দয়ায় তাহার অধিকার নাই, সে দয়া সে লইবে কেন—লইবার বা পাঠাইবার আশাই বা করিবে কেন?

সাধারণ নিয়মের ব্যতিক্রম হইয়াছে, আর এক জন—সে সরলকৃষ্ণ। অমর বাবু যাহাই কেন বলিয়া থাকুন না, সে কিছুতেই বিশ্বাস করিতে পারে না, সরলকৃষ্ণ কেবল অর্থের জন্ত তাহাকে পড়াইবার কাজ লইয়াছে। তবে সে কেন সে কাজ লইয়াছে? কাজ তাহার ভাল লাগে বলিয়া? তাহা হইলে সে ত অন্য স্থানে এ কাজ করিতে পারিত—পূর্বে করিয়াছেও বটে।

## ডোলা-বালি

ডবে? এ “তবে”র কোন সঙ্গত উত্তর প্রভাত-নলিনী দিতে পারিল না। তবে কি সে তাহারই পরামর্শ লইবে? সে ত ব্যাপারটা জানিতেই পারিয়াছে—সেই ত পত্রখানা অনুবাদ করিয়া দিয়া গিয়াছে। প্রভাত-নলিনী অনুবাদের কাগজখানা আবার তুলিয়া লইয়া পড়িল। সেই কথা আবার চক্ষুতে পড়িল—“কুল-ত্যাগ করায়”—ইত্যাদি।

সে কি সরলকৃষ্ণের পরামর্শ লইবে? কিন্তু লোকটির ব্যবহারে এমন একটা বিচ্ছিন্ন ভাব আছে—লোকটিকে এমন অতিমাত্রায় আত্মস্থ বলিয়া মনে হয় যে, তাঁহার সঙ্গে পড়ার কথা ছাড়া আর কোনও কথা কহিতেই কেমন সঙ্কোচ বোধ হয়। পত্রে কি আছে, তাহা যদি সে বুঝিতে পারিত, তাহা হইলে তাঁহাকে তর্জমা করিয়া দিতেও অনুরোধ করিতে পারিত কি না সন্দেহ। বরং অমর বাবুর সঙ্গে পরামর্শ করা যায়, তবুও সরলকৃষ্ণের সঙ্গে পরামর্শ করিতে কেমন ঘেন সঙ্কোচ উপস্থিত হয়।

তবে সে কি করিবে? প্রভাত-নলিনী যতই ভাবিতে লাগিল, কিছুই করিতে পারিল না। এমনই ভাবে দিন কাটিয়া গেল—রাত্রি আসিল। অল্প দিন সন্ধ্যার বাতি জ্বালা হইলেই সে পড়িতে বসে; আজ পুস্তক হাতেও করিল না; বসিয়া বসিয়া ভাবিতে লাগিল। তাহার পর শয্যা শয়ন করিয়াও কেবলই ভাবিতে লাগিল। যে দিন সে চৌধুরী-বাড়ী ত্যাগ করিয়া অসহায় ও নিরাশ্রয় হইয়াছিল, সে দিনও সে এমন অস্থিরতা ভোগ করে নাই। সে দিন উর্ভেজনার পর অবসাদে সে ঘুমাইয়া পড়িয়াছিল—রাত্রিতে.

## ভোলা-নালি

অনিদ্রার যন্ত্রণা ভোগ করে নাই। তাহার পরও কোন দিন এমন হয় নাই। রাত্রির শেষভাগে শ্রান্তির আধিক্যে সে যেন কেমন অবসর বোধ করিতে লাগিল—কিন্তু তাহার নয়নপল্লব নিদ্রায় মুদিত হইল না। প্রভাতের আলো ফুটিয়া উঠিতে না উঠিতে সে শয্যা ত্যাগ করিল। তখন তাহার মস্তকে যন্ত্রণা অনুভূত হইতেছে—যেন সূচ বিদ্ধ হইতেছে। সে একটু সুস্থ হইবার আশায় তখন ঘাইয়া স্নান করিল—একটু সুস্থ হইল।

তাহার পরেই আবার ভাবনা আরম্ভ হইল। কিন্তু ভাবিয়া ভাবিয়া—ভাবিয়া ভাবিয়া সে কিছুতেই কর্তব্য স্থির করিতে পারিল না।

পরদিন সরলকৃষ্ণ যথাকালেই প্রভাত-নলিনীর গৃহে উপস্থিত হইল। প্রভাত-নলিনী বলিল, “কাল আপনি নূতন পড়া বলে দিলে যেতে পারেন নি; আমিও তৈরী করতে পারি নি। বে হাদ্জামা!”

সরলকৃষ্ণ জিজ্ঞাসা করিল, “তবে আজ কি প্রণয়ন খানিকটা পড়িয়ে নূতন পড়া বলে দিয়ে যাব?”

“তাই ভাল।”

সরল বহি লইবার সময় লক্ষ্য করিল, উকীল-বাড়ীর পত্র তাহার তর্জমা টেবলের উপরই রহিয়াছে। সে জিজ্ঞাসা করিল, “এ পত্র কি দেখা হয় নি?”

প্রভাত-নলিনী কথাটা পাড়িবার সুযোগ পাইল; জিজ্ঞাসা করিল, “আমাকে কি করতে হ’বে?”

## জোন্না-বালি

কেন বলিতে পারি না, বোধ হয়, অকারণ কৌতূহলবশে বাড়ীতে ফিরিয়াই পূর্বদিন সরল আইনের কেতাব খুলিয়া বসিয়াছিল—প্রভাত-নলিনীর পতির ত্যক্ত সম্পত্তিতে তাহার কোনও অধিকার আছে কি না, তাহার আলোচনা করিয়াছিল। সে সম্বন্ধে নানা কথা আইনে আছে। অধিকার অনধিকার প্রমাণের উপরই নির্ভর করিবার কথা। অবশ্যই যাহারা সম্পত্তি পাইবার জন্য দরখাস্ত করিয়াছে, তাহারা প্রভাত-নলিনীর বিরুদ্ধে নানা প্রমাণ দাখিল করিবার চেষ্টা করিবে। আইনে কখনও অত্যাচার হয় না; কিন্তু প্রমাণ যে কত সময় সত্যকে মিথ্যা ও মিথ্যাকে সত্য করে, তাহা সরলের অবিদিত ছিল না। তাই আপনি আইনের কেতাব পাঠ করিয়া সে কোনও মীমাংসা করিতে না পারিয়া পরদিন সকালে তাহার কোন উকীল বন্ধুর সঙ্গে সে কথার আলোচনাও করিয়াছিল। সে বলিল, “কিছু করা না করা—ইচ্ছার উপর নির্ভর করে।”

“কেন?”

“বাড়ী কিছু করতে ইচ্ছা না থাকে, তবে কিছু না করিলেই হয়।”

“হয়?—তা’তে কোনও ক্ষতি হয় না; কোনও বিপদ নাই?”

“না।”

প্রভাত-নলিনী যেন হাঁফ ছাড়িয়া বাঁচিল। তাহার নয়নের শঙ্কাপূর্ণ দৃষ্টি দূর হইয়া তাহাতে কৃতজ্ঞতার ভাব পরিস্ফুট হইল। সেই দৃষ্টিতে সে সরলের দিকে চাহিয়া বলিল, “বাঁচলাম।”

## চোরা-বালি

সরল জিজ্ঞাসা করিল, “সম্পত্তির জন্তে তোমার কোন লোভ নেই ত ?”

“না আমার যা’ আছে, তা’তেই আমার চলে যা’বে। আমি আর টাকা চাইনে।”

“তা’ হ’লে কিছু না করাই ভাল। কেন না—” একটু ইতস্ততঃ করিয়া সে বলিল, “কেন না—কিছু করিলে, নানা অপ্রিয় কথার আলোচনা হ’বে। তা না হওয়াই ভাল।”

প্রভাত-নলিনীর সেই কথা মনে পড়িল। পত্রে আছে—সে কুলতাপ করায় স্বামীর ত্যক্ত সম্পত্তির উত্তরাধিকারী হইতে পারে না। তাহার হৃদয় কাণায় কাণায় পূর্ণ হইয়া ছিল ; সরলের এই কথায় কূল ছাপাইয়া গেল। সে আর আপনাকে সংবত রাখিতে পারিল না ; বলিল—“কিন্তু আমার দোষ কি ?”

সরল বলিল, “মানুষ মানুষের দোষটাই দেখে—তাহার পক্ষের কথা শুনতেই চায় না।”

“তাই কি ?”

“হঁ।”

“আমি কোন অপরাধ করি নি—করি নি।” একটু অতিশ্রদ্ধায় চাঞ্চল্য প্রকাশ করিয়া এই কথা বলিয়া প্রভাত-নলিনী বলিল, “আমার কথা যে কেউ শুনে নি। তা’রা কি আমাকে অপরাধীই ভাবে ? আমার বাবাও একবার আমার খোঁজ নিলেন না—এখনই আমার অপরাধ !”

তাহার কণ্ঠস্বর বেদনায় কম্পিত হইয়া উঠিল। তাহার প্রত্যেক



## ডোনা-নালি

কথার আন্তরিকতা সরলকৃষ্ণ অনুভব করিল। সে সহানুভূতি, ব্যঞ্জক স্বরে বলিল, “মানুষ সমাজের ব্যবস্থায় ও সংস্কারের কঠোরতায় শেষে বিচারবুদ্ধিও পদদলিত করে; স্নেহমমতাও বিসর্জন দেয়।”

প্রভাত-নলিনী যেন অনিচ্ছাতেও বলিয়া ফেলিল, “কেউ যদি আমার সব কথা শুনে আমাকে অপরাধী মনে করেন—আমার অপরাধ বুঝিয়ে দেন, তবে হয় ত আমি ঠিক বুঝতে পারি। আপনি শুনতে পারবেন কি?”

কৌতূহল ও করুণা সম্মিলিত হইয়া সরলকৃষ্ণকে বলাইল, “নিশ্চয়ই পারব।”

তখন প্রভাত-নলিনী তাহার কথা আগ্রস্ত সব বলিয়া গেল। সরল যত শুনিতে লাগিল, ততই বিস্মিত হইতে লাগিল। বিপুল ইংরাজী সাহিত্যে সে অনেক বালিকার ও কিশোরীর পরিচয় পাইয়াছে—তাহারা আপনাকে রক্ষা করাই মানুষের প্রথম ও প্রধান কর্তব্য মনে করিয়া কাজ করিয়াছে, প্রলোভন ও অনাচার উভয় হইতেই ~~স্বার্থ~~ স্বার্থরক্ষা করিয়াছে, বাইবেলের উপদেশ শ্রবণ করিয়া কাজ করিয়াছে—মানুষ যদি আপনার আত্মা নষ্ট করিয়া জগৎলাভ করে, তাহাতেও তাহার প্রকৃত লাভ নাই। সে কবিতার রাজ্যে বিচরণ করিয়াছে—সংসারের বাস্তব বাতাসে তাহার কল্পনা স্নান হয় নাই; তাই সে সেই সব নারীর প্রশংসাই করিয়াছে। আজ প্রভাত-নলিনীর কথা শুনিতে শুনিতে তাহার মনে হইতে লাগিল, সে যেন আজ কোন ইংরাজী নাটকের বা উপন্যাসের নায়িকার

## ডোন্না-নালি

স্কান পাইল, প্রভাত-নলিনী যেন ইংরাজী সাহিত্যের নন্দনকানন হইতে ভারতবর্ষে বাঙ্গালীর ঘরে আসিয়াছে, কোন ইংরাজী নাটকের পৃষ্ঠা হইতে কবির কল্পনা মূর্তি পরিগ্রহ করিয়া আসিয়াছে ।

প্রভাত-নলিনীর কথা যখন শেষ হইয়া গেল, তখন সরল হৃদয়ে পরম আনন্দ অনুভব করিল । কোনও পাপ যে সেই নবোদ্ভিন্ন-যৌবনাকে স্পর্শ করিতে পারে নাই—সে যে এত ঘটনাবিপর্ধ্যয়ের মধ্যেও প্রভাতের নলিনীরই মত শুদ্ধ আছে, তাহাতে সরলের আনন্দ কেন ? আনন্দের কি কোনও কারণ নাই—কোনও কারণ থাকিতে পারে না ? প্রভাতের রবিকরে যখন পদ্মের দল ফুটিয়া উঠে—কমল-কলি যেন নিদ্রাভঞ্জে চক্ষু গেলিতে থাকে ; সন্ধ্যার বাতাসে যখন বেলা প্রফুল্লিত হয়—সান্ধ্য-সমীরণে আপনার সৌরভ বিলাইয়া দেয় ; শরতের পূর্ণিমায় যখন আকাশের চাঁদ কিরণের পিচকারী দিয়া পৃথিবীর উপর জ্যোৎস্নার জল ছড়াইয়া দেয়—তখন মানুষের মনে আনন্দের সঞ্চার হয় কেন ? তেমনই আবার পদ্মফুল যদি ফুটিবার পূর্বেই কীটদষ্ট হয়—বেলা যদি ফুটিয়া উঠিবার পূর্বেই বালক-নখর-বিচ্ছিন্ন হইয়া ধূলিতে লুটায়—পূর্ণিমার শশধর যদি মেঘে আচ্ছন্ন হয়, তবে মানুষের মনে দুঃখ হয় কেন ? এ “কেন”র উত্তর কে দিতে পারে ? মানুষ সৌন্দর্য্যের—রূপের পবিত্রতার উপাসক । সে ভাব মানুষের পক্ষে স্বাভাবিক, তাহা কেহ তাহাকে শিখায় না—শিখাইতে হয় না । তাই আজ প্রভাত-নলিনীকে কোনও পাপ স্পর্শ করিতে পারে নাই জানিয়া সরল আনন্দিত হইল । সঙ্গে সঙ্গে তাহার চিত্তের দৃঢ়তায়, কর্তব্যনির্ধারণ-নৈপুণ্যে ও

## তোলা-বাঁলি

সঙ্কলের ওঁচিতে তাহার হৃদয় প্রশংসায় পূর্ণ হইল। আর এই যে একটি কিশোরী—আপনাকে রক্ষা করিবার জন্ত সংসারের গ্লানি নিন্দা তুচ্ছ করিয়া—সংসারের নিগড় মানসিক বলে বিচ্ছিন্ন করিয়া আসিয়াছে, ইহার জন্ত তাহার হৃদয়ে করুণার উৎস উৎসারিত হইল। তাহার মত যুবকের হৃদয়ে স্তন্যরী কিশোরীর প্রতি করুণার উৎস উৎসারিত হইলে, সে প্রবাহ কোথায় লইতে পারে, তাহা কে বলিতে পারে? কিন্তু সে কথা কে ভাবিয়া দেখিতে পারে?

প্রভাত-নলিনী যখন তাহার কথা শেষ করিল, তখন তাহার দুই চক্ষু হইতে গগু বহিয়া অশ্রু ঝরিতেছে। সে মুখ তুলিয়া দেখিল, সরলের দুই চক্ষু হইতেও দুই বিন্দু অশ্রু ঝরিয়া পড়িল। যে কথা বলিতে সে কাঁদিয়াছে, সে কথা শুনিতে সরল কাঁদিয়াছে। সে যদি তাহা না দেখিত, তবে সে লজ্জায় কি মনে করিত বলিতে পারি না। কারণ, সে কথা শেষ করিয়াই সে মনে করিল—এ কি করিলাম, এ সব কথা কেন বলিলাম, কাহাকে বলিলাম? আপনাকে ~~আপনি~~ সামলাইতে পারিলাম না? এ কি দৌর্বল্য! কিন্তু সে যখন দেখিল, সরলের নয়নেও অশ্রু, তখন তাহার সে লজ্জার দংশন হইতে সে অব্যাহতি লাভ করিল।

তাহার পর সরল যখন বলিল, “তোনার কোনও দোষ নেই।” তখন প্রভাত-নলিনী যেন অনুভব করিল, তাহার বুকের উপর হইতে বোঝা নামিয়া গেল—সে দুই দিনের পর প্রথম একটু শান্তি পাইল। যে এক জনকে সে তাহার সব কথা বলিতে পারিয়াছে, তিনি মনে করিয়াছেন, সে অপরাধী নহে।

## চোলা-বালি

তাহার পরই প্রভাত-নলিনী চক্ষু মুছিয়া ফেলিল—পুস্তকখানি লইয়া বলিল, “তবে কাল কোন পড়াটা পড়াবেন?”

সরলও পড়াইতে আরম্ভ করিল।

দুই জনেই আবার পূর্বের ভাব অবলম্বন করিল। কিন্তু যাহা হইয়া গেল, তাহাতে উভয়ের মধ্যে কৃত্রিম ব্যবধানের প্রাচীর ভাঙ্গিয়া গেল—তাহা আর গঠিত হইল না। সেই ভাঙ্গা প্রাচীরের গথে উভয়ের মধ্যে ঘনিষ্ঠতার উপায় হইয়া গেল।

---

## চতুর্থ পরিচ্ছেদ ।

সংসারে অসহায়া কিশোরীর যে কত বিষয়ে পরামর্শের প্রয়োজন হয়, তাহা সাধারণ লোক কল্পনাও করিতে পারে না । এতদিন প্রভাত-নলিনী সে সব বিষয়ে কাহারও সহিত পরামর্শ করিবার উপায় করিতে পারে নাই । এখন ঘটনার স্রোত সে উপায় করিয়া দিল । কাজেই ইচ্ছায় হউক, অনিচ্ছায় হউক, সে নানা বিষয়ে সরলের পরামর্শ লইত । প্রথম প্রথম প্রভাত-নলিনীর মনে হইত, সে সরলের স্বাভাবিক সদাশয়তার সুযোগ লইয়া তাহার দ্বার অপব্যবহার করিতেছে । কিন্তু সরলের ব্যবহারে তাহার সে সন্দেহ কয় দিনেই কাটিয়া গেল—তাহার পর সে নিঃসন্দেহেই সর্ববিষয়ে সরলের পরামর্শ লইতে লাগিল । ক্রমে ক্রমে এমন দাঁড়াইল যে, যে সব বিষয়ে কাহারও পরামর্শ না লইলেও চলে, সে সব বিষয়েও সে সরলের পরামর্শ লইতে লাগিল । সরলের কাছে তাহার কোনও কথাই অজ্ঞাত রহিল না ।

সরলও প্রভাত-নলিনীর ব্যবহারে আকৃষ্ট হইতে লাগিল । যে হ্রদের জল স্বচ্ছ, তাহার যেমন তল পর্য্যন্ত দেখিতে পাওয়া যায়, তেমনই তাহার হৃদয়ের তলদেশ পর্য্যন্ত সে দেখিতে পাইত—তাহাতে কোথাও আবর্জনার লেশমাত্র দেখিতে পাইত না ।

## ভোলা-বালা

এ দিকে প্রভাত-নলিনী পাঠে এত দ্রুত উন্নতি লাভ করিতে লাগিল যে, তৃতীয় মাসের শেষভাগেই সরল তাহাকে ইংরাজী কাব্যের আশ্বাদ দিবার উপযুক্ত মনে করিল। সে ইংরাজী কাব্যের সঙ্গে সঙ্গে তাহাকে বাঙ্গালা কাব্যও পড়াইতে লাগিল—একের আলোচনায় অপরের রসাস্বাদনের সুবিধা হয়।

এই কাব্য সাহিত্যের মধ্যে মানুষ নানা রসের আশ্বাদ লাভ করে; সে সব রস পরিস্ফুট করিয়া তুলাই কবির কার্য্য। যে কবি সে কাজে যত অধিক সাফল্য লাভ করেন, তিনি কবি হিসাবে তত বড়। কাব্যসাহিত্যের আলোচনায় প্রভাত-নলিনী যেন নূতন জগতের সন্ধান পাইল। যে সব ভাব সে হৃদয়ে অনুভব করিয়াছে, সে সব যেন মূর্ত্তি পরিগ্রহ করিয়া উপস্থিত হইতে লাগিল। যে সব চিন্তা মনের বাগানে প্রজাপতির নত কখন কখন উড়িয়া বেড়ায়, সে সব ধরা দিতে লাগিল। মানুষের মনের জগৎ বুঝি এই বিশাল বহির্জগতের অপেক্ষাও বড়—তাহার বর্ণবৈচিত্র্য, তাহার আবেগ, তাহার স্বরূপ সে নির্ণয় করিতে পারে?

এই কাব্যজগতে আসিয়া সরল ও প্রভাত-নলিনী পরস্পরের আরও নিকটবর্ত্তী হইল। সে জগতে পরস্পরের মধ্যে কোন সংস্কারের ব্যবধান ছিল না। সে জগতই নন্দনকানন। সেখানে নির্ঝরোদগত জলরাশির কলনাদ, পবনে বিকাশিত শত কুসুমের সৌরভ, কুসুমে কুসুমের অধুপানরত নধুপের মৃদু গুঞ্জন, কুঞ্জে কুঞ্জে পাখীর গান, ঘেঁষহীন গগনে চন্দ্রের জ্যোৎস্না। সে জগৎ কল্পনার বর্ণরঞ্জনে সুন্দর—ভাবের পবনহিল্লোলে আন্দোলিত।

## জোন্না-বাগি

সেই সাহিত্য-জগতে সে কত ভাবেরই আশ্বাদ পাইত—স্নেহ, ভালবাসা, ভক্তি, প্রেম, এ সব যেন তাহার পক্ষে স্বপ্ন হইয়া আসিয়াছিল ! সে যেন মানুষের অবশ্যপ্রাপ্য সে সব হইতে বঞ্চিত হইয়া, এক স্বতন্ত্র জগতে অভিশপ্ত জীবন যাপন করিতেছিল । কিন্তু কেন—কোন্ দোষে—কি অপরাধে ? সে তাহাই ভাবিত, এবং ভাবিয়া কোন উত্তর পাইত না । কেবল সরল তাহাকে বলিয়াছিল, সে মানুষ—এ সকলের জন্ত তাহার আকাঙ্ক্ষা যেমন স্বাভাবিক, এ সকলে তাহার অধিকারও তেমনই নিশ্চিত । কিন্তু কই ? সে মনে করিত, তাহার প্রতি দয়াপরবশ হইয়া সরল তাহাকে সে কথা বলিয়াছে । কারণ, বাহার পিতামাতাও তাহার সন্ধান লয়েন না—কথা অকূলে ভাসিয়াছে, তাহার সহায় নাই—আশ্রয় নাই জানিয়াও নিশ্চিত হইয়া আছেন—তাহার আবার অধিকার ? তাই সরলের কথাও তাহার অবিশ্বাস হইত । কিন্তু এখন সে অবিশ্বাসের কারণ অন্তর্হিত হইতে লাগিল । মানুষেরও মনের যে জগৎ, তাহার সহিত বাহিরের জগতের সম্বন্ধ নাই । মানুষ তাহার হৃদয়েই নন্দনে নরক রচনা করিতে পারে, আবার নরককেও নন্দনে পরিণত করিতে পারে । সত্যি কত আশা—কত আকাঙ্ক্ষা—কত তৃষ্ণা তাহার হৃদয়ে অনুভূত হইত । সে এতদিন মনে করিত, তাহার জীবনে সে সব পূর্ণ হইতে পারে না—সে সে সব আশাপূরণের সুখে অধিকার ত্যাগ করিয়া আসিয়াছে । কোথায় ? চৌধুরী-বাড়ীর ফটকে ?

যে গৃহে সে, কেবল নরক যাতনা ভোগ করিয়াছে—পাপের

## জোনা-বালি

স্বাস্থ্যে বাস করিরাছে—প্রেমহীন দাসত্বের জীবন-বাণন করিয়াছে—  
—কেবল ভোগার্থমাত্র বিবেচিত হইয়াছে, সেই গৃহে বাসই কি  
তাহার কর্তব্য ছিল? কেন? চৌধুরী-বাড়ীর কৰ্ত্তা তাহাকে  
পুত্রবধু করিয়াছিলেন বলিয়া? সে এ কথার স্মৃতিমাংসা করিয়া  
উঠিতে পারিত না। এই সময় একদিন হেমচন্দ্রের কবিতা-সংগ্রহ  
তাহার হাতে পড়িল। সে তাহার মধ্যে একটি কবিতায় পড়িল—

“হাতে স্ততো বেঁধে কভু প্রেম বাঁধা যায়?

বন্ধন দেখিলে প্রেম তখনি পলায়।

স্বাধীন নকরকেতু স্বাধীন প্রণয়,

না বুঝে অবোধ লোক চাহে পরিণয়।”

তাই কি? তাহা হইলে পরিণয়-সংস্কার হইল কেন? তাহা  
হইলে পরিণয়হীন প্রেম অপবিত্র বলিয়া বিবেচিত হয় কেন?  
সংস্কার—কিন্তু সংস্কার আসিল কোথা হইতে? সে আপনার বাপের  
বাড়ীর কথা মনে করিল। তাহার পিতামাতার সুখসমুজ্জ্বল  
দাম্পত্যজীবনের কথা স্মরণ করিল। সে জীবনের সঙ্গে কবির  
কথার সামঞ্জস্য সাধিত হয় কিরূপে? আর পিসীমা—তিনি ত  
বালবিধবা। তাঁহার বিবাহিত জীবন সুখের ছিল, কি দুঃখের  
ছিল—তাহা সে জানে না। কিন্তু তিনি ত ধর্মকর্মের জীবন  
কাটাইতেছেন। তিনি কি পতিকের দেবতার আসনে বসাইয়াছেন?  
সেই দেবর্ত্তনার মধ্যে পতির অর্চনা স্থান পাইয়া—উভয়ে  
অভিন্ন হইয়াছে? এক বলিবে?

তাহার পর সে আবার পুস্তকখানি তুলিয়া লইল—



## ভোলা-বালি

“পরিণয়ে ধন হয়, নাম হয়, বশ ;

প্রণয় নহেক ধন বিভবের বশ ।”

পরিণয়ে ধন, নাম হয়—কিন্তু ধন ও নামই সে যশের একগাত্র সোপান নহে, তাহা সে বিশেষ করিয়া—আপনি ঠেকিয়া শিখিয়াছে । কিন্তু প্রণয়—সে কি ? সময় সময় সে হৃদয়ে যে অপরিমেয় শূণ্য অনুভব করে, এবং সেই শূণ্যতা যখন তাহাকে পীড়িত করে, তখন বাহাতে সেই বিরাট শূণ্য পূর্ণ করিবার আকাঙ্ক্ষা তাহার হৃদয়ে জাগিয়া উঠে—বাহার চাঞ্চল্যে তাহার হৃদয় চঞ্চল হয়—সেই অনির্দিষ্ট ও অনির্দেশ্য ভাব—সে কি প্রেমেরই আভাস ? কিন্তু সে কি তাহার প্রাপ্য—সে কি তাহাও সেই চোখুরী-বাড়ীর ফটক পার হইয়া আসিবার সময় রাজপথে ধুলির উপর ফেলিয়া আসিয়াছে ? কিন্তু কই, তাহা ত তাহার মনে হয় না ! তবে ?

প্রেমেই কি সুখ ?—

“ভূমণ্ডলপতি যদি চরণে আমার

ধরে দেয় ভূমণ্ডল, সিংহাসন তার,

তুচ্ছ করে দূরে ফেলি ; মনে যদি ধরে

ভিখারীর দাসী হয়ে থাকি তার ঘরে ।”

এ কি সুখের অবস্থা ! কি সে প্রেম, বাহার জন্ত সিংহাসন তুচ্ছ করিয়া মানুষ ভিখারীর দাসী হইতে চাঁচ ? মানুষ যে সিংহাসন ত্যাগ করিতে পারে, তাহা তাহার ধারণার অতীত নহে । কিন্তু ভিখারীর দাসী হইতে আগ্রহ ! সেও কি কখন কখন হৃদয়ে

## জোনা-বাধি

সেইরূপ আকাঙ্ক্ষা অনুভব করে নাই—সেই আকাঙ্ক্ষাও কি  
সদয় সদয় তাহাকে চঞ্চল করিয়া তুলে নাই ?

প্রেমিকের অবস্থাই কি স্মৃথের ?

“পরানে পরাণ বাঁধা প্রণয়ের ভরে,

পরিপূর্ণ পরিতোষ প্রেমীর অন্তরে ।

আশার থাকে না ক্ষোভ, ভাষার যোজনা ;

হৃদয়ে হৃদয়ে কথা প্রকাশে আপনা ।”

সে কি স্মৃথের অবস্থা ! সেই ত দিব্যোন্মাদ । কিন্তু এমন অবস্থা  
সে কি কখন অনুভব করিয়াছে—কখন অনুভব করিতে পারিবে ?  
সে তাহার হৃদয়ের দিকে দৃষ্টিপাত করিল । যেন কি দেখিতে  
পাইল—তাহা অপরিষ্কৃত, কিন্তু—

সেই সন্ধ্যা ভূত্যা আসিয়া সংবাদ দিল, সরল আসিয়াছে ।

সরল আসিয়া দেখিল, প্রভাত-নলিনী একথানা পুস্তক পাঠ  
করিতেছে । সে জিজ্ঞাসা করিল, “কি বই ?”

প্রভাত-নলিনী বলিল, “হেমচন্দ্রের গ্রন্থাবলী”

সরল পুস্তকখানি লইয়া দেখিল—প্রভাত-নলিনী ‘নন্দন-  
পারিজাত’ পড়িতেছিল । সে বলিল, “এই কবিতাটা ইংরাজী,  
একটি খণ্ডকবিতার ভাব নিয়ে লেখা ।”

“ইংরাজী আসল কি বাঙ্গালা কবিতাটার চাইতেও ভাল ?”

“বোধ হয় ।”

“আগাকে পড়বেন ?”

সরল ইতঃপূর্বেই প্রভাত-নলিনীর জন্ত ইংরাজী কবি গোপের

## সোনার-বাঁলি

গ্রন্থাবলী আনিয়াছিল ; কিন্তু এ কবিতা পড়াইবে কি না—পড়ান সঙ্গত কি না, স্থির করিয়া উঠিতে পারে নাই। আজ আর স্থির করিতে বিলম্ব হইল না। প্রভাত-নলিনী আপনি বাঙালী পড়িয়া ইংরাজীতে কবিতাটা পড়িতে চাহিয়াছে। সে বলিল, “পড়াব।” সে মনে করিল, হেমচন্দ্রের কবিতা পাঠ করিয়া কাব্যরসের আনন্দ-জগত্বেই প্রভাত-নলিনী ইংরাজী কবিতা পাঠ করিতে চাহিয়াছে। সে কবিতার কয়টি চরণে যে প্রভাত-নলিনীর হৃদয়ের ভাবতন্ত্রী বাজিয়া উঠিয়াছিল, তাহা সে কল্পনাও করিতে পারে নাই।

সরলকৃষ্ণ কবিতা পড়াইতে লাগিল। এ পুস্তক পড়াইবার কথা ছিল না—তাই সে আর একখানি পুস্তক আনে নাই—একই বই দুই জনকে দেখিতে হইল। কাজেই টেবলের দুই দিকে দুই জনের বসার অসুবিধা ঘটিল। সে সমস্যাটির কিরূপ সমাধান হইবে সরল যখন তাহা ভাবিয়া স্থির করিতে পারিতেছিল না, প্রভাত-নলিনী তখন অতি সহজে তাহার সমাধান করিয়া ফেলিল। যে চেয়ারে সরল বসিয়া ছিল, সে আসিয়া তাহার পাশের চেয়ারে বসিল। এমন নিঃসঙ্কোচে সে আসিয়া পাশের চেয়ারে বসিল যে, তাহাতে সঙ্কোচ অনুভব করায় সরল আপনাই লজ্জিত হইল। তবুও কিন্তু সে সঙ্কোচ বোধ না করিয়া পারিল না। এত কাছাকাছি! প্রভাত-নলিনীর কেশের সৌরভ তাহার নাসিকায় প্রবেশ করিতে লাগিল—তাহার নিঃশ্বাসও এক একবার তাহার গাত্র স্পর্শ করিল। সরলের আবার মনে হইল—এত কাছাকাছি! সঙ্কোচের হাত হইতে অব্যাহিত পাইবার জন্য সরল পড়াইতে

## চোন্না-নালি

আরম্ভ করিল। একটু অগ্রসর হইয়াই সরল পড়িল—“এখন এই আঁখি পারে কেবল পড়িতে আর কাঁদিতে।” প্রভাত-নলিনী ভাবিল, তাহারও ত সেই অবস্থা।—

“আছে আজ নয়নের সম্বল কেবল—

গ্রন্থ-অধ্যয়ন আর নয়নের জল।”

তাহার পর—যে স্থানটি পাঠ করিয়া সে প্রথম ভাবিতে আরম্ভ করিয়াছিল, সরল সেই স্থানটিতে আসিল—

“পবনের মত

স্বাধীন প্রণয়

নরের বন্ধন যবে দেখিবারে পায়,

লঘু পাখা তা’র

মেলিয়া অমনি

মুহূর্তের মাঝে কোথা পলাইয়া যায়।”

সহসা প্রভাত-নলিনী জিজ্ঞাসা করিল, “এই কি সত্য?”—সে এই প্রশ্নই কেবল মনে করিতেছিল। তাই এই প্রশ্ন যেন সে আর গোপন করিতে পারিল না।

সরল এ প্রশ্নের জন্ত প্রস্তুত ছিল না। তাই সে জিজ্ঞাসা করিল, “কেন?”

“যদি তাই হয়, তবে বিয়ে কেন?”

এ প্রশ্নের উত্তর দিতে অনেক কথার আলোচনা করিতে হয়। সরল একবার ভাবিল, সে কি করিবে? তাহার পর সে মনে করিল, প্রভাত-নলিনীর মনে যদি সংশয় উপস্থিত হইয়াই থাকে, তবে তাহা দূর করিয়া দিলেই হইবে। সে বুঝাইতে লাগিল, সংসারে মানুষ সামাজিক জীব—শুজলা ব্যতীত সমাজ রাখা যায় না। সেই

## চোলা-বলি

জগতই সমাজে শৃঙ্খলার সৃষ্টি—সমাজের সব লোক সম্মত হইয়া যে সব প্রথার সৃষ্টি করে, সেই সব কালক্রমে সংস্কারে পরিণতি লাভ করে। বিবাহ সেইরূপ সংস্কার, এবং এই সংস্কারের উপরই মানুষের গার্হস্থ্য জীবন প্রতিষ্ঠিত। সকল দেশেই—সকল সভ্য দেশেই বিবাহ প্রচলিত। সুতরাং সামাজিক জীবের পক্ষে তাহার প্রয়োজনও অস্বীকার করা যায় না।

প্রভাত-নলিনী আগ্রহসহকারে এ সব কথা শুনিла; শুনিয়া যেন একটু হতাশ হইল, তাহার পর সে জিজ্ঞাসা করিল, “তবে কি কবির এ কথা মিথ্যা?”

সরল বলিল, “তা নয়। পারিজাতের মনের তখন যে অবস্থা, তা’তে তার পক্ষে এমন কথা মনে করাই ত স্বাভাবিক। তা’ ছাড়া সে দেশে আমাদের দেশের মত মেয়েরা বাপনার ইচ্ছায় বিয়ে করতে বাধ্য নয়, তা’রা আপনারা ইচ্ছামত বিয়ে করতে পারে। তাই সে সব দেশে যে বা’কে ভালবাসে, সে তা’কে বিয়ে করতে পারে—বিয়ের আগে ভালবাসা হয়—বিয়ের পরে নয়।”

“পরেও কি ভালবাসা হয়?”

—“হবে না কেন? যে আকর্ষণ স্ত্রীলোককে ও পুরুষকে আকৃষ্ট করে—সে বিয়ের আগেও যেমন সম্ভব, পরেও তেমন সম্ভব। তবে যে দেশে ভালবাসার পর বিয়ে হয় সে দেশে, বিয়ের পর ভালবাসা না হ’লে সংসার যে নরক হয়, সে নরকের ইচ্ছাইতে পারে না।”

“সে দেশের ব্যবস্থাই ত তবে ভাল?”

## ভোলা-বালি

সরল তাহার কোনও উত্তর দিল না। সেও ভাবিতেছিল।  
এ বিষয় সে কখনও ভাল করিয়া ভাবিয়া দেখে নাই।

প্রভাত-নলিনীর প্রশ্নের তখনও শেষ হয় নাই। সে জিজ্ঞাসা করিল, “আর ঐ যে রাজার রাজত্ব ত্যাগ করে, তুচ্ছ করে—

—মনে যদি ধরে

ভিখারীর দাসী হয়ে থাকি তা’র ঘরে।

ও কি বথার্থ?”

সরল বলিল, “তা’তে কি আর সন্দেহ আছে? তা’র দৃষ্টান্ত ত আগরা আমাদের দেশে সর্বদাই দেখতে পাই। এই যে আমাদের দেশে দুঃখী পরিবারে মেয়েরা বৎসরে চারখানা কাপড় আর ছ’বেলা ছ’মুঠা ভাত পেয়ে হাসিমুখে স্বামীর সংসারে দাসীর খাটুণী খাটে, সেও ভালবাসার জন্তই; ভালবাসে বলেই তা’রা স্বামীকে আপনার ভাবতে পারে, স্বামীর সংসার আপনারই মনে করে।”

প্রভাত-নলিনীর মনের একটু প্রশ্নের উত্তর মিলিল না। সে বুঝিল, তাহার পিতামাতার সংসার যে সুখের সে ভালবাসার জন্তেই— উভয়ের প্রতি উভয়ের ভালবাসায় দুঃখের সংসার সুখের হইয়াছে। প্রেমের আলোকে দারিদ্র্যের অন্ধকার দূর হইয়াছে। কিন্তু পিসীমা? সে জিজ্ঞাসা করিল, “যাকে ভালবাসা যায়, সে কাছে না থাকলে, এমন কি মরে গেলেও কি তা’কে ভালবাসা যায়?”

সরল উত্তর দিল, “নিশ্চয়। ভালবাসা স্থানকালের ব্যবধানের বদ্ধ থাকে না।”

প্রভাত-নলিনী বুঝিল, তাহাই বটে।

## ডোন্না-বালি

আজ প্রভাত-নলিনী সংশয় ঘুচাইবে, স্থির করিয়াছিল, কত কথাই আজ তাহার মনে হইতেছিল? সে সব কথাই সহুস্তর পাইতেছিল। সে জিজ্ঞাসা করিল, “সকলের মনেই কি ভালবাসা হ’তে পারে?”

সরল বলিল, “পারে—নদী, হ্রদ, খাল, বিল সব জলেই ত সূর্য্যের কিরণ পড়ে—জল জলজ্জল করে।”

“তবে ভালবাসবার অধিকারও সকলের আছে?”

“আছে।”

“তা’তে কোনও অপরাধ হয় না।”

“ভালবাসলে অপরাধ হয় না, কিন্তু—

প্রভাত-নলিনী বিস্মিত ভাবে জিজ্ঞাসা করিল, “কিন্তু কি?”

“কিন্তু ভালবাসা যেমন মানুষকে আত্মদান করায়—তেমনই সর্ব্বস্ব দান করায়। মন দিলে অপরাধ হয় না, কিন্তু যেখানে—”  
কথাটা আরও স্পষ্ট করিয়া বলিতে সরল ইতস্ততঃ করিতে লাগিল।

প্রভাত-নলিনী বলিল, “বলুন—বলুন। আশাকে শুনতেই হবে।”

তাগর আগ্রহে ও উত্তেজনায় সরল বিস্মিত হইল। বুঝিল, সে যাহা বলিতে আরম্ভ করিয়াছে তাহাকে তাহা শেষ করিতেই হইবে। সে বলিল, “যেখানে মন ছাড়া আরও সর্ব্বস্ব দিতে হয়, সেখানে সমাজ তা’র আদেশের মাপকাঠি নিলে আসে, মাপতে বসে, ক্রটি পেলেই তা’র শাসনের বেতখানি ব্যাখ্যার করে।”

“তা’র শাসন ত নিন্দা, ঘৃণা?”

## জোনা-বালি

“তাই বটে। কিন্তু সংসারে যাঁরা ~~স্বার্থ~~, তাঁদের পক্ষে সেটা অবহেলা করা চলে কি?”

“যাঁরা সংসারে থাকে না, তাদের সে ভাবনা নেই।”

সরল চূপ করিয়া রহিল; ভাবিল, এঃসব কথার আলোচনা না করিলেই বোধ হয় ভাল হইত।

প্রভাত-নলিনী বলিল, “আমাকে আর একটা কথা বলুন, ভাল-বাসায় কি কোনও অপরাধ হয়?”

সরল বলিল, “শুধু ভালবাসায় হয় না, কিন্তু—”

“আচ্ছা শুধু মন দেওয়া কি সম্ভব নয়?”

“অসম্ভবও নয়। সেই ভালবাসাই স্বর্গীয় ভালবাসা। তাতে পৃথিবীর মলিনতা নেই।”

প্রভাত-নলিনী আর কিছু জিজ্ঞাসা করিবার প্রয়োজন দেখিল না।

সরল আরও কয় ছত্র পড়াইয়া সে দিনের মত পড়ান শেষ করিল। সে লক্ষ্য করিতেছিল, পড়ায় প্রভাত-নলিনীর মন বসিতেছিল না।

সরল চলিয়া গেলে প্রভাত-নলিনী ভাবিতে লাগিল। সরল যখন আসিয়াছিল, তখন সে আপনার হৃদয় পরীক্ষা করিয়া দৌঁধেঁ-ছিল—সে ভালবাসার অনুভূতি পাইয়াছে কি না? তখন তাহার মনে হইয়াছিল, সে যেন তাহার হৃদয়ে দূরে কোথায় একটু অনুভূতি পাইতেছিল। এখন সে দেখিল, তাহা দূরে নহে—নিকটে, অস্পষ্ট নহে—স্পষ্ট! এ কি? ভালবাসিবার অধিকার যখন সকলেরই আছে,



## ডোরা-নালি

তখন সে শঙ্কিত হইবে কেন? আর সেই যে অনুভূতি, সে যে শঙ্কার বিরোধী—সে যে সুখের—সে যে আনন্দের! সে ত জীবনে বসন্ত আনে—হৃদয়ের যৌবন আনে; তাহার স্পর্শে নীরস সরস হয়, শুষ্ক তরুণ পত্রপুষ্পে শোভাময় হয়। বিহগের কণ্ঠে সে নধুর কুজন ফুটাইয়া তুলে—অঙ্গে সে বিচিত্র বর্ণরাগ রঞ্জাইয়া তুলে।

প্রভাত-নলিনী চক্ষু মুদিত করিল। অনুভব করিতে লাগিল, যে ভাব এতদিন গোপন ছিল, তাহা এখন হৃদয়ে ব্যপ্ত হইয়া পড়িতে লাগিল। নিদাঘনিশীথে গিরিশিখে বিগলিততুম্বারপুষ্ট নদীর প্রবাহ যেমন বালুকাস্তত তীর প্রাবিত করিয়া বিস্তৃত হয়, এও যেন তেমনই। আজ সেই অনুভূতি কবির কথায় ও সরলের ব্যাখ্যায় প্রবল হইয়াছে—তাহার হৃদয় প্রাবিত করিয়া তুলিল। সে ভাবের প্রাবনে হৃদয় যেন স্নিগ্ধ হইল।

তখনও ভবিষ্যতের চার্বনা তাহার হৃদয়ে স্থান পায় নাই—অতীতের যাতনাদঙ্ক হৃদয়ে কেবল বর্তমানের এই স্নিগ্ধ অনুভূতি। সে কত সুখের! সে ত সে সুখের আশাও করিতে পারে নাই! এ যেন নিদাঘের তাপতপ্ত ভূমিতে—দাবানলদঙ্ক কাননে মেঘের বারিবর্ষণ; এ যেন অভিশপ্ত জীবনে দেবতার আশীর্বাদ। সে বুক পাতিয়া তাহা গ্রহণ করিবে—গ্রহণ করিয়া ধৃত হইবে।

কিন্তু কাহার স্নেহকমণ্ডলু হইতে এই শ্রোতের উদ্ভব, তাহা সে তখনও ভাবিয়া দেখিতে পায় নাই—বুঝি দেখিতে চাহে নাই। যে মনে করিয়াছিল, জীবনে দুঃখই তাহার সম্বল, সে যদি সুখ পায়, তবে

## ভোলা-বালি

সে তাহার কারণ সন্ধান না করিয়াই কেবল সেই স্থখে আপনাকে  
ধত্তা মনে করে। যে মনে করিয়াছিল, তাহাকে সমস্ত জীবন সঙ্গীহীন  
ও সহায়হীন হইয়া অগ্নিশ্বাসী তপ্ত মরুভূমি পার হইতে হইবে,  
সে যেন সহসা মলয়ান্দোলিতকলতা — নিৰ্ব্যরোদগতবারিমিথ  
নন্দন-কাননে উপনীত হইল।

---

## পঞ্চম পরিচ্ছেদ ।

সে দিন পড়াইয়া ফিরিবার সময় সরল ভাবিতে ভাবিতে গেল, প্রভাত-নলিনী তাহাকে এ সব প্রশ্ন জিজ্ঞাসা করিল কেন ? সে সকলের সঙ্গে ত কবিতার সম্বন্ধ নাই—সে সব মানুষের হৃদয়ের কথা । সে যখন প্রভাত-নলিনীকে পড়াইতে স্বীকৃত হইয়াছিল, কখনই অমর বাবু তাহাকে সাবধান করিয়া দিয়াছিলেন—চোরা-বালিতে একবার পা পাড়িলে আর রক্ষা থাকে না । সে কি সতর্কতা পরিহার করিয়াছে—অসাবধান হইয়াছে ?

চোরা-বালি ! সে প্রভাত-নলিনীর জীবনের ইতিহাস শুনিয়াছে । সে বাহা বলিয়াছে তাহার এক বর্ণও যে মিথ্যা বা অতিরঞ্জিত নহে, সে বিষয়ে তাহার বিন্দুমাত্র সন্দেহ নাই । তাহার পরও কি সে তাহাকে চোরা-বালি মনে করিতে পারে ? তাহার মনের মধ্য হইতে উত্তর শুনা গেল—না, কখনই না । তবুও তাহার পক্ষে সাবধান হওয়াই ভাল । আত্মশক্তিতে প্রত্যয় ভাল ; সে বরাবরই আত্মশক্তিতে প্রত্যয়ের পক্ষপাতী । কিন্তু অতি-প্রত্যয় মানুষকে অসাবধান করিলে, তাহার বিপদ ঘটতে পারে । এ কথা সে এত দিন কখন মনে করে নাই—মনে করিতে পারিলে, কখনই প্রভাত-নলিনীকে পড়াইবার কাজ লইতে পারিত না । আর

## ভোলা-নালি

কেহ যে সাহস করিবে না—তাহা সে জানিত; সুহৃদের কথায়ও সে তাহাই বুঝিয়াছিল। সে দিন দৃঢ়ভাবে আপনার শক্তিতে প্রত্যয় করিয়া সে কাজ লইয়াছিল। এতদিন পরে আজ কেন যে তাহার মতে এটুকু পরিবর্তন হইল, তাহা সে বুঝিতে পারিল না। সে বুঝিতে পারিল না, অপ্রত্যাশিত ঘটনায় তাহার হৃদয়ের সে দৃঢ়তা কোমল হইয়াছে—যে পটে রেখাপাত হয় নাই, তাহাতে যেন বর্ণপাতের আভাস পাওয়া বাইতেছিল। সে যেন নিশাশেষের ধূসর গগনে প্রথম দিবালোক বিকাশের সূচনা—ধূসর কেবল গাঢ় হইতে ফিকা হইয়া আসিয়াছে, আর তাহারই পশ্চাতে—দূরে অতি কোমল—অদৃশ্যপ্রায় রক্তাভা ধূসরে অঙ্গ মিশাইয়া দিতেছে। করুণা স্নেহে এবং স্নেহ প্রেমে পরিণতি লাভ করে। সে পরিণতি এমন ধীরে ধীরে—এমন স্বাভাবিক নিয়মে হইয়া যায়, যে মানুষ তাহা বুঝিতেই পারে না।

তাহার পর কয় দিন সরল ঐ কবিতাটিই প্রভাত-নলিনীকে পড়াইল। দ্বিতীয় দিনই সে আর একখানি পুস্তক আনিয়াছিল; সুতরাং উভয়ের পক্ষে আর পাশাপাশি বসিবার কোনও প্রয়োজন ছিল না। কিন্তু প্রভাত-নলিনী তাহার পূর্বদিনের অধিকৃত আসনেই আসিয়া বসিয়াছিল। সরল কেনন করিয়া তাহাকে বারণ করিবে—কি বলিয়া বারণ করিবে? এক একবার সরল লক্ষ্য করিত, প্রভাত-নলিনী পুস্তক ছাড়িয়া তাহার দিকে চাহিয়া আছে—তাহার, নয়নে দীপ্তি। সে মুখ তুলিলেই প্রভাত-নলিনীর দৃষ্টি

## ভোতা-নলি

নত হইয়া পড়িত, এবং তাহার মুখের উপর বেন রক্তাভা ছড়াইয়া পড়িয়া বিশাইয়া যাইত।

কয় দিনে কবিতাটি শেষ হইল। সে দিন প্রভাত-নলিনী সরলকে জিজ্ঞাসা করিল, “ভগবানের আরাধনা কি প্রেম হ’তেও পবিত্র?”

সে বোধ হয় মনে করিত, সরল সর্বশাস্ত্রে সুপণ্ডিত—সে সব কথাই সহজের দিতে পারে। নহিলে কি সে এমন প্রশ্ন জিজ্ঞাসা করিতে পারিত? যে প্রশ্নের উত্তর দর্শনের অনুশীলনকারীরা—তত্ত্বদর্শীরাও দিতে পারেন না, প্রভাত-নলিনী আজ সরলকে সেই প্রশ্ন করিল।

সরল বলিল, “বাঁহারা ধর্ম্মালোচনা করেছেন, তাঁরাই তোমার এ প্রশ্নের সহজের দিতে পারেন।”

“এ কথা কি এত জটিল?”

“তাই বটে। তবে শুনেছি, মানুষ তার সীমাবদ্ধ হৃদয়ে সহসা অসীম ভগবানের ধারণা ক’রতে পারে না; তাই বুঝেই হিন্দু শাস্ত্রকাররা মাকার থেকে নিরাকারের পূজার ব্যবস্থা করেছেন; তাই দ্বীলোকের কাছে স্বামীই ঈশ্বর—স্বামী থেকে ঈশ্বরে পৌঁছান সহজ।”

“তবে যা’কে ভালবাসা যায়, তা’কে অবলম্বন করে সহজে ভগবানের কাছে পৌঁছান যায়?”

“বোধ হয়।”

প্রভাত-নলিনীর নয়নে বেন আনন্দের কিরণ ফুটিয়া উঠিল।

সে জিজ্ঞাসা করিল, “যে ভালবাসে, সে-ই তবে সে আশা ক’রতে পারে?”

“পারে।”

## ডোন্না-বালি

“এই কবিতার নামক নামিকার বিয়ে হয়নি। কিন্তু তখন  
এই যে ভালবাসা—এও ত পবিত্র।”

“এতে অপবিত্রতা নেই—আত্মত্যাগই আছে। কাজেই এ ত  
পবিত্রই।”

সে দিনও সরল যাইবার সময় ভাবিতে ভাবিতে গেল, প্রভাত-  
নলিনী এসব প্রশ্ন জিজ্ঞাসা করে কেন? আর তাহার জিজ্ঞাসায়  
এত আগ্রহই বা কেন?

তাহার পর সরল অনেক ভাবিয়া কোন্ কবিতা পড়াইবে স্থির  
করিল। সে বায়রণের ‘সিলনের বন্দী’ কবিতা পড়াইতে আরম্ভ  
করিল। সে কবিতায় করুণরসের বহু আছে; কিন্তু প্রেমের  
সংস্পর্শও নাই। সেইজন্মই বাড়িয়া বাড়িয়া সরল সেই কবিতাটি  
পড়াইতে আরম্ভ করিল। প্রভাত-নলিনীকে প্রেমের কবিতা  
পড়াইতে তাহার সঙ্কোচ যেন অতিমাত্রায় বাড়িয়া উঠিল। সে  
কখনও এমন সঙ্কোচ অনুভব করে নাই—তাহার হৃদয়ের দৃঢ়তা  
যেন সে আর রক্ষা করিতে পারিতেছিল না। তাহার প্রকৃতি যেন  
পরিবর্তিত হইয়া যাইতেছিল। কিসে এমন হয়; কি ভাবের  
সঞ্চারে সাহসী সরল যুবক লাজুক হয়, আর স্বভাবতঃ সঙ্কুচিত  
কিশোরী যুবতী সাহসী হয়—তাহা সরল তখনও বুঝে নাই।

যে কবিতা সে পড়াইল, তাহা পাঠ করিতে করিতে প্রভাত-  
নলিনী কত কাঁদিল; জিজ্ঞাসা করিল, “মানুষ মানুষের উপর  
অত্যাচার করে কেন?”

সরল বলিল, “মানুষের দুষ্ট স্বভাব।”

“কেন, সব মানুষ-মানুষকে ভালবাসতে—দয়া ক’রতে পারে না ? তা হ’লে ত জগতে এত দুঃখ কষ্ট থাকে না।”

“সকলের মনের ভাব যদি তেমন হয়, তবে ত পৃথিবীই স্বর্গ হয়।”

“তাই কেন হয় না ?”

সরলের মনে হইল, সে প্রভাত-নলিনীর হৃদয়ের তলদেশ পর্যন্ত দেখিতে পাইল—সেখানে কেবল সেই বাসনা, পৃথিবীতে সকলেই সকলকে ভালবাসুক। যাহার হৃদয় এমন বাসনায় পূর্ণ, সে দুঃখ পায় কেন ? বিধাতা বল—অদৃষ্ট বল—এমন বিধান করেন কেন ? সরল ভাবিয়া এ প্রশ্নের কোন সন্তুর্ দিতে পারিল না। তাহার মনে কেবল অবিশ্বাসের সঞ্চার হইতে লাগিল। সরল ও প্রভাত-নলিনী, উভয়েরই মনে যে একটা পরিবর্তন—একটা চাঞ্চল্য—একটা অনিশ্চয়ের ভাব অনুভূত হইতেছিল, তাহা উভয়েই বুঝিতেছিল। যখন ভূমিকম্প হয়, তখন কে তাহা বুঝিতে না পারে ? কিন্তু সে চাঞ্চল্য কিসের পরিচায়ক, সে অনিশ্চয়তার কারণ কি, তাহা বুঝিতে সরলের যত বিলম্ব হইল, প্রভাত-নলিনীর তত বিলম্ব হইল না।

সরলের আগমনপ্রতীক্ষায় অধীরতা—তাহার আগমন-বিলম্বে চাঞ্চল্য—এ সব যেন প্রভাত-নলিনীর দিন দিন বাড়িতে লাগিল। যতক্ষণ সরল তাহার কাছে থাকিত, ততক্ষণ সে যেন অমৃতের আশ্বাদ পাইত, সে চলিয়া গেলেও—ফুল ঝরিয়া পড়িলেও তাহার সৌরভের মত সে আনন্দ বহুক্ষণ তাহার হৃদয় পূর্ণ করিয়া রাখিত। এ ভাব যত বাড়িতে লাগিল, তত প্রভাত-নলিনী ভাবিতে লাগিল, এ কি ! তাহার পর যে দিন সে তাহার আপনার হৃদয় পরীক্ষা করিতে

## ডোলা-বাঁশ

গেল, সেদিন দেখিল, যে হৃদয়-পট পূর্বে শূন্য ছিল, তাহাতে বিচিত্রবর্ণে এক জনের মূর্তি ফুটিয়া উঠিয়াছে। সে কে, তাহা চিনিতে তাহার একটুকুও বিলম্ব হইল না। এ চিত্র কে—কবে আঁকিয়া দিল? সে ত জানিতেও পারে নাই! কোন কোন বর্ণে চিত্রিত চিত্র প্রথমে অদৃশ্য থাকে, তাহার পর একটু তাপ পাইলেই আত্মপ্রকাশ করে। এও কি তাহাই? প্রেমের বর্ণে চিত্রিত সেই চিত্র কি তবে ঘটনার তাপে ফুটিয়া উঠিয়াছে? কারণ যাহাই হউক না কেন—সে চিত্র কি সুন্দর! সে চিত্র দেখিতে কত সুখ! সে চিত্র কি সে মুছিতে পারে? না—না—না। সে ছবি মুছিতে চেষ্টাই বা সে করিবে কেন? ভালবাসিবার অধিকার ত সকলেরই আছে। যখন সে অধিকার তাহার আছে, এবং ভালবাসিয়াই তাহার:সুখ, তখন সে সে ছবি মুছিবে না। সে যে সেই পটের পূজা করিতে পাইলেও আপনাকে ধন্য মনে করিবে! ভালবাসা মানুষের পক্ষে একান্তই স্বাভাবিক—তাহা পাইবার জন্ত মানুষের হৃদয় ব্যাকুল হয়, না পাইলে হৃদয় মরুভূমি হয়। সেই ভালবাসা সে পাইয়াছে—যাহা পাইবার আশা ত্যাগ করিতেছিল, তাহাই তাহার হস্তগত হইয়াছে; সে কি তাহাকে ফেলিয়া দিতে পারে? ফেলিয়া দিয়া সে কেমন করিয়া দগ্ধজীবনে ফিরিয়া যাইবে? একবার সুখের আশ্বাদ পাইয়া দুঃখ ভোগ করা যে বড় দুঃখের।

দরিদ্র অপরিসীম ধন রত্ন পাইলে যেমন সাগ্রহে ও সযত্নে তাহা রক্ষা করে, প্রভাত-নলিনী এই ভালবাসা তেমনই ভাবে হৃদয়ে রক্ষা করিতে লাগিল। তাহার হৃদয় সেই ভালবাসায় পূর্ণ হইয়া



## জোনা-বাঁল

গেল। কবিতায় সে যে নূতন জগতের সন্ধান পাইয়াছিল, সে যেন সেই জগতে—সেই কল্পনারাজ্যে বাস করিতে লাগিল। সরল যখন কথা কহিত, তখন সে যেন কর্ণময় হইয়া সেই কথামৃত পান করিত; সে যেন দৃষ্টিময় হইয়া সরলের সৌন্দর্য্য দেখিত। এই যে ভাব, ইহারই কথায় বৈষ্ণব কবি বলিয়াছেন—

“ব্রজগোপী-নেত্র যেন ভ্রমরের পাঁতি,

কৃষ্ণ-মুখ-নীলপদ্মে পড়ে মাতি মাতি।”

তাহার পর—সরল যখন চলিয়া যাইত, তখন সে তাহার কথা ভাবিত। সেই ধ্যান! যে সময়টা সরল কাছে থাকিত, সে সময়টা যে কোথা দিয়া চলিয়া যাইত, তাহা প্রভাত-নলিনী বুঝিতেই পারিত না। সে চলিয়া গেলেই মনে করিত—এত শীঘ্র!

কিন্তু আগনার মনের পরিবর্তন উপলব্ধি করিতে সরলের কিছু বিলম্ব হইল। এইরূপ ভাবান্তর স্ত্রীলোক যত শীঘ্র বুঝিতে পারে, পুরুষ তত শীঘ্র পারে না। এই উপলব্ধির চাঞ্চল্যই অনেক স্ত্রীলোকের বিপদের কারণ হয়। সরল আগনার ভাবান্তর বুঝিবার পূর্বে প্রভাত-নলিনীর ব্যবহারে পরিবর্তন লক্ষ্য করিল। সে দেখিল, বসন্তের বাতাসে যেমন প্রকৃতির কুঞ্জে সৌন্দর্য্য বিকশিত হয়, তেমনই কোনও অজ্ঞাত কারণে প্রভাত-নলিনীর চিন্তাকুল মুখে হর্ষোজ্জ্বল দীপ্তি ফুটিয়া উঠিয়াছে; প্রভাতের রবিকরে যেমন স্তম্ভ হ্রদের জলরাশি জ্বলিতে থাকে, কোনও অজ্ঞাত ভাবের স্পর্শে তেমনই প্রভাত-নলিনীর নয়নের দৃষ্টি হৃদয়ানুভূত আনন্দে উজ্জ্বল হইয়া উঠিয়াছে। জলের উপর হইতে নেঘের ছায়া সরিয়া গেলে

## চোরা-বালি

নদীর জল যেমন দেখায়, তাহার দৃষ্টি তেমনই মধুর হইয়াছে। সরল ভাবিত—কেন প্রভাত-নলিনীর এই পরিবর্তন—কিসে তাহার এই ভাবান্তর হইয়াছে? প্রভাত-নলিনীর নয়নালােকে সরল আপনার হৃদয়ের রহস্য দেখিতে পাইল; বুঝিতে পারিল, তাহারও ভাবান্তর ঘটিয়াছে—তাহার হৃদয়পটে তাহারও অজ্ঞাতে এ কি ছবি ফুটিয়া উঠিতেছে?

আপনার হৃদয় দেখিয়া প্রভাত-নলিনী শঙ্কিত হয় নাই—সে আপনার আনন্দের অনুরূপিতে বিভোর হইয়াছিল। সরল শঙ্কিত হইল—ভাবিল, এ কি হইল! আপনার উপর তাহার দ্বিধার জন্মিল। শিক্ষা ও সাধনা কি তাহার হৃদয় সবল করিতে পারে নাই? সে কি আপনাকে আপনি চিনিতে পারে নাই? তবে আপনাকে বিশ্বাস কি? আর ত বিশ্বাস করিয়া অবিচলিত থাকা সম্ভব নহে! পিতামাতার প্রতি তাহার কর্তব্য আছে—আপনার প্রতিও আছে। তবে সে চোরা-বালিতে পড়ে নাই; সে তাহার অভ্যস্ত সংযম ক্ষুণ্ণ হইতে দিবে না।

সরল আপনার জীবনকে সর্বতোভাবে স্নিয়স্ত্রিত করিয়াছিল; পরীক্ষার পড়া, প্রভাত-নলিনীকে পড়ান—সবই যেন ঘড়ির কাঁটার মত চলিতেছিল। ইহার মধ্যে কখন যে তাহার মনের মধ্যে নূতন ভাব আসিয়া বসিয়াছে, সে জানিতে পারে নাই। বুঝি এমনই করিয়া ফাল্গুনমাসের একদিন বসন্ত অজ্ঞাতভাবে আসিয়া হিমকঠিন পৃথিবীর বুক জুড়িয়া বসে। কিন্তু যখনই সরল আপনার অবস্থা জানিতে পারিল, তখনই কর্তব্যনির্দ্ধারণে প্রবৃত্ত হইল। সে দিন সন্ধ্যার পর সে যখন আপনার কক্ষে বসিয়া ভাবিতেছিল,

## ভোলা-নালি

তখন সুহৃদ তাহার কাছে আসিল। শরৎ বাবুর এক ছেলে তাহার সঙ্গে পড়ে। সে কোথায় গুনিয়াছিল, সরল একটি যুবতীকে পড়াইতেছে। ব্যাপারটা কি, জানিবার জন্ত কোতূহলবশে সে সুহৃদকে সে কথা জিজ্ঞাসা করিয়াছিল। এক সুহৃদই আসল কথা জানিত। কিন্তু সে সরলকে এতই ভালবাসিত যে, পাছে বন্ধুর নিন্দা রটে, এই ভয়ে সে কাহাকেও সে কথা বলে নাই—শরৎ বাবুর ছেলেকেও বলে নাই। কিন্তু সরল যে প্রভাত-নলিনীকে পড়ায়, ইহা তাহার একান্তই ইচ্ছাবিরুদ্ধ ছিল। সুহৃদ আসিয়া দেখিল, সরলের মুখ চিন্তার অন্ধকার—কপাল কুঞ্চিত। সুহৃদ জিজ্ঞাসা করিল, “কি এত ভাবু ?”

সরল উত্তর দিল, “ভাবছি, মেয়েটিকে পড়ান ছেড়ে দেব।”

“রান বল, বাঁচা গেল।”

“কেন, এত নিশ্চিত হলে কেন ?”

“চিন্তা যে আমার গোড়া থেকেই ছিল, তা’ত তুমি জান। তার পর আবার—”

“কি বলই না—”

“তার পর, লোক এ কথা নিয়ে আলোচনা ক’রতে আরম্ভ করেছে।”

অগ্গদিন হইলে এই কথাতেই সরল বিদ্রোহী হইয়া উঠিত—বাধা পাইলে সঙ্কল্পে দৃঢ় হওয়াই তাহার স্বভাব। কিন্তু আজ আর তাহা হইল না। কেন না, লোকের কথা সরল যত তুচ্ছই কেন মনে করুক না, সে আপনার দৌর্বল্য আপনি জানিতে পারিয়াছিল। সে বলিল, “তাই না কি ?”

## ডোন্না-বালি

সুহৃদ বলিল, “হাঁ। আর কেনই বা পড়ান ?—তোমারও ত পরীক্ষার পড়া পড়বে।”

সরল চুপ করিয়া রহিল।

সুহৃদ তাহার কথা শুনিয়া সত্যসত্যই আনন্দলাভ করিয়াছিল। বন্ধুর সম্বন্ধে লোক কোন অপ্রিয় কথা বলে, ইহা তাহার পক্ষে কষ্টের কারণ হইত ; কারণ, প্রতিভাবান সর্ব্বকার্য্যে পদ্ধতিবদ্ধভাবে কার্য্যকারী বন্ধুটিকে সে শ্রদ্ধা করিত, এবং তাহার মনে দৃঢ় বিশ্বাস ছিল, কালে সরল দেশে প্রসিদ্ধি লাভ করিবে। সেই জন্তই সে শরৎ বাবুর পুত্রের কাছে আসল কথাটা গোপন করিয়াছিল। সৌভাগ্যক্রমে শরৎ বাবুর ছেলেও তাহাকে সে বিষয়ে জেরা করে নাই। বিমাতার ব্যবহারে সে বিরক্ত হইয়াই ছিল, সুতরাং বৈমাত্রেয় ভগিনীর ভাবী পতির সম্বন্ধে বিশেষ সন্ধান লওয়া সে কর্তব্য বলিয়াই মনে করে নাই—সে কর্তব্য পিতার ; বিশেষ, সে কোনও কথা कहিলে বিমাতা হয় ত বলিয়া বসিবেন—সে ঘোড়া ডিঙ্গাইয়া ঘাস খাইতেছে। তাহার অত কথায় কাজ কি ? সরল যখন বলিল, সে প্রভাত-নলিনীকে পড়ান ছাড়িয়া দিবে, তখন সুহৃদ সে বিষয়ে আর আলোচনা নিম্প্রয়োজন মনে করিয়া চুপ করিল। সে সরলের ঘর হইতে বাহির হইয়া গেল।

সরল ভাবিতে লাগিল। এ বিষয়ে কর্তব্য স্থির করিতে তাহার অধিক বিলম্ব হইল না ; সে পড়ান ছাড়িয়া দিবে—এই কয় মাসের ব্যাপারটা ভবিষ্যৎ জীবনে স্বপ্ন বলিয়াই বোধ হইবে। সে কেমন করিয়া সে কথা প্রভাত-নলিনীকে জানাইবে, সে তাহা ভাবিতে

## ভোলা-বালি

লাগিল। আর ভাবিল, প্রভাত-নলিনী কি তাহাকে ভালবাসিয়াছে? তখন তাহার মুখের সেই প্রফুল্লতা, নয়নের সেই দীপ্ত দৃষ্টি তাহার মনে পড়িল। সে কি প্রেমেরই পরিচায়ক?

যাহাই হউক, সে প্রভাত-নলিনীর সান্নিধ্য ত্যাগ করিবে। সে কি পত্র লিখিয়া সে কথা জানাইবে? কেন? একদিন বাইরা সে কথা বলিয়া আসিতে পারে, আপনার উপর কি তাহার ততটুকু বিশ্বাসও নাই? বিশেষ, এতদিনের পরিচয়ে সে কোন দিন প্রভাত-নলিনীর উপর বিরক্ত হইবার কোনও কারণই পায় নাই—আজ একবার বিদায়ও লইবে না?

সে দিনও সরল অল্প দিনেরই মত প্রভাত-নলিনীকে পড়াইল। তাহার পর প্রভাত-নলিনী যখন জিজ্ঞাসা করিল, “কাল কি পড়া হবে?” তখন সরল বলিল, “কাল থেকে আমি আর আসব না।”

সহসা প্রভাত-নলিনীর মুখ বিবর্ণ হইয়া গেল—তাহার চক্ষু জলে ভরিয়া উঠিল, সে কল্পিতকণ্ঠে জিজ্ঞাসা করিল, “কেন?”

এ “কেন”র উত্তর সরল কেমন করিয়া দিবে? প্রভাত-নলিনীর বিবর্ণ মুখ, অশ্রুপূর্ণ নয়ন তাহার হৃদয়ে যে মূক নিবেদন জানাইল, তাহা তাহাকে বিচলিত করিল। আজ সত্যসত্যই তাহার হৃদয়ে কর্তব্যও ভালবাসার বিরোধে সংগ্রাম বাধিল। সে কি করিবে? কিন্তু সে সঙ্কল্প স্থির করিয়া আসিয়াছিল—বলিল, “আমার আর পড়ান সম্ভব নয়।”

প্রভাত-নলিনী জিজ্ঞাসা করিল, “আমার অপরাধ?” আর এক দিন আর এক জনকে সে এই প্রশ্ন করিয়াছিল—সে দিন ছুলালের উত্তরে তাহার হৃদয় ঘণায় পূর্ণ হইয়া গিয়াছিল।

## চোরা-বালি

সরল ধীরে ধীরে উত্তর দিল, “তোমার কোন অপরাধ নাই।”

প্রভাত-নলিনীর মনে যেন আশার অবকাশ হইল। সে জিজ্ঞাসা করিল, “তবে কেন আসবেন না?”

সরল নিরন্তর রহিল।

প্রভাত-নলিনীর আশা আরও বাড়িল। সে বলিল, “আমি অসহায়; আপনার উপদেশে আমি অকূলে কূল পেয়েছি। যদি আমার কোনও অপরাধ না থাকে, আমার অকূলেই ফেলে দেবেন না—যদি অপরাধ ক’রেও থাকি, ক্ষমা ক’রবেন—ক্ষমা ক’রবেন।”

প্রভাত-নলিনীর দৃষ্টির কাতরতা সরলকে তাহার সঙ্কল্পের ভ্রান্তি বুঝাইয়া দিল। তেমন কাতরতা সরল আর কখনও কাহারও দৃষ্টিতে দেখে নাই। সে বলিল, “অপরাধ তোমার নয়—আমার।”

প্রভাত-নলিনী জিজ্ঞাসা করিল, “আপনার!” সরল কি কোনও অপরাধ করিতে পারে?

সরল বলিল, “হাঁ। আমি যখন তোমাকে পড়াতে স্বীকার করি, তখনই অমর বাবু আমাকে :সাবধান ক’রে দিয়েছিলেন—আমার বয়স ও তোমার অবস্থা বিবেচনা ক’রে বলেছিলেন—বেথানে চোরা-বালি, সেখানে বড় সাবধান হ’তে হয়।”

“কিন্তু কই, আপনি ত কোন রকমে অসাবধান হন নি।”

“কিন্তু অসাবধান না হ’লেও সাবধান থাকতে পারিনি—সে কথা আমি আপনার মনে আপনি বুঝতে পারছি।”

প্রভাত-নলিনীর মুখের বিবর্ণতা দূর হইয়া গেল—নিশাবসানে

## চোরা-বালি

পূৰ্ণগগনে অৰুণাভাবিস্তারের মত তাহার মুখেও রক্তাভ ছড়াইয়া পড়িল। সে বলিল, “এই কি অপরাধ ? কই, আমি ত এ অপরাধ বলে ভাবতে শিখিনি—পারিনি ! আমি ত এ জন্ত আপনাকে কখনও অপরাধী মনে করিনি !”

সরল যেন চমকিয়া উঠিল। তবে তাহার সন্দেহই সত্য—প্রভাত-নলিনী তাহাকে ভালবাসিয়াছে। তাহার মনে হইল, যে কবিতা অবলম্বন করিয়া ভালবাসা সম্বন্ধে তাহার সঙ্গে অত আলোচনা না করিলেই বোধ হয় ভাল হইত। তাই কি ? প্রভাত-নলিনী সেই কবিতা অবলম্বন করিয়া তাহাকে যে সব প্রণয় করিয়াছিল, সে সব জিজ্ঞাসার ব্যাকুলতায় ও আগ্রহে সে সেই সময়েই বিস্মিত হইয়াছিল। আজ তাহার কারণ বুঝিল। সে বলিল, “আমার প্রধান কর্তব্য পিতামাতার প্রতি।”

প্রভাত-নলিনী বলিল, “ভাল, যদি আমাকে চোরা-বালি বলিয়াই মনে হয়—আপনি যা ভাল মনে করেন—করুন। কিন্তু আমার অনুরোধ—আমার ভিক্ষা, যেন বিপদের সময় আপনার উপদেশ পাই। আমি আর কিছু চাই না। আপনি নিকটেই থাকুন, আর দূরেই থাকুন, আমি আপনাকে ভক্তি করেই সুখ পাব। সে সুখ থেকে আপনিও আমাকে বঞ্চিত ক’রতে পারবেন না—সে অধিকার আমার কাছ থেকে কেউ কেড়ে নিতে পারবে না।”

প্রভাত-নলিনীর স্বরের দৃঢ়তা তাহার হৃদয়ের—সঙ্কল্পের দৃঢ়তারই পরিচয় দিতেছিল।

## ডোলা-বালি

সরল বলিল, “আমি আর একবার ভেবে দেখি।”

সে চলিয়া গেলে প্রভাত-নলিনী অপনার অবস্থা উপলব্ধি করিতে চেষ্টা করিল—পারিল না। তাহার হৃদয়ে অব্যক্ত বেদনা—বুক ছাপাইয়া নয়নে অশ্রু ঝরিতে লাগিল। সে সরলকে কত ভালবাসিয়াছে, তাহা সে আজ বুঝিতে পারিল; কারণ, তাহাকে হারাইবার কল্পনাতেই সে জীবন শূন্য ও ভবিষ্যৎ অন্ধকার দেখিতে লাগিল। সে অন্ধকারে কোথাও আলো ফুটিবার সম্ভাবনা নাই, যেন ঘনমেঘাচ্ছন্ন অমাবস্যার রজনীর অন্ধকার।

সে ধীরে ধীরে দিনে দিনে আপনাকে এমন ভাবে সরলকে দিয়াছে যে, আপনার জন্ত আর কিছুই অবশিষ্ট রাখে নাই—রাখিতে চাহেও নাই।

আজ সে মনে করিল, তাহার অদৃষ্টেরই দোষ, নহিলে সে আজও এ দুঃখে পড়িবে কেন? সে ত আর কিছুই চাহে না; সে সরলকে দেখিতে পাইলে—তাহার কথা শুনিতে পাইলে—দুঃ হইতে তাহাকে পূজা করিতে পাইলেই কৃতার্থ হয়, সুখী হয়। সে কি সে অধিকারেও বঞ্চিত হইবে? কোন্ অপরাধে, কোন্ পাপে?

সে ত জ্ঞানতঃ কোনও পাপ করে নাই! যে সকল রমণী স্ত্রীর ও শাস্তির সব উপকরণ পাইয়াও প্রকৃতির তাড়নায় অসংযত হয়, তাহারা পাপী; যে সব পুরুষ গৃহের পূজা পদাঘাতে পরিহার করিয়া কলুষিত জীবনপথে অগ্রসর হয়, তাহারা পাপী। সে ত তেমন কোনও কাজ করে নাই। বরং বাহিরের পাপে



## ডোন্না-বালি

সংক্রামিত হইয়া ছুলাল যখন সে পাপ ঘরে আনিয়াছিল, তখন সে তাহার প্রতিবাদকল্পে গৃহের পবিত্রতা রক্ষা করিয়া—আপনার পবিত্রতা অক্ষুণ্ণ রাখিয়া আপনি অকূলে ভাসিয়াছে। ওবুও তাহার এ দুঃখ কেন ?

সারা রাত সে বিনিদ্র হইয়া কাঁদিল। সকালে উঠিয়া অনিশ্চয়ের যাতনা ভোগ করিতে লাগিল। সরল ভাবিয়া কি স্থির করিল ? সে কি তাহার ভালবাসা—তাহার পূজা ঘৃণায় পদদলিত করিবে ? ভালবাসার সে অপমান কি প্রভাতনলিনী সহ করিতে পারিবে !

তাহার পর অল্প দিনেরই মত সরল যখন আসিল, তখন কি আনন্দ !

---

## সপ্তম পরিচ্ছেদ ।

প্রভাত-নলিনীর কথার অপেক্ষাও তাহার কাতর দৃষ্টি সরলকে অধিক চঞ্চল করিয়াছিল। সে বলিয়া গিয়াছিল—সে ভাবিয়া দেখিবে। সে ভাবিতে আরম্ভ করিলে নানা যুক্তি দেখা দিতে লাগিল। সে যে সঙ্কল্প করিয়া গিয়াছিল, তাহার স্বপক্ষে ও বিপক্ষে যুক্তি বিচারের অবসর হইল। এ অবস্থায় যুবকের মন কোন্ যুক্তি প্রবল করিয়া তুলে, তাহা বলাই বাহুল্য।

সে ভাবিল, মানুষের প্রতি মানুষের যদি কোনও কর্তব্য থাকে, তবে ত প্রভাত-নলিনীর প্রতিও তাহার কর্তব্য আছে। তাহার সহিত প্রভাত-নলিনীর যে সম্বন্ধ, তাহাতে অনাবিল আকর্ষণই আছে। সে অসহায়া, সম্পূর্ণরূপে তাহারই উপর নির্ভর করিয়াছে। সে তাহার হৃদয়ের যে কথা প্রকাশ করিয়া বলিয়াছে, সে কথা কি বিশেষ অস্থিরতা ব্যতীত কোনও নারী প্রকাশ করিয়া বলিতে পারে? বাস্তবিক সে ছাড়িয়া গেলে প্রভাত-নলিনীর উপায় কি হইবে? সে যদি সংসারের স্রোতে ভাসিয়া পঙ্কিল আবর্তে নিমগ্ন হয়, সে জন্ত কোনরূপ দায়িত্ব কি তাহাকেও স্পর্শ করিবে না?

কিন্তু পিতামাতার প্রতি তাহার কর্তব্য? সে কর্তব্য সে

## জোন্না-বালি

পালন করিবে। তাঁহাদের প্রথম অভাব—অর্থের। সেই অভাব হইতে মুক্তি পাইবার জন্তই পিতা শরৎবাবুর কন্ঠার সহিত তাহার বিবাহের সম্বন্ধ করিয়াছেন। কিন্তু কুটুম্বের টাকায় কি অভাব যুটিবে? সে টাকা কি সে উপার্জন করিতে পারে না? বিশ্ব-বিদ্যালয়ের যে ছাপ লইয়া সে বাহির হইয়াছে—বিশেষ ইংরাজী সাহিত্যে তাহার যে অধিকার, তাহাতে সে যদি অর্থপুস্তক লিখে? সে তাহার পরিচিত এক জন যুবক প্রকাশকের সঙ্গে দেখা করিল। তিনি তাহার প্রণীত অর্থপুস্তক প্রকাশ করিতে আগ্রহ প্রকাশ করিলেন।

সে যদি শরৎবাবুর মেয়েকে বিবাহ না করে, তাহাতে তাঁহার কোনও ক্ষতি হইবে না। তিনি যে টাকা দিবেন, তাহাতে তাঁহার কন্ঠার জন্ত সুপাত্রের অভাব হইবে না।

সে যদি প্রভাত-নলিনীকে বিবাহ করিত, তবে সামাজিক হিসাবে তাহার পিতার বিরক্ত হইবার কারণ ঘটতে পারিত; কিন্তু যদি বিবাহ না করে? জীলোকের সঙ্গে পুরুষের ঘনিষ্ঠতার সম্বন্ধ কি বিবাহ ব্যতীত হয় না? ভালবাসা কি ভাবের বিনিময়েই প্রতিষ্ঠিত হইতে পারে না? পরদিন যখন যথাকালে সরল প্রভাত-নলিনীর গৃহে উপস্থিত হইল, তখন আনন্দে প্রভাত-নলিনীর হৃদয় পূর্ণ হইয়া গেল। সে বুকিল, সরল তাহার প্রার্থনা শুনিয়াছে। সে বিষয়ে সে কোনও কথাই বলিল না—বলা প্রয়োজন মনেই করিল না। সরলও সে বিষয়ের আলোচনা করিল না। কিন্তু উভয়েরই হৃদয়ের গোপন কথা উভয়ে

## জোনা-বালি

জানিয়াছিল। এ অবস্থায় উভয়ের মধ্যে পূর্বে যেটুকু ব্যবধান ছিল তাহাও আর থাকি সম্ভব রহিল না। উভয়ের সান্নিধ্যে উভয়ে পরম আনন্দ লাভ করিতে লাগিল।

এ দিকে সরল বিশ্ববিদ্যালয়ের পাঠ্য পুস্তকের অর্থপুস্তক লিখিতে প্রবৃত্ত হইল—কঠোর শ্রম করিতে লাগিল। সে সুহৃদকে বলিয়াছিল, সে ভাবিতেছে, প্রভাত-নলিনীকে পড়ান ছাড়িয়া দিবে। তাহার পর তাহাকে এই নূতন কাজে হাত দিতে দেখিয়া সুহৃদ মনে করিল, পড়ান ছাড়ায় যে আয় কমিল, তাহা পূরাইয়া লইবার জন্তই সরল এ কাজ করিতেছে। কিন্তু সে লক্ষ্য করিল, পূর্বে যখন সে পড়াইতে যাইত ও ফিরিয়া আসিত, এখনও ঠিক সেই সময়ে সে বাহির হইয়া যাইত ও ফিরিয়া আসিত। শেষে একদিন সে সরলকে জিজ্ঞাসা করিল, “পড়ান ছেড়ে দিলে?”

সরল বলিল, “না।”

“কিন্তু মানের বই ত লিখ্ছ।”

“হাঁ। ওটা অতিরিক্ত কাজ।”

“ওতে ওকে আর পড়ানর দরকার হ'বে না।”

“পড়ানটা এখন আর টাকার জন্ত নয়।”

“তবে কিসের জন্ত?” সে বিদ্রূপব্যাঞ্জক স্বরে বলিল—  
“ছাত্রীটির জন্ত?”

সরল বলিল, “ঠিক তাই।”

“তাই?”

“হাঁ। তাকে আমার ভাল লাগে—তার যাতে ভাল হয়,

## চোরা-বালি

তা আমি ক'রব ; অন্ততঃ যাতে তার মন্দ না হয়, তা ক'রবই ।”

সরল সত্য কথা বলিত । সুহৃদ তাহা জানিত । সে স্তম্ভিত হইয়া গেল । জিজ্ঞাসা করিল, “তুমি তাকে ভালবাস ?”

“তাই ত মনে হয় ।”

“কি সর্বনাশ ! শেষে তুমিও চোরা-বালিতে ডুববে ? আমি তখনই বলেছিলাম ।”

সরল চুপ করিয়া রহিল—তর্ক করিতে তাহার ইচ্ছা হইল না ।

সুহৃদ বলিল, “কিন্তু তোমার আর সব কর্তব্য—সে কথা ভেবে দেখেছ ?”

“যত দূর পেরেছি, দেখেছি । যা'তে কর্তব্যভ্রষ্ট না হই, সে জ্ঞা যথাসম্ভব চেষ্টা আমি করব ; যদি দরকার হয়, আমাকে সাহায্য করো ।”

“তুমি কি মনে কর, এই মেয়েটাকে বিয়ে করা তোমার পক্ষে সম্ভব—শোভন ? তুমি—তোমার সামনে যশ—মান—সম্পদ—পদ—সব আছে ।”

“এ সব থাকলে যে অমন মেয়েকে বিয়ে করা যায় না, তা আমার মনে হয় না । বিলাতে স্ত্রীর প্রভাবে লোকের চাকরীতে বা পদে সুবিধা হয়েছে, শুনা যায় বটে ; কিন্তু মেয়েদের যা কিছু প্রভাব, সে ত অন্তরে—ভাঁড়ারঘরে, রান্নাঘরে ; আর যা কিছু ঝঙ্কার, সে শয়নমন্দিরে । এ দেশে ও কথা বলাই চলে না । কিন্তু আমি যে বিয়েই করব, এমন কথাই বা কে বলছে ।”

## চোলা-বালি

“বিয়ে করবে না ?”

“না করতেও পারি। বিয়ে না হলে কি ভালবাসা অসম্ভব ?”

“তা নয়—সমাজের নিয়ম ত সামাজিক মানুষকে মানতে হবে।”

“মানলে কি ভালবাসা অসম্ভব হয় ?”

“তুমি বলচ, প্লেটোনিক প্রেমের কথা—যা’তে লালসার গন্ধ নেই। এ সব কেতাবেই পাওয়া যায়—দর্শনের অসম্ভব—কল্পনা-লোকের কল্পবৃক্ষে ও সব ফল ফলে। কিন্তু এই ধূলিময় জগতে—এই রক্ত মাংসের দেহে ও হয় না।”

“একেবারে ফতোয়া দিয়ে দিলে—হয় না ?”

“তাই। তুমি যাই কেন বল না—তোমার এ ভাবটা আমার একেবারেই ভাল লাগছে না। তুমি রাগ ক’রতে হয় কর—আমি এর বিরুদ্ধে বিদ্রোহ ঘোষণা ক’রলাম। আমার যা সাধ্য, তা আমি ক’রব—তোমাকে এ পথ ছাড়াবার চেষ্টা ক’রব। আমার শক্তি কম—কিন্তু আমার চেষ্টা যে আন্তরিক, তা তুমি বিশ্বাস ক’রো।”

“সে বিশ্বাস আমার আছে।”

আর কোনও কথা না বলিয়া সুহৃদ বন্ধুর ঘর হইতে বাহির হইয়া গেল।

সেই রাত্রিতেই সুহৃদ কোথায় গেল। “মেসে” বলিয়া গেল, বাড়ীর জরুরী চিঠি পাইয়া সে যাইতেছে, ফিরিতে পাঁচ ছয় দিন বিলম্ব হইতে পারে। সরল আপনার কাজে এতই ব্যস্ত ছিল যে, সুহৃদের অনুপস্থিতি লক্ষ্যও করিতে পারিল না। তাহার

## ভোলা-বালি

জেরও অন্ত ছিল না—ভাবনারও অন্ত ছিল না। কারণ, সে মনে করিতেছিল, শরৎবাবুকে তাহার সঙ্কল্পের বা মত-পরিবর্তনের কথা জানাইতে আর বিলম্ব করা সম্ভব নহে। তিনি ত আবার মেয়ের জন্ত পাত্র দেখিবে। তাঁহাকে সে কথা জানাইতে হইলে তাহার পিতাকেই জানাইতে হইবে। সে সংবাদ তিনি পাইলে বাড়ীতে কিরূপ আতঙ্কের সঞ্চার হইবে, তাহা সে কল্পনা করিতে পারিল, এবং সেই জন্তই সে পিতাকে সংবাদ দিতে বিলম্ব করিতে লাগিল। কিন্তু যখন সে স্থির করিয়াছে, বিবাহ করিবে না, তখন আর বিলম্ব করাও ত সম্ভব নহে! সে পিতাকে পত্র লিখিল—লিখিয়া ছিঁড়িয়া ফেলিল; আবার লিখিল—লিখিয়া আবার ছিঁড়িল। পূর্বে কখনও তাহার এমন হয় নাই।

শেষে যে দিন সে একখানা পত্র লিখিয়া ডাকে ফেলিয়া দিল, সেই দিনই সন্ধ্যার সময় তাহার পিতা আসিয়া উপস্থিত হইলেন। সঙ্গে স্নেহ!

স্নেহ যখন দেখিল, সরলকে সঙ্কল্পচ্যুত করা তাহার ক্ষমতায় কুলাইবে না, তখন সে মনে করিল—এই ব্যাপার সরলের পিতাকে জানান তাহার কর্তব্য। কারণ, সে সরলকে ভালবাসিত, এবং শ্রদ্ধা করিত। সরলের কুশাগ্র বুদ্ধি—সর্বকাৰ্য্যে শৃঙ্খলাপ্রিয়তা—চিন্তের দৃঢ়তা, এ সব তাহার প্রশংসা আকৃষ্ট করিয়াছিল। সে সরলের বন্ধুত্ব বিশেষ মূল্যবান বলিয়া মনে করিত, এবং সরলকে বিপদ হইতে রক্ষা করা আপনার কর্তব্য বিবেচনা করিত। তাই সে সরলের বাড়ীতে গিয়াছিল। তথায় বাইয়া সে তাহার

## চোরা-বালি

পিতাকে সকল কথা জানাইয়াছিল, এবং তাঁহাকে কলিকাতায় যাইয়া সরলকে বুঝাইয়া নিবৃত্ত করিবার চেষ্টা করিতে বলিয়াছিল। শুনিয়া সরলের পিতা যেন হতবুদ্ধি হইয়া গেলেন। সরলকে 'অবলম্বন করিয়া তিনি অকূলে কুল পাইবার আশা করিয়াছিলেন। শরৎ বাবু তাহাকে যে টাকা দিবেন, তাহাতে গ্রামের সম্পত্তিটুকু উদ্ধার হইবে—তিনি “ঋণ পাপ” হইতে অব্যাহতি লাভ করিবেন—জীবনের সায়াহ্নে নিশ্চিন্ত হইয়া “হরিনাম” করিবার অবসর পাইবেন। তাহার পর—সরল যেরূপ ধারাল ছেলে, তাহাতে হয় ত তিনি তাহাকে কোনও উচ্চ পদ বা সম্পদ লাভ করিতে দেখিয়া মরিতে পারিবেন। তখন তাঁহার সব দুঃখ ঘুচিবে—বংশের লুপ্ত গৌরবের পুনরুদ্ধার হইবে। কত আশা! সে সব আশা কি তবে স্বপ্নের মত অসার হইয়া গেল? তিনি কি সত্যসত্যই জাগিয়া স্বপ্ন দেখিয়াছেন? সরল যদি কুলত্যাগিনীকে বিবাহ করে, তবে তিনি কেমন করিয়া লোকসমাজে মুখ দেখাইবেন? সুহৃদ তাঁহাকে আশ্বাস দিল, তিনি বুঝাইলে সরল বুঝিবে—তাহার কর্তব্যবুদ্ধি অত্যন্ত প্রবল। কর্তা সুহৃদের পরামর্শে স্থির করিলেন, এ কথা এখন কাহাকেও জানাইবেন না। শেষে কিন্তু গৃহিণীকে না বলিয়া থাকিতে পারিলেন না। শুনিয়া গৃহিণী অশ্রুবর্ষণ করিতে করিতে শিরে করাঘাত করিয়া বলিলেন, “সবই আমার অদেষ্ট। নইলে এমন হবে কেন? বলে—‘আমি যাব বঙ্গে, আমার কপাল যাবে সঙ্গে’।” কর্তা বিরক্ত হইয়া বলিলেন, “কি আপদেই পড়েছি! এ কথা জানাজানি হ’লে কি



## চোন্না-বালি

আর মুখ দেখান যাবে? তা' তুমিই দেখছি পাড়ায় কথা রাষ্ট ক'রবে,—না ক'রে ছাড়বে না!” তখন গৃহিণী চুপ করিলেন।

সহসা পিতাকে উপস্থিত হইতে দেখিয়াই সরল বুঝিল, তিনি কোন সূত্রে সংবাদ পাইয়াছেন। তখন সূত্রের সন্ধান করিতেও তাহার বিলম্ব হইল না। কিন্তু সে সূত্রদের উপর রাগ করিবার কোনও কারণ পাইল না—সে ত মন্দ ভাবিয়া এ কাজ করে নাই! তাহার মনে হইল, বাবা আসিয়াছেন—ভালই হইয়াছে; সব কথার মীমাংসা হইয়া যাইবে; তিনি তাহাকে ভুল বুঝিবার অবসর পাইবেন না।

রাত্রিতে পিতাপুত্র এক কক্ষে শয়ন করিলেন। পিতার শয্যা রচনা করিয়া দিয়া সরল যখন অর্থপুস্তক লিখিতে বসিবে, তখন পিতা বলিলেন, “সরল, আমি শরৎ বাবুর এক পত্র পেয়েছি।” তিনি এ দিক দিয়া কথাটা পাড়িবার আয়োজন করিলেন—কথাটা সহজ ভাবে ছেলেকে কি বলা যায়?

সরল বলিল, “আমি আজই আপনাকে একখানা চিঠি লিখেছি। আপনি এসেছেন, ভালই হয়েছে। শরৎ বাবুকে জানাতে হবে, আমি বিয়ে ক'রব না। তিনি যেন আমার অপেক্ষায় না থাকেন।”

“সে কি কথা সরল! সব কথা হয়ে গেছে, কেবল ত সাতপাক বাকী। এখন তোমার মত বদলান কেন?”

“কিন্তু তা'তে তাঁর কোনও অসুবিধা হবে না। তিনি টাকা দেবেন—ভাল পাত্রই পাবেন।”

## ডোন্না-বালি

“তাও কি হয়?”

“কিন্তু উপায় কি?”

“আর আমিও ঐ আশায় মহাজনকে ব’লে রেখেছি—তাই সে স্থির হয়ে আছে।”

“সে জন্ত ভাববেন না। আপনি শরৎ বাবুর কাছ থেকে পেয়ে যে টাকা মহাজনকে দিতেন, সে টাকা আমিই দেব। তবে দিনকতক দেবী হবে।”

“তুমি কোথা থেকে দেবে?”

“আমি মানের বই লিখছি; তাই থেকে দেব।”

“তোমার পাশের পড়া—এ সময় ও দিকে সময় দিলে পারবে কেন?”

“তা’তে কোনও ক্ষতি হবে না।”

“কিন্তু তুমি শরৎ বাবুর মেয়েকে বিয়ে ক’রবে না কেন? মেয়ে মন্দ নয়। আর যদি তেমন সুন্দরী না-ই হয়, তবে চলনসই থেকে কালো পর্য্যন্ত মেয়েগুলিরও ত বিয়ে হওয়া চাই।”

“আপনি যখন আমার সম্বন্ধ ঠিক করেছিলেন, তখন কি একবারও আমি কোনও কথা জিজ্ঞাসা করেছিলাম, যে আজ ও কথা বলছেন?”

“তবে?”

“তার পর এমন কারণ হয়েছে যে, আমি এ বিবাহ ক’রতে পারি না—ক’রব না।”

“আমি শুনছি, তুমি নাকি একাট—”

## ‘চোন্না-বালি

পিতা প্রভাত-নলিনীর সম্বন্ধে কিরূপ কথা বলিতে পারেন, সরল তাহা অনুমান করিয়া লইল, এবং তিনি কথা শেষ করিবার পূর্বেই বলিল, “আপনি যা শুনেছেন, তাই ঠিক।”

“তোমার এমন প্রবৃত্তি হ’ল! লেখাপড়া শিখে—সকলের কাছে প্রশংসা পেয়ে, তুমি——”

বাধা দিয়া সরল বলিল,—“আপনি যদি তিরস্কার করেন, আমি তা’ মাথা পেতে নেব। তবে জানবেন, আমি কোনও অত্যাচার কাজ ক’রব না।”

“এতে যে লোক হাসবে—মুখে চুণকালি প’ড়বে।”

“যাতে লোক না হাসে, তা আমি ক’রব। তবে আমি লোকের হাসির ভয় করিনে—কেবল আপনার জন্তই তা’ গ্রাহ্য করি।”

পিতা দেখিতে লাগিলেন, তিনি যত বুঝাইবার চেষ্টা করেন পুত্র ততই সঙ্কল্পে দৃঢ় হয়। শেষে নিরুপায় হইয়া তিনি বলিলেন, “তুমি বড় হয়েছ—বিদ্বান হয়েছ। তুমি যা’ ভাল বুঝ কর। কিন্তু তুমি যদি শরৎ বাবুর মেয়েকে বিয়ে না কর—আর—যাক সে কথা, তোমার গর্ভধারিণীকে নিয়ে আমাকেই দেশত্যাগী হ’তে হবে।”

পিতার সহিত তর্ক করা সরলের অভ্যাস ছিল না—তাহাতে তাহার প্রবৃত্তিও ছিল না। সে কোনও উত্তর দিল না, চুপ করিয়া রহিল। তাহার পর পিতা চুপ করিলে সে কাগজ কলম লইয়া অর্থপুস্তক-রচনায় মনোনিবেশ করিল। পিতা পথপ্রদর্শনে শ্রান্ত

## জোন্না-বালি

ও উৎকর্ষার উত্তেজনায় অবসন্ন হইয়াছিলেন—অল্পক্ষণ পরেই তাঁহার নাসিকা-গর্জ্জন নিদ্রার জয় ঘোষণা করিল। অনেক রাত্রি পর্য্যন্ত লিখিয়া সরল শয়ন করিল, এবং ঘুমাইয়া পড়িল।

সকালে উঠিয়া সে দেখিল, পিতা শয্যাভ্যাগ করিয়া গিয়াছেন। বাহিরে যাইয়া সে দেখিতে পাইল, তিনি তাহার ঘরের পার্শ্বে স্নানঘরের ঘরে—স্নানঘরের সঙ্গে মুহূর্ত্তের কি পরামর্শ করিতেছেন। সে আপনিই যে পরামর্শের বিষয়, তাহা বুঝিতে অবশ্য সরলের বিলম্ব হইল না।

সকালেই পিতা কালী দর্শন করিবেন বলিয়া কালীঘাটে গেলেন—স্নানঘর সঙ্গে গেল। সরল বুঝিল, “মেসে” সব ছেলের মধ্যে পরামর্শ করিবার অসুবিধা হইবে বলিয়াই দুই জনে কালীঘাটে গেলেন। তাহার জ্ঞাত স্নানঘরের ব্যাকুলতায় সে স্নানঘরের প্রশংসা করিল। তাহার স্নেহ নিঃস্বার্থ।

## অষ্টম পরিচ্ছেদ ।

সরলের মুখ দেখিয়া প্রভাত-নলিনী শঙ্কিতা হইল—তাহার মুখের চিন্তার অন্ধকার । যে দিন সে তাহাকে বলিয়াছিল, সে আর আসিবে না, সে দিনও প্রভাত-নলিনী তাহার মুখে এমন ভাব দেখে নাই । তবে আজ কি হইয়াছে ? তাহার অদৃষ্ট কি তাহার অন্ধকার জীবনের সুখালোক নিবাইয়া দিবার কোনও নূতন আয়োজন করিয়াছে ?

প্রভাত-নলিনী সরলকে জিজ্ঞাসা করিল, “আপনার কি হুশিয়ার কোনও কারণ হয়েছে ?”

সরল বিস্মিত হইল । প্রভাত-নলিনী তাহার মনের কথা কেমন করিয়া জানিল ? সে কি প্রেমের শক্তিতে তাহার হৃদয় নখদর্পণে দেখিতেছে ? সে জিজ্ঞাসা করিল, “কেন ?”

“আপনার মুখ কালবৈশাখীর মত অন্ধকার—দেখলে ভয় হয়।”

সরল বলিল, “বাবা বাড়ী থেকে এসেছেন।”

“কেন ?”

“আমি জীবনের বুকটা বদলে ফেলব শুনে।”

প্রভাত-নলিনী কথাটা ঠিক বুঝিতে পারিল না ; কিন্তু তাহার আশঙ্কা যেন বাড়িতেই লাগিল ।

## চোরা-বালি

সরল বলিল, “একদিন তুমি আমাকে তোমার জীবনের ইতিহাস বলেছিলে, তা’তে আমি তোমার স্বরূপ ধ’রতে পেরেছিলাম। তোমার সম্বন্ধে আমার যদি কোনও ভ্রান্ত ধারণা থেকে থাকে, তা’ দূর হয়ে গিয়াছিল। বোধ হয়, আমার জীবনের কথাও তোমার শুনা দরকার—শু’নলে ভাল হয়। কারণ, আমরা দু’জন এখন যেখানে এসে উপস্থিত হয়েছি, তা’তে আমাদের পক্ষে পরস্পরের জ্ঞাত জগতের আর সব ছাড়া দরকার হ’তে পারে। সে অবস্থায় আমার ইতিহাস তোমার কাছে অজ্ঞাত থাকা ত সঙ্গত নয়। তা’ শুনে তুমি আমার দুশ্চিন্তার কারণও বুঝতে পারবে।”

সরলের জীবনের ইতিহাস শুনিবার কোনও প্রয়োজন প্রভাত-নলিনীর ছিল না; সে কখনও সে প্রয়োজন অনুভব করে নাই। কেন না, তাহার কাছে বর্তমানই সব; আর যদি কিছু থাকে, সে ভবিষ্যৎ। আপনার অতীত সে ত সরলকে দেখিয়া অবধি ভুলিয়াছে—মুছিয়া ফেলিয়াছে। সে দিন হইতে সে ত বর্তমানেই আছে; এমন কি, ভবিষ্যতের ভাবনাও ভাবে নাই! এই বর্তমানই তাহার কাছে যথার্থ। এই বর্তমানে সে আছে, সরল আছে, প্রেম আছে, সুখ আছে। তাই পারশ্বের কবির মত মনে করিয়াছে—বর্তমানের পর সবই অনিশ্চিত—

“আজ আমি আছি যবে, জগত-চুষ্টিয়া

প্রাণপণে প্রাণ ভরি’ করি সুধাপান।”

—কিন্তু সরল যখন তাহার জীবনের কথা বলিতে চাহিতেছে, তখন সে তাহা শুনিবেই।

## চোর-বালি

সরল সব কথা বলিল—আপনার দারিদ্র্য ; শরৎবাবুর কণ্ঠার সহিত তাহার বিবাহ-সন্ধ ; প্রভাত-নলিনীর সঙ্গে পরিচয় ফলে বিবাহ করিতে তাহার আপত্তি ; সেই আপত্তির আভাস পাইয়া তাহার পিতার আগমন ; পিতার সহিত তাহার এ কথার আলোচনা ; আপনি পরিশ্রম করিয়া অর্থসংগ্রহ করিবার তাহার সঙ্কল্প—কোনও কথাই সরল গোপন করিল না । সে সে সব কথা গোপন করিবে কাহার কাছে ? সে যে প্রভাত-নলিনীকে ভালবাসিয়াছে ! যাহার জন্ত সে সব ত্যাগ করিতে সম্মত—তাহার কাছে কি কিছু গোপন করিতে আছে ? সেরূপে কোনও কথা গোপন করা সরলের প্রকৃতি বিরুদ্ধ—তাহার প্রণয়ের বিরোধী ।

প্রভাত-নলিনী যেন মন্ত্রমুগ্ধবৎ সে কথা শুনিла—সরলের কথা সে অমৃতের মত পান করিত । তাহার পর সরলের কথা যখন শেষ হইল, তখন সে বলিল, “আমি বড় স্বর্থপর । অমরবাবু সত্য সত্যই বলেছিলেন, আমি চোর-বালি । যে দিন আপনি আপনার বিপদের আশঙ্কা করে’ বলেছিলেন, আর আমাকে পড়াতে আসবেন না—সে দিন আমি কেবল নিজের স্নেহের জন্ত, আপনাকে দেখতে পাব—আপনার কথা শুন্তে পাব বলে’ আপনার কাছে ভিক্ষা চেয়েছিলাম—আমাকে ত্যাগ করবেন না । আপনি দয়াবশে আমার প্রার্থনা পূর্ণ করেছিলেন । কিন্তু তাইত, আপনার কত কবিতা আমি একবার ভেবেও দেখিনি । আমাকে ক্ষমা করিতে পারিবেন কি ?”

প্রভাত-নলিনীর নয়ন অশ্রুপূর্ণ হইয়া আসিল । সরল বলিল,

## চোন্না-বাণি

“সে দিন কি মনে করেছিলাম, বলতে পারি না ; কিন্তু আজ বলিতে পারি, সে দিন দয়াবশে তোমার প্রার্থনা পূর্ণ করিনি । আপনাকে আমি ততটা উদার মনে করিতে পারিনি । আমি তোমাকে ভালবেসেছিলাম ব’লেই তোমার কথা শুনেছিলাম । তোমার কথা শুনা আমার একটা ছল মাত্র হয়েছিল ।”

“আপনার ভালবাসাই যে আমার পক্ষে দেবতার দান । দেবতা দয়া না ক’রলে কি দেবতার দান পাওয়া যায় ? আপনি আশীর্বাদ করুন, আমি যেন সে দানের উপযুক্ত হই—ভুলেও সে দানের অপমান না করি । আমি সে দানের উপযুক্ত নই—নই ।”

প্রভাতের বাতাসে কম্পিত ফুল হইতে যেমন ঝর ঝর করিয়া শিশির ঝরিয়া পড়ে, যেমন শেফালি ফুল ঝরিয়া পড়ে—তেমনই প্রভাত-নলিনীর নয়ন হইতে অশ্রু ঝর-ঝর করিয়া ঝরিতে লাগিল । সরলের ইচ্ছা হইল, সে সেই অশ্রুসিক্ত নয়ন মুছাইয়া দেয় । সে প্রভাত-নলিনীকে ভালবাসিয়াছে—সে ভালবাসা কেবল হৃদয় লইয়াই সন্তুষ্ট ; কিন্তু সেই ভালবাসাই কি তাহাকে সে অশ্রু মুছাইয়া দিবার অধিকার দেয় নাই ? সে স্থির বুঝিতে পারিল না । সে স্থিরদৃষ্টিতে প্রভাত-নলিনীর সেই অশ্রুসিক্ত আননের সৌন্দর্য্য দেখিতে লাগিল । তাহার মনে পড়িল, কয় দিন পূর্বে সে প্রভাত-নলিনীকে এক জন ইংরাজ কবির কবিতা পড়াইয়াছে—



## চোরা-বালি

“গোলাপ সুন্দরতম ফুটফুট করে যবে ধীরে ;  
আশা সমুজ্জ্বলতম ভীতি হ’তে মুক্তি যবে তা’র ;  
গোলাপ মধুরতম সিক্ত যবে প্রভাত-শিশিরে ;  
প্রেমিকা সুন্দরীতমা নেত্রে যবে ঝরে অশ্রুধার ।”

এ সৌন্দর্য্য স্বর্গীয়—কিন্তু ইহার জন্ত নয়নের যে তৃষ্ণা, অধরের  
যে স্পৃহা—সেও ত ভালবাসারই লক্ষণ। তবেই ত ভালবাসা  
হৃদয় হইতে হৃদয়ের আধারেও বিস্তৃতি লাভ করে! তবে কি  
সুহৃদের কথাই সত্য, প্লেটোনিক প্রেম দার্শনিকের কল্পনা—  
রক্তমাংসের শরীরের জন্ত তাহা নহে—তাহা শুভ নহে? যদি  
তাহাই হয়? তবে সে কি কেবল স্বপ্নই দেখিয়াছে? তাহার  
মনের উপর তাহার দৃঢ় বিশ্বাস বিচলিত হইয়াছিল—তাহার পর  
বিমল বুদ্ধির উপর বিশ্বাস—এ কি?

প্রভাত-নলিনী বলিল, “আপনাতে আর আমাতে কত প্রভেদ,  
তা’ আমি আজ বুঝতে পারলাম। আমি আপনাকে পেয়ে সব  
পেয়েছি—যা’ পাবার আশাও ক’রতে পারিনি, সেই প্রেম—সুখ  
পেয়েছি; আর আপনি আমার জন্ত সব হারাতেও প্রস্তুত  
হয়েছেন। আমার জন্ত আপনি কেন এত ত্যাগ স্বীকার ক’রবেন  
না। চোরা-বালিতে আপনার বর্তমান ও ভবিষ্যৎ নষ্ট হ’তে  
দেবেন না।”

“আমিও নিজের সুখের জন্ত এ করছি। এ তোমার উপর  
দয়ার জন্ত নয়—নিজের জন্ত।”

## চোন্না-নালি

“তা হোক। আপনি এমন ক’রে আপনার ক্ষতি ক’রবেন না। আমার ভাগ্যে সুখ নেই—সেটা ভুলে যাওয়াই আমার ভুল হয়েছিল। তবে আপনি জা’নবেন—বিশ্বাস ক’রবেন, আপনি যেখানেই কেন থাকুন না, আমার দেবতা বলে’ আমি আপনাকে পূজা ক’রব। কখনও ভুলতে পারব না।”

“তুমি ও কথা মনেও ক’রো না। তুমি আমায় ছেড়ে যেতে পার; কিন্তু আমি তোমাকে ছেড়ে যাব না।” সরল আর তাহার অভ্যস্ত গাভীয়া রক্ষা করিতে পারিতেছিল না—সে উত্তেজিতভাবেই এ কথা বলিল। প্রভাত-নলিনী তাহার মুখের দিকে চাহিয়া ছিল। সরলের এই কথায় তাহার মুখে চোখে আনন্দের দীপ্তি উজ্জ্বল হইয়া উঠিল।

সে দিন সরল চলিয়া গেলে প্রভাত-নলিনী বসিয়া ভাবিতে লাগিল। সে বর্তমানেই আপনার চিন্তা ও কল্পনা নিবদ্ধ রাখিয়াছিল; ভবিষ্যতের ভাবনা ভাবে নাই। আজ সে আর তাহা পারিল না। আজ তাহাকে ভবিষ্যতের ভাবনাই পীড়া দিতে লাগিল—তাহার মনের অন্ধকার ভাঙ্গিয়া কত ভাবনাই দেখা দিল। আজিকার এ ভাবনা কেবল আপনার ভবিষ্যতের ভাবনা নহে—তাহার সঙ্গে সরলের ভবিষ্যতের ভাবনাও ছিল।

ভালবাসা মানুষকে স্বার্থত্যাগ করিতে শিখায়—প্রেমাস্পদের সুখের জন্ত আপনার সুখ পদদলিত করিতে প্রবৃত্ত করে। তাই

## ডোন্না-বালি

আজ প্রভাত-নলিনী কেবলই ভাবিতে লাগিল, সে আপনি সব দুঃখ লইয়া কেমন করিয়া সরলের সুখের উপায় করিবে ? তাহার বুক চিরিয়া সেই রক্তে সে যদি সরলের সাফল্য-বৃক্ষ বর্দ্ধিত করিতে পারে, তবে সেই বৃক্ষের ফুল ফল দেখিলে সে ধন্ত হইবে। তাহার হৃদয় বিদৌর্ণ করিলে যে যন্ত্রণা—সে ত কেবল তাহারই। সে কি তাহা সহ্য করিতে পারিবে না ? সে বেদনা সহ্য করিলে যে তাহার নারী-জন্ম সার্থক হইবে !

দিন গেল—সন্ধ্যা আসিল। তখন প্রভাত-নলিনী উঠিল ; যাইয়া শয্যা শয়ন করিল। বাত্যাবিক্ষুব্ধ সাগরের জলে তরলী যেমন অস্থির হয়, সে শয্যা শয়ন করিয়া তেমনই এপাশ—ওপাশ করিতে লাগিল। কত ভাবিতে লাগিল—কিন্তু ভাবিয়া কিছুই স্থির করিতে পারিল না। সে বলিলেই যে সরল তাহাকে ত্যাগ করিয়া যাইবে, তাহা নহে। সরল ত তাহার সঙ্কল্পের কথা বলিয়াছে। সরলের সেই সঙ্কল্প জানিয়া সে কত সুখ অনুভব করিয়াছে। কিন্তু তাহার অদৃষ্টে তত সুখ সহিবে কি ? সে যদি কেবল সরলকে লাভ করিতে পারে, তবে তাহার আর কিসের অভাব থাকে ? কিছুই নহে। তখন সে আর কিছুই চাহে না। সে তাহার হৃদয়ে সরলকে দেবতার আসনে বসাইয়াছে—তাহাকে আপনার ভালবাসার কুঞ্জগৃহে তাহারই করিয়া রাখিয়াছে। কিন্তু সে ভাব—তাহাতেই ত সে তৃপ্ত থাকিতে পারে নাই ! সে ত সরলের সান্নিধ্য চাহিতেছে ! কিন্তু সে সরলকে হৃদয়ে পাইয়াই

## ভোলা-শালি

তৃপ্তিলাভের চেষ্টা করিবে—তাহাই তাহার পক্ষে যথেষ্ট বিবেচনা করিয়া সম্ভব হইবে। পিসীমার কথা তাহার মনে পড়িল। সে কথা সে এক দিন সরলকে জিজ্ঞাসাও করিয়াছিল। সরল উত্তর দিয়াছিল—“ভালবাসা স্থানকালের ব্যবধানে বদ্ধ থাকে না।” তাহার ভালবাসা কি সেরূপ নহে? সে কেমন করিয়া সরলের কল্যাণ সাধন করিবে, কেবল তাহাই ভাবিতে লাগিল। কিন্তু ভাবিয়া শেষ পর্য্যন্ত কিছুই স্থির করিতে পারিল না। কেবল সে স্থির করিল, যদি আপনার জীবন দিয়াও সে সরলের কল্যাণ সাধন করিতে পারে, তাহা করিবে; ভালবাসার কাছে জীবন অতি তুচ্ছ।

নিশাশেষের শীতল সমীরণ যখন তাহার অনিদ্রা ও চিন্তাতপ্ত ললাটে স্নিগ্ধ স্পর্শ দিতেছিল তখন তাহার একটু নিদ্রাকর্ষণ হইল। সেই তন্দ্রাবস্থায় সে স্বপ্ন দেখিল,—সরল মন্দিরে বেদীর উপর উপবিষ্ট; সে তাহার চরণে পুষ্পাঞ্জলি দিতেছে। তাহার নিদ্রাভঙ্গ হইল—সে চাহিয়া দেখিল, দিবালোক রজনীর অন্ধকার ছিন্ন—বিচ্ছিন্ন করিয়া আত্মপ্রকাশ করিতেছে। সে শয্যা ত্যাগ করিল। তাহার পর অভ্যাসবশে স্নানাগারের দিকে গেল।

স্নান করিয়া আসিয়া সে আবার ভাবিতে লাগিল—ভিজা চুল শুকাইবার কথা তাহার মনেই হইল না। সে বসিয়া ভাবিতেছে, এমন সময় ভৃত্য আসিয়া সংবাদ দিল, অমরবা তাহার সঙ্গে দেখা করিতে আসিয়াছেন।

## জোন্না-বালি

অমরবাবু! তিনি অনেক দিন তাহাকে দেখিতে আইসেন নাই ; বোধ হয়, যে দিন তিনি সরলকে সঙ্গে করিয়া আনিয়াছিলেন—সেই দিনই শেষ আসিয়াছিলেন। আজ তিনি আবার আসিয়াছেন কেন? তিনি জানিয়া গিয়াছেন, সে আর অভিনয় করিবে না, এবং তিনি তাহার সেই সঙ্কল্পেরই অহুমোদন করিয়া গিয়াছেন। তবে? সে ভৃত্যকে বলিল, “আসতে বল।”

অমরবাবু আসিয়া বলিলেন, “আমি একটু বিশেষ কাজে আসিয়াছি। তোমাকে স্থির হয়ে শুন্তে হ’বে।”

প্রভাত-নলিনী বলিল, “বলুন।”

“সরল ত এখনও তোমাকে পড়ায়?”

“হঁ। আপনি ত তাঁর কাছে মধ্যে মধ্যে আমার খোঁজ খবর নেন।”

“তাকে আমিই তোমার কাছে এনেছিলাম। আজ আবার তাঁর জন্তই তোমার কাছে এসেছি।”

প্রভাত-নলিনীর বুক কাঁপিয়া উঠিল। তবে কি সে এত দিন জাগিয়া স্বপ্ন দেখিয়াছে—তাহার স্মৃতি কি স্বপ্নের?

“নিশার স্বপ্ন-স্মৃতি স্মৃতি যে কি স্মৃতি তা’র?”

জাগে সে কাঁদিতে।

ক্ষণপ্রভা প্রভাদানে বাড়ায় মাত্র আঁধার

পথিকে ধাঁধিতে।”

## চোরা-বালি

তবে কি সরলের সম্বন্ধে তাহার ধারণা একান্তই ভ্রান্ত—সরল তাহাকে যাহা বলিয়া গিয়াছে, সে সব মিথ্যা? সে যে আর আসিবে না, সে কথা তাহাকে না বলিয়া অমর বাবুকে বলিয়াছে; তিনি তাহাই বলিতে আসিয়াছেন? তাহার নয়নে অশ্রু যেন উথলিয়া উঠিতে লাগিল। সে ভাবিল, কেমন করিয়া সে তাহার সেই দৌর্বল্য অমরবাবুর কাছে গোপন করিবে?

অমরবাবু বলিলেন, “সরল যখন তোমাকে পড়াতে আসতে চায়, আমি তখনই তাকে সাবধান করে দিয়েছিলাম।”

প্রভাত-নলিনী বলিল “আপনি বলেছিলেন—চোরা-বালি বড় বিপদের।”

“তাই বটে। সে কথা বোধ হয় সরল তোমাকে বলেছে?”

“তিনিই বলেছেন।”

“তখন আমি যে ভয় করেছিলাম, শেষে তাই হইবে। তুমি জান কি না জানি না—সে তোমাকে ভালবেসেছে।”

প্রভাত-নলিনীর দৃষ্টি নত হইয়া পড়িল। সে বলিল, “আমি তা জানি।”

“এর ফল কি হ’বে, তা বোধ হয় সেও বুঝে নি। তাই তাঁর বাপ তাঁকে বুঝাতে এসেছেন। কিন্তু তিনি তাঁকে বুঝাতে পারেন নি। তাঁর পর তিনি আমার কাছে এসেছিলেন—একবার তোমার সঙ্গে দেখা করিবেন।”

## জোন্না-বালি

প্রভাত-নলিনী মুখ তুলিয়া জিজ্ঞাসা করিল, “তিনি কোথায়?”

“তিনি আমার সঙ্গেই এসেছেন ; বাইরে দাঁড়িয়ে আছেন ।”

“তিনি আমাকে কি ব’লবেন?”

“তা’ তিনিই জানেন। তিনি বলেন, তাঁর যা ব’লবার, তা’ তিনিই ব’লবেন।”

“আপনি আমায় কি ক’রতে বলেন?”

“আমি বলি, তিনি যদি কোনও কথা ব’লতে পেলেই তৃপ্ত হন, তবে তোমার তা’ গুণ্ডতে ক্ষতি কি? বরং তাঁর কথা গুনে’ তার পর তুমি যা’ ভাল মনে কর, ক’রো।”

প্রভাত-নলিনী দীর্ঘশ্বাস ত্যাগ করিয়া যেন অগ্ন্যম্নস্কভাবে বলিল, “তবে তা’ই হোক।”

অমরবাবু জিজ্ঞাসা করিলেন, “তবে আমি তাঁ’কে ডেকে আনি?”

“আনুন।”

অমরবাবু বাহির হইয়া গেলেন, এবং অল্প ক্ষণ পরেই সরলের পিতা বিহারীবাবুকে লইয়া ফিরিয়া আসিলেন। সুইদ সঙ্গে আসিল।

প্রভাত-নলিনী বসিয়া ছিল। কক্ষে প্রবেশ করিয়াই বিহারীবাবু থমকিয়া দাঁড়াইলেন। এ কি মানুষ, না দেবীপ্রতিমা?

## ডোন্না-বালি

মানুষের দেহে কি এত রূপ থাকিতে পারে ? এ যেন কোনও শিল্পী নিৰ্জ্জনে বসিয়া সোনার কল্পনাকে ফুটাইয়া তুলিয়াছে।

প্রভাত-নলিনী উঠিয়া সরলের পিতাকে প্রণাম করিল। অমরবাবু তাঁহাকে বসিতে বলিলেন, এবং আপনি বসিলেন। প্রভাত-নলিনী দাঁড়াইয়া রহিল—টেবলখানা ধরিল। তাহার হাত কাঁপিতেছিল—সে একটা অবলম্বন ব্যতীত দাঁড়াইতে পারিতেছিল না। বিহারীবাবু কি বলিবে—কেমন করিয়া বলিবে, সে সব কথা বিশেষ করিয়া ভাবিয়া আসিয়াছিলেন। কিন্তু প্রভাত-নলিনীকে দেখিয়া সে সব যেন গোলমাল হইয়া গেল। কেন না, তিনি প্রভাত-নলিনীর যে কল্পনা করিয়া আসিয়াছিলেন, তাহাতে তাহার প্রতি তাঁহার ঘৃণা ও ক্রোধই উৎপন্ন হইয়াছিল। তিনি সেই ঘৃণা ও ক্রোধই হৃদয়ে পোষণ করিয়াছিলেন। কিন্তু তিনি যে বিলাসিনী, চতুরা, লালসাদীপ্ত-দৃষ্টিশালিনী, লজ্জাহীন, স্বার্থসৰ্ব্বস্ব যুবতীর কল্পনা করিয়া আসিয়াছিলেন, তাহাকে ত দেখিতে পাইলেন না! তাঁহার সম্মুখে কিশোরী—বালিকা বলিলেও অত্যাক্তি হয় না; তাহার বেশে বিলাসের বা ব্যবহারে অসম্ভবের কোনও পরিচয়ই পাওয়া যায় না; তাহার নয়নে কাতর দৃষ্টি—তাহাতে সরলতা ও আন্তরিকতাই সপ্রকাশ; তাহার মুখে যেন সম্ভবের ও সম্ভোচের ভাব ফুটিয়া আছে; রমণীমূলভ লজ্জার আভাসে তাহার রূপ লাবণ্য-সংযোগে



## ডোন্না-নালি

মুক্তার মত আরও মনোরম হইয়াছে। তাহার উপর ঝাগ, তাহাকে দেখিলেই দূর হইয়া যায়। তাই সরলের পিতা যে সব কথা বলিবেন মনে করিয়া আসিয়াছিলেন, সে সব বলিতে পারিলেন না—কেমন করিয়া কথাটা পাড়িবেন, ভাবিতে লাগিলেন।

এই সঙ্কোচ হইতে অমরবাবু তাঁহাকে উদ্ধার করিলেন। তিনি প্রভাত-নলিনীকে বলিলেন, “মা, ইনিই সরলের বাবা।” তাহার পর তিনি সরলের পিতাকে বলিলেন, “তা’ হ’লে আপনার যা’ ব’লবার থাকে, আপনি বলুন।”

বিহারী বাবু প্রভাত-নলিনীর দিকে চাহিয়া বলিলেন, “মা, আমি বড় বিপদে পড়ে’ আজ তোমার কাছে এসেছি।”

প্রভাত-নলিনী মুখ তুলিল না—যেমন দাঁড়াইয়াছিল, তেমনই দাঁড়াইয়া রহিল। কেবল তাহার দেহের কম্পন তাহার বসনের চাঁঞ্চল্যে অনুভূত হইতে লাগিল।

সরলের পিতা বলিলেন, “এ বিপদ হইতে কেবল তুমিই আমাকে উদ্ধার করতে পার। তাই আমি তোমার কাছে এসেছি।”

প্রভাত-নলিনী বলিল, “আমি কি করতে পারি?”—  
তাহার আপনারই মনে হইল, তাহার কণ্ঠস্বর যেন দুরাগত-  
যন্ত্রোক্তি।

## চোলা-নালি

অমরবাবু লক্ষ্য করিলেন, সে কাঁপিতেছে। তিনি তাহাকে বসিতে বলিলেন। সে বসিল।

বিহারীবাবু বলিলেন, “সরল আমার ছেলেদের মধ্যে শ্রেষ্ঠ ; সে আমার অঙ্কের যষ্টি ; আমার সব আশা ভরসা তা’রই উপর নির্ভর করছে। তা’র দ্বারাই আমার দুঃখ দূর হ’বে—এই ভরসায় আমি আছি।”

প্রভাত-নলিনী বলিল, “তা’ আমি জানি।”

“জান ? তবে আমি আর বেশী কি বলব। সে যদি বিয়ে না করে—যেখানে তা’র বিয়ের সম্বন্ধ ঠিক হয়েছে, সেখানে বিয়ে না করে, তবে আমার গ্রামের সম্পত্তিটুকুও বিক্রী হয়ে যা’বে ; আমরা পথে দাঁড়াব।”

প্রভাত-নলিনী জিজ্ঞাসা করিল, “শুধু কি তা’ই ?” সে তখনও সব আশা ত্যাগ করিতে পারিতেছিল না।

“সে যে বড় কথা।”

“কিন্তু টাকাটা পেলেই কি আপনার বিপদ যায় ?”

সরলের পিতা বুঝিলেন, তিনি আপনার কথায় আপনি ঠকিয়াছেন—ইহার সঙ্গে ঢাকাঢাকি চলিবে না ; সব কথা সরল-ভাবে বলাই ভাল। তিনি বলিলেন, “সে বলেছে বটে, সে যেমন করে পারে, সে টাকা যোগাড় করে দেবে, কিন্তু তাতে তা’র পড়ার ক্ষতি হ’বে—সে যেমন করে আগে সুব পরীক্ষায় পাশ

## চোলা-বালি

হয়েছে, তেমন করে পারবে না। তা' হলে ভবিষ্যতে তা'র উন্নতির আশাও তেমন থাকবে না।”

প্রভাত-নলিনী বলিল, “সে কথা কি তিনি ভেবে দেখেন নি?”

“সে বলে, পরীক্ষায় প্রথম হওয়াই মানুষের জীবনের চরম ও পরম লক্ষ্য নয়।”

“তবে?”

“সে সংসারের কি বুঝে? এখন মোহে পড়ে' সে যা'তে সুখ ভাবছে, শেষে তা'কে তা'তেই কত দুঃখ পেতে হ'বে, তা' সে ভেবে দেখছে না। আর——”

প্রভাত-নলিনী এইবার মুখ তুলিয়া চাহিল।

বিহারীবাবু বলিলেন, “আর, দেখ—সমাজের কাছে সে কতটা হীন হয়ে যাবে! লোক তা'কে দেখলে ঘৃণায় হাসবে—সমাজ তা'কে বর্জন করবে। তার অবস্থা তখন কি হ'বে? যে সমাজের অলঙ্কার হ'তে পারে—হ'বে এমন আশা করছি, তা'র এমন সর্বনাশ কি করতে আছে?”

পূর্বরাত্রির চিন্তাতেই প্রভাত-নলিনীর মন নরম হইয়াছিল—সে আপনি সব দুঃখ সহ্য করিয়া সরলের কল্যাণ-সাধনেই আপনার ভালবাসায় সার্থকতা মনে করিয়াছিল। সে বলিল, “আমি কি করতে পারি, বলুন! আমি করব।”

## চোন্না-বালি

বিহারীবাবু আশার অবকাশ পাইয়া পরম আনন্দিত হইলেন। তিনি বলিলেন, “তুমি তা’কে বুঝিয়ে বল।”

প্রভাত-নলিনী ক্ষীণ হাসি হাসিল—যেন রজনীতে হৃদের অন্ধকার জলের উপর বিছাতির আলো বল্কিয়া গেল। সে বলিল, “আপনি অবশ্যই বুঝিয়ে দেখেছেন—পারেন নি। আমার কি সাধ্য যে তাঁ’কে বুঝাই?”

বিহারীবাবুর চক্ষু অশ্রুসজ্জল হইয়া উঠিল। তিনি বলিলেন, “তবে কি আমার আর কোনও আশাই নেই—আমার সর্বনাশই হ’বে?”

প্রভাত-নলিনীর হৃদয় তাঁহার হৃৎথে সহানুভূতিতে চঞ্চল হইয়া উঠিল। সে বলিল, “আপনি আমাকে যা’ করতে বলেন, আমি তা’ করতে স্বীকার করছি।”

সরলের পিতা উঠিয়া দাঁড়াইলেন, বলিলেন, “আমি আশীর্বাদ করছি, তোমার মঙ্গল হ’বে। তুমি আমার রক্ষা কর—একটা বিপন্ন পরিবারকে বিপদ থেকে উদ্ধার কর। তুমি তা’কে মোহ থেকে মুক্তি দাও।”

প্রভাত-নলিনী কেবল জিজ্ঞাসা করিল, “আমি কি পারব?”

সরলের পিতা বলিলেন, “পারবে—তুমিই তা পারবে।”

প্রভাত-নলিনী বলিল, “আমি যা’ পারি তা’ করব—না পারলেও করব। আপনি নিশ্চিন্ত থাকুন।”

## চোরা-বালি

সে আর আপনাকে সংঘত রাখিতে পারিল না—যেন ভাঙ্গিয়া পড়িল, ছুই করে মুখ ঢাকিয়া কাঁদিতে লাগিল।

সকলেই কিছুক্ষণ নির্বাক হইয়া রহিলেন। তাহার পর অমর বাবু বলিলেন, “তবে আমরা এখন আসি।”

প্রভাত-নলিনী মুখের উপর হইতে হাত সরাইয়া লইল। যেন অকালবর্ষণে ক্লিন্ন শতদল জলের উপর মুখ তুলিল। সে অমর বাবুকে বলিল, “আপনার সঙ্গে আমার একটু কথা আছে।”

অমর বাবু সরলের পিতাকে বলিলেন, “তবে আপনি যান। আমি পরে যাচ্ছি।”

সরলের পিতা ও স্নহৃদ চলিয়া গেলে, প্রভাত-নলিনী অমর বাবুকে বলিল, “এ কাজ আমি ক’রব। আপনি দেখবেন, চোরা-বালি কেবল নষ্টই করে না—রক্ষাও করে।”

অমর বাবু যেন একটু লজ্জিত হইলেন।

প্রভাত-নলিনী বলিল, “কিন্তু তাঁকে যুক্তিতর্কে হারান আমার অসাধ্য; বরং তিনিই যুক্তিতর্কে আমাকে হারিয়ে তাঁ’র মতে লওয়াবেন। কাজেই সে পথে যাওয়াই হ’তে পারে না।”

“তবে কি ক’রবে?”

তখন প্রভাত-নলিনী যে প্রস্তাব করিল, তাহাতে অমর বাবু বিস্ময়ে স্তম্ভিত ও প্রশংসায় মুগ্ধ হইয়া গেলেন। তাহার পর তিনি বলিলেন, “তুমি যা’ ক’রবে ব’লছ, সে মেয়েরাই পারে;

## ডোন্না-বালি

পুরুষে তা' পারে না। এতটা স্বার্থত্যাগ—এতটা আত্মত্যাগ পুরুষের ধাতুতে নেই, মেয়েদের কিন্তু তা' মজ্জাগত। যা'দের পূর্ববর্তীরা স্বামীর চিতায় হাসিমুখে পুড়ে মরেছেন—এ তা'রাই পারে। শক্তির অংশ তোমরা—তোমরা এ পার; আমরা পারি না।”

তিনি মনে করিলেন, সত্যসত্যই জীলোক ত্যাগে পুরুষের অপেক্ষা কত বড়!

প্রভাত-নলিনীর সঙ্গে আর কয়টি কথা বলিয়া অমর বাবুও বিদায় লইলেন।

বিহারী বাবু ও সুহৃদ রাজপথে তাঁহার জন্ত অপেক্ষা করিতে-ছিলেন। তাঁহাদের কাছে যাইয়া অমর বাবু বলিলেন, “প্রভাতের নলিনীই বটে!”

বিহারী বাবু বলিলেন, “তা' বটে—অমন রূপ ত আর দেখি নি।”

অমর বাবু বিরক্ত হইয়া বলিলেন, “রূপ ত তুচ্ছ; গুণেই প্রভাতের পদ্য ফুল।”

তাহার পর তিনি বিহারী বাবুকে বলিলেন, “আপনি আজ রাত্রির গাড়ীতেই বাড়ী চলে যা'ন। আপনি যে প্রভাত-নলিনীর সঙ্গে দেখা করেছেন, সে কথা সবল যেন ঘূণা-ক্ষরেও জানতে না পারে। তা' হলে হিতে বিপরীত হ'বার সম্ভাবনা।”

## চোরা-বাঁলি

বিহারী বাবু তাঁহার কথা ঠিক বুঝিতে পারিলেন না। সুহৃদ বলিলেন, “তা’ই হ’বে।”

\* \* \* \*

এ দিকে অমর বাবুকে বিদায় দিয়া প্রভাত-নলিনী কাঁদিতে লাগিল। যে সঙ্কল্প সে পাথরের মত বুকে চাপিয়া ধরিয়াছিল, তাহার ভারই তাহাকে ব্যথিত পীড়িত করিতে লাগিল। হায়, কর্তব্য—ভালবাসার কর্তব্য, তুমি যখন অপ্রিয় হইয়া উঠ, তখন তুমি মানুষকে কি যন্ত্রণাই দিতে পার! তোমার পেষণে কত তরুণ হৃদয় পিষ্ট হইয়া গিয়াছে—নষ্ট হইয়াছে। কত যুবক তোমার জন্ত জীবনে উচ্চাশার স্বপ্ন ত্যাগ করিয়াছে—জীবন হইতে কল্পনার বর্ণরঞ্জন মুছিয়া ফেলিয়া সুখহীন—বৈচিত্র্যহীন জীবন বাপন করিয়াছে! কত যুবতী তোমার জন্ত সমস্ত জীবন অশ্রুসিক্ত—ব্যর্থ করিয়াছে! তবুও তুমি সকলের অপেক্ষা বড়। তোমাকে ত্যাগ করিলে মানুষের জীবনে আর কি থাকে? সুখ? সে সুখ মানুষের—বিবেকবুদ্ধিসম্পন্ন মানবের সুখ নহে; তাহা পশুর সুখ। তাহা লইয়া মানুষ তৃপ্ত থাকিতে পারে না। সে সুখের মুখ্যূরদাহ হৃদয় দগ্ধ করে। তাই তুমি যে দুঃখ দাও, তাহাও পূত বলিয়া বরণ করিতে হয়।

প্রভাত-নলিনীর প্রেম—অনাবিল ভালবাসা তাহাকে যে কর্তব্যপথ দেখাইয়াছে, সে সেই পথেই অগ্রসর হইবে। সে পথ কণ্টকাকীর্ণ দুর্গম—ভীতিভীষণ হইলেও তাহাকে সেই পথেই

## জোন্না-বালি

পরিত্রাণ করিতে হইবে। মৃত্যু পর্য্যন্ত সে পথের শেষ নাই। আজ তাহার জীবনের বিরাট শূন্যতাব তাহাকে পীড়িত করিতে লাগিল। তাহার আশার স্বপ্ন কল্পনার নন্দনকানন মৃগতৃষ্ণিকার মত তাহাকে প্রলুব্ধ করিয়া মিলাইয়া গেল! বুকভাঙ্গা বেদনা কি, প্রভাত-নলিনী আজ তাহা অনুভব করিল—ঘূর্ণীবাযু যেন তরু-গাত্রাবলম্বী লতাকে ছিন্ন ভিন্ন করিয়া কর্দমে ফেলিয়া গেল। প্রভাত-নলিনী যাইয়া শয্যার আশ্রয় লইল—শয্যায় লুটাইয়া কাঁদিল। সে কাঁদিল বটে, কিন্তু সঙ্কল্প অটল রহিল।

সরলের আসিবার সময় হইলে সে উঠিল—মুখ ধুইয়া ক্রন্দনের চিহ্ন বিলুপ্ত করিল—আপনাকে সংযত করিল। তাহার পর সরল আসিলে সে বলিল, ‘মদন-পারিজাত’ যে ইংরাজী কবিতা অবলম্বনে লিখিত, সে সেইটি আবার পড়িবে। সরল বিস্মিত হইল; কিন্তু কিছু বলিল না—পড়াইয়া গেল। আর এক কারণে সে আরও বিস্মিত হইল। প্রথম দিন এই কবিতা-পাঠকালে যে প্রভাত-নলিনী তাহার পার্শ্বেই আসিয়া বসিয়াছিল, সে দিন হইতে সে আর সে আসন ত্যাগ করে নাই। পর দিনই সে আর একখানি পুস্তক আনিয়াছিল! কাজেই একই পুস্তক দেখিয়া জুই জনের পড়িবার জন্ত উভয়ের পাশাপাশি বসিবার কোনও প্রয়োজন ছিল না। তবুও প্রভাত-নলিনী তাহার পাশের আসনেই বসিত। আজ সে তাহার সম্মুখে—টেবলের অপর দিকের আসনে যাইয়া বসিয়াছিল, এবং তাহার দৃষ্টি পুস্তকের পৃষ্ঠায় বদ্ধ না থাকিয়া কেবল তাহার দিকেই



## চোরা-বালি

ছিল। প্রভাত-নলিনী যে তাহাকে ভাল করিয়া দেখিবার জন্ত সে আসনে বসিয়াছিল, তাহা সে বুঝে নাই।

সরল চলিয়া গেলে সে টেবলের উপর মাথা রাখিয়া কাঁদিল। সন্ধ্যার পর অমর বাবু আসিলেন। তাহার সঙ্গে প্রভাত-নলিনী সে গৃহ ত্যাগ করিল। চৌধুরী-বাড়ী ত্যাগ করিবার সময় সে মুক্তির আনন্দ অনুভব করিয়াছিল—আজ সে কেবল কাঁদিল।

তাহার পরদিন যথাকালে আসিয়া সরল ভূত্যের কাছে গুলিল, প্রভাত-নলিনী গোকুলগঞ্জের রাজার সঙ্গে চলিয়া গিয়াছে। সরল যেন আর তাহার সঙ্গে সাক্ষাৎ করিবার চেষ্টা বা আশা না করে।

গোকুলগঞ্জের রাজাকে বঙ্গদেশে সকলেই প্রসিদ্ধ মত্ৰপ ও দুর্নীতিপরায়ণ বলিয়া জানে ও ঘৃণা করে।

সরলের মাথা ঘুরিতে লাগিল।

## দশম পরিচ্ছেদ ।

প্রভাত-নলিনী চলিয়া গিয়াছে ! এ কথা বিশ্বাস করিতে প্রবৃত্তি হয় না । তবুও বিশ্বাস করিতে হইল—কেন না, বিশ্বাস না করিয়া উপায় নাই । ইহার অপেক্ষা প্রভাত-নলিনী মরিল না কেন ? সরল যদি মরিত—সেও ভাল ছিল; তাহা হইলে তাহাকে এ আঘাত পাইতে হইত না । তবে জগতে কাহাকেও বিশ্বাস নাই । সে যাহার হৃদয় স্বচ্ছ ও অনাবিল বলিয়া বিশ্বাস করিয়াছে, তাহার হৃদয় এত আবিল ! সে তাহাকে এমন ভাবে ভুলাইয়া ছলনা করিয়াছে ! সরল আপনাকে ধিকার দিল—আপনার বুদ্ধিকে ধিকার দিল । অমরবাবু সতাই বলিয়াছিলেন, সে চোরাবালিতে পাই দিয়াছিল । নহিলে কি এমন হয় ? সমাজের শাসন—সংস্কার এ সকলের সার্থকতা আছে । এ সব ত্যাগ করা যায় না ।

যদি আপনার ভুলে সরল আপনার উপর ক্রুদ্ধ না হইত, তবে বোধ হয়, তাহার পক্ষে প্রভাত-নলিনীর এই ব্যবহারের বেদনা অসহ্যই হইত । এখন আর তাহা হইল না । সে মনে করিল, সে ভুল করিয়াছিল ; যাহাকে ভালবাসিয়াছিল, সে

## চোরা-বাঁশি

ভালবাসার অমূল্যবৃত্তি ; সে চন্দনজ্ঞানে ললাটে পঙ্ক ধারণ  
করিয়াছিল।

আজ তাহার মনে হইল, এই জন্তু সে পিতার নয়নে অশ্রু  
দেখিয়াও বিচলিত হয় নাই ! এই প্রভাত-নলিনীর জন্তু ! পিতা  
পূর্বদিন তাহার বেদনা বক্ষে বহিয়া গৃহে ফিরিয়া গিয়াছেন।  
তাহার সে বেদনার জন্তু দায়ী—তাহার পুত্র।

কোন পথে কেমন করিয়া সে যে ছাত্রাবাসে ফিরিল, সরল  
তাহা জানিতেও পারিল না। আসিয়াই সে স্নহদের সন্মানে  
তাহার ঘরে গেল। স্নহদ কেওড়া কাঠের তক্তাপোষের উপর  
“অনন্ত শয়ন” বিছাইয়া তাহাতে শুইয়া একখানা পস্তক পাঠ  
করিতে করিতে পা নাচাইতেছিলেন। সেটা তাহার “মুদ্রাদোষ।”  
সরল কক্ষে প্রবেশ করিলে সে বহিখানা ফেলিয়া উঠিয়া বসিল।  
সরলের মুখ দেখিয়া তাহার ভয় হইল। তাহার মুখ শুষ্ক—  
নয়নে অশ্রুভাবিক দৃষ্টি। সে কোনও কথা কহিবার পূর্বেই সরল  
বলিল, “স্নহদ তুমিই ঠিক বুঝেছিলে। ভুল আমার। আমাকে  
রক্ষা কর। বাবাকে লিখে দাও, আমি তাঁকে যা’ বলেছি, তিনি  
যেন সব ভুলে যা’ন। আমি তাঁর সব আদেশ পালন ক’রব।”

স্নহদ বলিল, “তা হ’বে। তুমি বড় উত্তেজিত হয়েছে।  
একটু বসে ঠাণ্ডা হও।”

সরল বলিল, “না, আমি ঘরে যাচ্ছি।”

ঘরে বসিয়া সরল কুঁজা হইতে ঢালিয়া এক গ্লাস জল পান

## চোরা-বালি

করিল ; তাহার পর শ্রান্ত ও অবসন্ন ভাবে শয্যায় শুইয়া পড়িল। কত কথা ভাবিতে চেষ্টা করিল—সব যেন অস্পষ্ট বোধ হইতে লাগিল। জগতে কি সবই মিথ্যা—সবই ভ্রান্তি ! তবে কি কাহাকেও বিশ্বাস নাই ? না সে চোরা বালিতেই ঘর বাঁধিবার চেষ্টা করিয়াছিল—তাই এখন হতাশ হইয়াছে ?

সে রাত্রিতে সে আর শয্যা ত্যাগ করিল না—বিনিদ্র হইয়া কেবল ভাবিতে লাগিল। সুহৃদ দুই তিনবার আসিয়া তাহাকে দেখিয়া গেল।

এদিকে সুহৃদের পত্র পাইয়া বিহারীবাবু আবার কলিকাতায় আসিলেন। তিনি সুহৃদের কাছে সব গুনিয়া প্রথমেই কালীঘাটে পূজা দিতে গেলেন ! তাহার পর আসিয়া সুহৃদকে সঙ্গে লইয়া অমর বাবুর সঙ্গে দেখা করিতে গেলেন। অমর বাবু বলিলেন, “আপনার ছেলেকে রক্ষা করিলাম বটে, কিন্তু যাহাকে মারিয়া তাহাকে রক্ষা করিলাম—আপনার ছেলে তাহার পদধূলিরও যোগ্য নহে।” বিহারী বাবু কথাটা ঠিক বুঝিতে পারিলেন না। সরল বিশ্ববিদ্যালয়ের সন্দোহক্লষ্ট ছাত্র—সচ্চরিত্র, বিদ্বান, নিমলবুদ্ধি সরল সেই কুলত্যাগিনীর চরণধূলির যোগ্য নহে ! এ কি কথা ? বিহারী বাবু এক বিপদ হইতে মুক্তি পাইয়া ভাবিলেন—আবার যেন বিপদের সম্ভাবনাও না ঘটে ; সাবধানের বিনাশ নাই। কোনরূপে শরণ বাবুর মেয়ের সঙ্গে সরলের বিবাহটা দিয়া ফেলিতে পারিলে তিনি নিশ্চিন্ত হইবেন। যাহাকে দিয়া শরণ বাবু বিবাহের

## ডোন্না-বালি

কথা চালাচালি করিয়াছিলেন, বিহারী বাবু তাঁহাকে বলিলেন, শুভ শু শীঘ্র—গিন্নী ত কেবলই বলেন, কথা হয়ে গেল—আর না বিলম্ব করে বিয়েটা দিয়ে ফেলেই হয়।” তিনি যথানিয়মে সে সংবাদ শরৎ বাবুকে জানাইলেন। শরৎবাবু তাঁহার দ্বিতীয় পক্ষের গৃহিণীর সঙ্গে সে বিষয়ে পরামর্শ করিলেন। গৃহিণী বলিলেন, “বেশ ত। অমন ছেলে—কত জন মেয়ে দিতে ঝুঁকবে। ও হয়ে গেলেই নিশ্চিন্ত।”

শরৎ বাবু বলিলেন, “কিন্তু ছেলে যে বলোঁছিল, পড়া শেষ করে বিয়ে ক’রবে, সেই ত ভাল ছিল।”

“না গো না—একজামিনের ত আর বেশী দেৱী নেই। মধ্যে এই ক’টা মাস। আমি বলি, ও ‘নাপিত পাবে যখন ক্ষেৱী হ’বে তখন’। মেয়ের বিয়ে হয়ে গেলেই ভাল। তার পর এম, এ, পাশ হলে লোকে আরও বেশী টাকা নিয়ে সাধবে। দেখছ ত বাজার ?

শরৎবাবু বলিলেন, “তা’ ত বটেই।” গৃহিণীর কথায় তাঁহার প্রায় ঐ একই জবাব ছিল।

তাঁহার পর বিহারী বাবু যখন সরলকে বলিলেন, শরৎবাবুর ইচ্ছা—তাঁহারও ইচ্ছা সরলের বিবাহ আর বিলম্ব না করিয়া শেষ হয়, তখন সরল আর কোনই আপত্তি করিল না। সে মনে করিল, সে পিতা মাতার প্রতি কর্তব্যের কাছে মাথা নত করিয়াই বিবাহে সন্মত হইয়াছিল—কোনও বিচার বিবেচনা করে নাই।

## ভোলা-বালি

তাহার পর যখন সে কর্তব্যের বিপক্ষে বিদ্রোহ ঘোষণা করিয়াছিল, তখন সে আপনিই ভুল করিয়াছে। সে আর সে ভুল করিবে না।”

বিহারী বাবু নিশ্চিত হইয়া বিবাহের আয়োজন করিতে লাগিলেন। অনেক দিন পরে আপনার জীর্ণ পৈত্রিক গৃহের সংস্কারের ব্যবস্থা হইল—কার্ণিশের উপর হইতে অশ্বখ গাছ ও গুদামঘর হইতে চামচিকা দখলী স্বত্বে আঘাত পাইয়া স্থানচ্যুত হইল। গ্রামের পুরুষরা মুখে বলিলেন, “এত দিনে বিহারী বাবুর হুঃখ ঘুচল—য’ক—একটা বনেদী ঘর, তবু রক্ষে হ’ল।” তাঁহার মনে মনে বলিলেন, “বাড়ীতে আবার পৌচড়া টানা হচ্ছে; যেন আঙ্গুল ফুলে কলাগাছ! অত বাড়াবাড়ি ভাল না; তবু যদি লোক না জান্ত, কুটুম্বুর পয়সা অত লপচপানি।” মহিলারা কেহ বলিলেন, ছেলে পেটে ধরলেই হয় না; ধত্তি গৰ্ভ সরলের মা’র—এমন ছেলে পেটে ধরেছিল যে, এক ছেলে হতেই হুঃখ ঘুচল। আহা বেঁচে থাক।” আবার কেহ বা বলিলেন, “হ’ল বটে; কিন্তু সমানে সমানে কাজ না হ’লে কি কুটুম্বিতা স্নেহের হয়? দেখ না, আরও ত দুই ছেলের বিয়ে হয়েছে; তখন কাকে বকে জান্তে পারেনি; এবার বড় মানুষের মেয়ে আসবে—ত’রা ভাক্সা বাড়ীতে মেয়ে পাঠাবে কেন?” তাহার পর কথা হইতে লাগিল—বিহারী বাবু কত টাকা পাইলেন? কেহ বলিল, “দশ হাজারের কম নয়—নইলে মহাজনের টাকা

## জোনা-বালি

শোধ করে আবার বাড়ী সারান চলত না।” কেহ বলিল, “টাকা অত সম্ভা নয়—লাখ টাকা লাখ টাকা হুকুড়ী দশ টাকা! কত টাকা মাইনে পায় শরৎ বাবু যে, এক মেয়েকে দশ হাজার টাকা দিবে। হলই বা শেষ পক্ষের এক মেয়ে; চাকরী ত অন্তিম দশায়—মাসে হাজারের কাছাকাছি। অত কেন?”

বিহারী বাবু লোকের কথা শুনিতেন, কোনও কথা বলিতেন না। সরলের যে মতি ফিরিয়াছে, আর শরৎ বাবু যে মধ্যের ঘটনা জানিতে পারেন নাই, ইহাতেই তিনি আপনাকে পরম ভাগ্যবান বলিয়া বিবেচনা করিয়াছিলেন। এখন কোনরূপে বিবাহটা হইয়া গেলে—চা’র হাত এক হইলেই তিনি নিশ্চিন্ত হইতে পারেন।

চা’র হাত নির্বিঘ্নেই এক হইয়া গেল। বিহারী বাবু ভাবিলেন, তিনি খুব জিতিলেন; শরৎ বাবু ভাবিলেন, তিনি খুব জিতিলেন।

জিত যাঁহারই হউক, বিহারী বাবুর বুকের উপর হইতে একটা বিধম ভার নামিয়া গেল—পৈত্রিক সম্পত্তিটুকু মুক্ত হইল; আর ইহার পর যাহাই কেন হউক না, আর কয় ছেলেরও মাথা গুঁজিবার জায়গা এবং মোটা ভাত মোটা কাপড়ের সংস্থান রহিল।

বিবাহের পর এক বৎসর বিহারী বাবুদের বধু আনিতে নাই। শরৎ বাবুরও স্ত্রী বলিলেন, “বাঁচা গেল—এই বছরের মধ্যেই ত জামাইয়ের একজামিন হয়ে যাবে। তা’ হ’লেই জামাই যা’

## চোলা-নালি

বলেছিল, তাই হ'বে—মেয়ে একেবারে স্বামীর কাছে ঘর করতে যাবে।”

প্রায় এক বৎসরের মধ্যেই দুইটা পরীক্ষা। এস, এ, পরীক্ষার আর বড় বিলম্ব ছিল না। বিবাহের পর কলিকাতায় ফিরিয়া যাইয়াই সরল সমধিক মনোযোগসহকারে পরীক্ষার জন্ত প্রস্তুত হইতে লাগিল। সরল সৰ্বদাই পদ্ধতিবদ্ধ ভাবে কাজ করিত; এতদিনও পড়িয়া আসিয়াছে। কাজেই অত্যাগত পরীক্ষার ত্রায় এবারও পরীক্ষা দিয়াই সে বুঝিল, পরীক্ষায় সাফল্য সম্বন্ধে কোনও সন্দেহই নাই। সে সে বিষয়ে নিশ্চিত হইয়া ওকালতী পরীক্ষার জন্ত পড়িতে লাগিলেন।

যথাকালে পরীক্ষার ফল বাহির হইল—সরল অত্যাগত পরীক্ষার নত এ পরীক্ষাতেও প্রথম স্থান অধিকার করিয়াছে। সরল জানিত, ওকালতীর প্রথম অবস্থায় বহু বাধা—সে সময় অতিক্রম করিয়া সাফল্য লাভ করিতে অধ্যবসায়ের, ধৈর্যের, পরিশ্রমের ও অর্থের প্রয়োজন। অধ্যবসায়, ধৈর্য ও শ্রমক্ষমতা তাহার ছিল; ছিল না কেবল অর্থ। কিন্তু যখন সে শরৎবাবুর কত্নাকে বিবাহ করিবে না বলিয়াছিল, তখন সে অর্থের অভাব পূর্ণ করিবার উপায় দেখিয়াছিল—সে অর্থপুস্তক লিখিবে। শরৎবাবু বারণ করিলেন—যে যদি হাইকোর্টে ওকালতীই করে, তবে দুই এক বৎসর যে খরচ, তাহা তিনিই দিবেন। সরল সে সাহায্য লইতে অস্বীকার করিল।



## চোন্না-বাগি

বাস্তবিক, আর এক বৎসর পরে সে যখন ওকালতী পরীক্ষাতেও অনশ্রুশূলভ সাফল্য লাভ করিয়া হাইকোর্টে ওকালতী করিবার প্রস্তাব আয়োজন করিল, তখন সে শ্বশুরের নিকট হইতে কোনওরূপ অর্থসাহায্য না লইয়াই কলিকাতায় বাসা করিয়া সপরিবারে বাস করিবার উপায় করিয়াছে।

ওকালতীতে সাফল্য লাভ করিতেও তাহাকে অধিক দিন অপেক্ষা করিতে হইল না; ভাগ্যলক্ষ্মী তাহার প্রতি প্রসন্ন হইয়া দুর্গম পথও সুগম করিয়া দিলেন—কঙ্কর কণ্টকাকীর্ণ পথও যেন কুসুমাস্তৃত হইল।

তাহার সংসারের সুখে একটু অন্তরায় ছিল—শরণ বাবুর কন্যা সর্বদাই মনে করিত, তাহার পিতার অর্থে শ্বশুর-পরিবারের বিশেষ উপকার হইয়াছে। সেই গর্বের ঔদ্ধত্যও কিন্তু সরলকে বিচলিত করিতে পারিত না। প্রেমের যে আবেগ ও উচ্ছ্বাস এই গর্বে আহত হইয়া তাহাকে ব্যথিত কারতে পারিত, সরল সে আবেগ ও উচ্ছ্বাস হতাশাতেই ব্যয় করিয়া সংসারে প্রবেশ করিয়াছিল। তাই সে কেবল স্ত্রীর প্রতি কর্তব্য পালন করিতেই বাস্তব থাকিত। স্ত্রীর এই গর্বের ঔদ্ধত্যটুকুও সে অনায়াসে এবং প্রসন্নচিত্তে উপেক্ষাও করিয়া সংসারে শান্তির পথ সুগম করিতে পারিত। কাজেই সংসারের কোনরূপ অশান্তি তাহাকে একনিষ্ঠ হইয়া ব্যবসায়ের শীর্ষস্থান অধিকার করিবার পথে বাধা দিতে পারিত না।

## একাদশ পরিচ্ছেদ ।

বিশ বৎসর কাটিয়া গিয়াছে—এই সময়ের মধ্যে সংসারে কত ঘটনা ঘটিয়াছে ; কিন্তু ব্যবসায়ের সরলের সাফল্যপথে কোনও বিঘ্নই উপস্থিত হয় নাই । তাহার সাফল্য দেখিয়া বিহারীবাবু অনন্ত নিদ্রায় নিদ্রিত হইয়াছেন । না প্রায় দেশেই থাকেন । কর্তব্যনিষ্ঠ সরলের সাহায্যে তাহার ভ্রাতৃত্বের এখন গ্রামের বাড়ীতে আসিয়া জমীজমা দেখিতেছেন, চালানী কারবার ফাঁদিয়াছেন ; কলিকাতার বাসায় সরলের পত্নীই গৃহিণী—তাঁহার অনেকগুলি ছেলেমেয়ে, নাতিনাতিনীও হইয়াছে । লোক বলে “সুখের সংসার বটে !” এই অবস্থায় সরলের মন হইতে প্রভাত-নলিনীর স্মৃতি বৃষ্টি মুছিয়া গিয়াছে । সে ঘটনা যাঁহার জানিতেন, তাঁহাদের মধ্যে বিহারীবাবু আজ পরলোকে ; না সে কথার উল্লেখও করেন না । অমরবাবু আজও বাঁচিয়া আছেন, কিন্তু সে বিষয়ে তাঁহার সহিত সরলের কোনও আলোচনা হয় না । সুহৃদ মফঃস্বলে জিলা-আদালতে ওকালতী করিতেছে—সরলের সঙ্গে তাহার প্রায়ই দেখা হয় না । আপনার ব্যবসা ক্ষেত্রে সরলের সাফল্য বহু উকীলের ঈর্ষ্যার উদেক করিয়াছে । সে যে অচিরে জজ হইবে, সে বিষয়ে কাহারও সন্দেহ নাই ।

## ডোরা-ঝালি

দুর্গাপূজায় হাইকোর্টের দীর্ঘ অবকাশ। কয়েক বৎসর হইতে এই সময় সরল সিমলায় বাইয়া থাকে। সিমলা শৈল ভারত সরকারের লীলাভূমি—আমাদের বর্তমান ভাগ্যবিধাতারা হিমালয়ে গিয়া এই সিমলায় বাস করেন। ইহাই নবভারতের কৈলাস। এই কৈলাসের প্রাকৃতিক সৌন্দর্য্য ও দেবলীলা উভয়ই বর্ণনার উপযুক্ত—কবিকল্পনাকেও পরাভূত করে। লোকে বলে, জজ হইবার চেষ্টায় (আপনাকে qualify করিতে) সরল সিমলায় যায়—বড় হোটেলে থাকে, “বড় সাহেব”দের সঙ্গে দেখা করে। বাদ্মালীর মধ্যে যাহারা প্রসিকি লাভ করিয়াছেন, তেমনই দুই একজনকে—যথা শিষ্টার মেন বা শিষ্টার শিত্র—দেখা দেয়; তাহার পর চলিয়া আইসে।

এবার সে যখন সিমলায় যায়, তখন তাহার এক বন্ধু তাহাকে একবার ধরনপুরে বাইতে বলিয়া দিয়াছিলেন—তাঁহার পীড়িত পুত্র তথায় আছে। সিমলা হইতে ফিরিবার পথে তাই সরল ধরনপুরে আসিল।

ধরনপুর যক্ষ্মারোগীর পক্ষে স্বাস্থ্যকর স্থান; তাই এই স্থানে যক্ষ্মারোগীদিগের জন্ত চিকিৎসাগার ও উপনিবেশ স্থাপিত হইয়াছে। সে বাড়ীতে সরলের বন্ধুপুল ছিল, সে বাড়ীর সন্ধান লইয়া সে তথায় গেল, এবং তাহাকে দেখিয়া আসিল। সে যখন ফিরিয়া বাইতেছিল, তখন পথের পাশে আর একখানি গৃহের এক জন চাকর আসিয়া তাহাকে জানাইল, সেই বাড়ীতে রোগিনী আছেন, তিনি তাহাকে একবার বাইবার জন্ত অনুরোধ করিতেছেন।

## চোরা-বাঁলি

বিস্মিতভাবে সরল জিজ্ঞাসা করিল, “আমাকে ?”

ভূতা বলিল, “হাঁ।”

সরল বাড়ীতে গেল—সোপান অতিক্রম করিয়া বারান্দায় উঠিল। সেই বারান্দায় একখানা রোগীর খাটে রোগিণী শুইয়া আছেন—দেহ অস্থিচর্মসার; মুখের বর্ণ এমন যে, স্বকের নিয় হইতে যেন উজ্জ্বল ফুটিয়া বাহির হইয়াছে—সেই মুখে চক্ষু দুইটি অস্বাভাবিক বড় দেখাইতেছে।

সরলকে দেখিয়া সেই চক্ষুতে যেন নূতন উজ্জ্বল দৃষ্টি ফুটিয়া উঠিল। রোগিণী জিজ্ঞাসা করিল, “আমাকে কি চিন্তে পারেন?”

সরল চিন্তিতে পারিল না। কিন্তু নিঃস্বল্প নিশীথে দূরাগত বংশীরবে যদি কোনও পুরাতন পরিচিত সুর শুনা যায়, তবে যেনমনে হয়, তাহার তেমনই মনে হইল। এ কণ্ঠস্বর সে কোথাও শুনিয়াছে; কিন্তু কবে শুনিয়াছে—কোথায় শুনিয়াছে, মনে করিতে পারিল না। মনে কেমন অশান্তি অনুভব করিতে লাগিল।

রোগিণীর শীর্ণ পাণ্ডুবর্ণ ওষ্ঠাধরে ক্ষীণ হাসি দেখা দিল। সে যেন শরতের মেঘে শীর্ণ বিছাতের রেখা—যেন পরলোকের পার হইতে বিজ্রপের ব্যঞ্জনা। সে বলিল, “আমি চোরা-বাঁলি।”

সরল স্তম্ভিত হইয়া গেল। অদৃষ্টের এ কি উপহাস যে, এত দিন পরে এই অবস্থায় এমন অতর্কিতভাবে প্রভাত-মলিনীর সঙ্গে তাহার সাক্ষাৎ! বাহা স্বপ্নস্মৃতিতে পর্য্যবসিত হইয়াছিল, তাহাই আবার সত্য হইয়া দেখা দিল! আর, অদৃষ্টের এ আবার

## চোরা-বাঁলি

কি উপহাস যে, সেই প্রভাত-নলিনী, যাহার দেহে রূপ ধরিত না, সে আজ শীর্ণ অস্থিচক্ষ্মসার—মৃত্যুশয্যালীন রোগিণী ! রোগ রূপের শত্রু ; কিন্তু এ স্থলে রোগ কি শত্রুতাই সাধিয়াছে ! আজ এক মুহূর্তে কত কথাই তাহার মনে পড়িল ! অরুণোদয়ে যেমন সহসা কত পদার্থ দৃষ্টিগোচর হয়, তেমনই আজ স্মৃতির আলোকে কত অদৃশ্য ঘটনা দেখা দিল ! তখন যৌবনে সে প্রভাত-নলিনীকে ভাল-বাসিয়াছিল ; তাহার পর সে তাকে প্রতারণা করিয়া কি বেদনাই দিয়াছিল—মানুষের উপর তাহার বিশ্বাসে কি আঘাতই করিয়াছিল ! আজ প্রভাত-নলিনীর সান্নিধ্যও সে ঘৃণা করে । কিন্তু এই রোগজীর্ণা—মরণাহতা ইহার উপর কি রাগ হয়, ঘৃণা থাকিতে পারে ?

শয্যাপার্শ্বে চেয়ার ছিল । প্রভাত-নলিনী তাকে বসিতে ইঙ্গিত করিল । সরল বসিল ।

তখন প্রভাত-নলিনী বলিল, “আজ ক’দিন থেকে কেবল মনে হচ্ছিল—যদি মরবার আগে একবার আপনার দেখা পেতাম ! যিনি অন্তর্যামী, তিনি আমার প্রার্থনা শুনেছেন ; নইলে আজ এখানে আপনাকে পা’ব কেন ? মরবার আগে যে আপনাকে সব কথা বলবার অবসর পেলাম, তাতেই আমি ধন্য হলাম ।” কাশিতে কাশিতে তাহার শ্বাসরোধের উপক্রম হইল—যে কাশ তুলিল, তাহাতে রক্ত ।

সরল বলিল, “তুমি আর কথা বলো না ।”

প্রভাত-নলিনী বলিল, “বলবার আর বেশী সময় নেই । এমন সময়

## চোরা-বালি

আমাকে বারণ ক'রবেন না। যে ব্যথা বুকে নিয়ে এই বিশ বছর সাপের দংশন সহ্য করিতেছি, সে ব্যথা এইবার যা'বে। আর কষ্ট পা'ব না। বেশী কথা বলবারও নেই। জানবেন—বিশ্বাস করবেন, আপনার কাছে বিশ্বাসহস্তী হইনি।”

সরল বিস্মিতনেত্রে চাহিয়া রহিল।

একটু বিশ্রাম করিয়া প্রভাত-নলিনী বলিল, “যে কথা আমি নব্বেরে গেলে জানতেন, আজ তাই বলে যা'ব। তা হ'লে আপনি আমার কথায় বিশ্বাস ক'রতে পারবেন! বোধ হয় আমাকে আর দ্বণা করবেন না।”

সরল তাহার মুখের দিকে চাহিয়া রহিল।

প্রভাত-নলিনী বলিল, “যে দিন আপনি আমার জন্ত অনেকই ত্যাগ করতে চেয়েছিলেন, সে দিন আমি ধন্ত হয়েছিলাম—স্বর্গ হাতে পেয়েছিলাম—মনে করেছিলাম, আমার মত সুখ জগতে আর কারও নেই। কিন্তু তা'র পরদিনই আমার সে সুখের স্বপ্ন ভেঙ্গে গিয়েছিল। আপনার বাবা অমর বাবুর সঙ্গে এসে বলেছিলেন, আমাকে ত্যাগ না করলে আপনার সর্বনাশ হ'বে, তাঁরও সর্বনাশ হ'বে। তখন আমি ভাবলাম, আমার ভালবাসা কি আপনার সুখের জন্ত আমাকে সব ছু'খ সহ্য করাতে পারবে না? পারবে।”

সরল বলিল, “তা'র পর?”

“কিন্তু আমি ভেবে দেখলাম, আপনি আমাকে ত্যাগ ক'রবেন না। আমি পালিয়ে গেলেও যদি আপনি আমার সন্ধান পান,

## ডোন্না-বালি

আর ভাবেন—তবে আমিও না এসে থাকতে পারব না। তাই, যাঁতে আপনি আর আমার সন্ধানও না করেন, সেই জন্ত আপনার কাছেও মিথ্যা কথা বলে গেলাম। সে মিথ্যা কথা বলতে কি কষ্ট!” যন্ত্রণায় প্রভাত-নলিনীর মুখ বিকৃত হইয়া গেল। সে আবার কাশিতে লাগিল—রক্ত তুলিল।

তখন সরলের হৃদয়ে ঘৃণার স্থানে শ্রদ্ধা প্রতিষ্ঠিত হইয়াছে। প্রভাত-নলিনীর স্বার্থত্যাগে—আত্মত্যাগে সে আত্মহারা হইয়াছে।

প্রভাত-নলিনী বলিল, “সেদিন থেকে অমর বাবু আমার বাবার কাজ করেছেন, আমাকে সব দরকারে সাহায্য দিয়েছেন। তিনি আমার সব কথা জানেন। আজ আপনার দেখা পেলাম—সুখে ন’রব। যদি কোনও অপরাধ করে থাকি, ক্ষমা ক’রবেন।”

উদ্বেলিত-আবেগে সরল বলিল, “তোমার অপরাধ! আমি সাধারণ মানুষের আদর্শে বিচার করে’ তোমার প্রতি কি অবিচারই করেছি! তুমি সে আদর্শ থেকে অনেক উচ্ছে। তোমাকে আমি একদিন যে আদর্শের মনে করেছিলাম—তুমি সেই আদর্শের। তুমি মানুষের দৌর্বল্য পরিহার করেছ। আমার অপরাধ ক্ষমা করো।”

প্রভাত-নলিনীর মুখে হৃদয়ীকৃত বিকশিত হইল—সে বলিল, “তবে আমার শেষ অনুরোধ, আমার বথাসকলস্ব আমি অমর বাবুকে দিয়ে আপনাকে দিতে বলেছি। আপনি তা’তে কোনও সঙ্কল্পান্তানের ব্যবস্থা করবেন। তা’ হ’লে সময় সময় আপনার আঁগাকে মনে পড়’বে।”

## চোরা-বালি

সরল বলিল, “তোমাকে কি আমি কখনও ভুলতে পারব। এই আত্মত্যাগ কি ভুলবার ?”

প্রভাত-নলিনী কি বলিতে যাইতেছিল। ডাক্তার আসিয়া উপস্থিত হইলেন। বলিলেন, প্রভাত-নলিনীর সহিত আর কথা কহা সম্ভব নহে। সে তখনই হাঁকাইতেছিল। সে নির্গিমেষ-নয়নে সরলকে দেখিতে লাগিল।

সরল সে দিন আর কলিকাতায় ফিরিল না, ধরমপুরেই রহিল। কিন্তু প্রভাত-নলিনী শেষ সময়েও তাহার কোনও অসুবিধা করিল না। সে মরিয়াও তাহার উপকার করিয়া গেল—একটা বৃহৎ সদনুষ্ঠানের জন্ত অর্থ তাহাকে দিয়া তাহার যশের পথ প্রশস্ত করিল। রাত্রি শেষ না হইতেই প্রভাত-নলিনীর দগ্ধহৃদয়ের জ্বালা জুড়াইল ; সে সরলের কাছে, তাহাকে দেখিতে দেখিতে অনন্ত নিদ্রায় নিদ্রিত হইল।

ফিরিবার পথে সরল কেবল ভাবিতে লাগিল, সে জীবনে ভুল করিয়াছে কি ? সে তাহার বর্তমান যশঃসমুজ্জ্বল জীবনের কথা মনে করিল—সমাজে তাহার সম্মানের কথা স্মরণ করিল—ভবিষ্যতে তাহার গৌরবের সম্ভাবনা লক্ষ্য করিল। সে চোরা-বালিতে সংসার-সৌধ নিশ্চিত করিলে এ সব কি সম্ভব হইত ? একবার তাহার মনে হইল, তাহার পিতা কেন তাহার সঙ্গে লুকোচুরি করিলেন ? কিন্তু সে তাহার উপর রাগ করিতে পারিল না ; তিনি ত তাহার মঙ্গলের জন্ত ভাবিয়াই তাহা করিয়াছিলেন !



## চোরা-বালি

কেবল প্রভাত-নলিনীর জন্ত করুণায় এবং তাহার প্রতি শ্রদ্ধায় তাহার হৃদয় পূর্ণ হইয়া রহিল।

ত্রেণ যখন হাওড়া ষ্টেশনে পৌঁছিল, তখন তাহার পুত্ররা তাহার কামরার ধারে আসিয়া দাঁড়াইল—একটি দৌহিত্রী ডাকিল “দাদা !” সরল তাহার বিশ বৎসরের পরিচিত সংসারে ফিরিয়া আসিল—সেই সংসারেই সে অভ্যস্ত হইয়াছে। চোরা-বালিতে কি এই সংসার রচিত হইতে পারিত ? সে ঠিক বুঝিতে পারিল না।

সম্পূর্ণ ।

কমলিনী-সাহিত্য-মন্দিরের

## উপন্যাস-সিরিজ !      উপন্যাস-সিরিজ !!

১৩২৬ সালের আশ্বিন মাসের ১লা তারিখ হইতে ধারাবাহিকরূপে প্রতি মাসের ১লা তারিখে “কমলিনী-সাহিত্য-মন্দির” হইতে ১ এক টাকা সংস্করণের সম্পূর্ণ বাছাই উপন্যাস একখানি করিয়া বাহির হইতেছে। প্রত্যেক পুস্তকই বহু মূল্যবান লেড এণ্টিকে ছাপা, হাফটোন চিত্রভরা এবং স্বর্ণ-মণ্ডিত রেসমী কিংখাপে মোড়া হইয়া অতুলন স্বর্ণ সংস্করণ আকারে বাহির হইতেছে।

আজই আমাদের উপন্যাস সিরিজের

গ্রাহক শ্রেণীভুক্ত হউন।

### উপন্যাস-সিরিজের বার্ষিক গ্রাহক হইলে

মাশুল, গ্রাহকের লাগিবে না।

১। প্রতিমাসের ১লা তারিখে নূতন উপন্যাসের নূতন সংস্করণ বাহির হইলেই নিয়মিত গ্রাহকের নামে কেবল মাত্র ১ এক টাকা ধার্য্য করিয়া ভিঃ পিঃতে পুস্তক পাঠান হয়।



আশ্বিন সংখ্যার প্রথম উপহাস

দার্শনিক পণ্ডিত শ্রীম্বরেन्द्रমোহন ভট্টাচার্য্য প্রণীত

## পাষণী

মূল্য ১, এক টাকা মাণ্ডল ১০ তিন আনা ।

আশ্বিন হইতে গ্রাহক হইলে মাণ্ডল সমেত ১, এক টাকা ।

কার্তিক সংখ্যার দ্বিতীয় উপহাস,

“মালক” সম্পাদক শ্রীযুত কালীপ্রসন্ন দাস গুপ্ত এম, এ প্রণীত

## বাসন্তী

মূল্য ১, এক টাকা মাণ্ডল ১০ তিন আনা ।

আশ্বিন হইতে গ্রাহক হইলে মাণ্ডল সমেত ১, এক টাকা ।

অগ্রহায়ণ সংখ্যার তৃতীয় উপহাস

বসুমতী সম্পাদক—সাহিত্য-কুবের শ্রীযুত হেমেন্দ্রপ্রসাদ ঘোষ প্রণী

## কলি-বাল

মূল্য ১, এক টাকা মাণ্ডল ১০ তিন আনা ।

আশ্বিন হইতে গ্রাহক হইলে মাণ্ডল সমেত ১, এক টাকা ।

কমলিনী সাহিত্য মন্দির ।

১১৪ নং আহিরীটোলা ষ্ট্রীট, কলিকাতা ।













